


সম্পূর্ণ উপন্যাস

কাকাবাবু ও মরণফাঁদ

সুনীল গঙ্গোপাধ্যায়

ছবি : সুরত গঙ্গোপাধ্যায়





সকাল থেকে সন্ত আর জোজো নিজেদের মধ্যে কী যেন বলছে ফিসফিস করে। কাছাকাছি কাকাবাবুকে দেখলেই থেমে যাচ্ছে হঠাৎ। যেন তাদের একটা কিছু গোপন কথা আছে।

বাড়ির সামনে অনেকখানি জায়গা জুড়ে বাগান। বড় বড় সব ফলের গাছ। মাঝখানটায় মখমলের মতন সবুজ ঘাসে ভরা লন। ওখানে ব্যাডমিন্টন খেলার জন্য জাল টাঙানো



আছে। কিন্তু ব্যাডমিন্টন খেলা শীতকালেই ভাল জমে। এখন ভরা বর্ষা, বৃষ্টি নামে যখন-তখন। বৃষ্টি না থাকলেও প্রবল হাওয়া দেয়। সন্ত আর জোজো এরই মধ্যে খেলার চেষ্টা করেছে কয়েকবার, কিন্তু খেলার বদলে হেসেই কুটি কুটি হয়েছে। পালকের কক উড়ে চলে যায় কোর্টের বাইরে, ব্যাকেটে ছোঁয়াই যায় না।

একবার সন্ত সার্ড করল জোজোর দিকে, ককটা ডান দিকে ঘুরে গিয়ে অনেকটা দূরে আটকে গেল একটা আমগাছের ডালে। গাছে উঠে সে ককটা পাড়তে গিয়ে জোজো পা শিছলে পড়ে গেল মাটিতে। যদিও তেমন কিছু লাগেনি, তবু জোজো ইচ্ছে করে খোঁড়াতে লাগল অনেকক্ষণ।

সেই লনের পাশেই একটা জামরুল গাছের নীচে একটা টেবিল ও চেয়ার পাতা। কাকাবাবু প্রায় সারাদিনই বসে থাকেন সেখানে। বই পড়েন। বই পড়তে পড়তে বিমূর্নিও আসে। তখনই হৈকে বলেন, “ওরে রঘু, এক কাপ কফি দিয়ে যা!”

বৃষ্টি এসে গেলে অবশ্য উঠে আসতেই হয়। তখন এসে বসেন বারান্দায়। সেখানেও বৃষ্টির ছাঁট আসে। বাইরে কোথাও বেড়াতে এসে কাকাবাবু ঘরের মধ্যে বসে থাকতে চান না।

এটা সন্তুর মামার বাড়ি। জায়গাটার নাম টাকি। এক সময় বেশ বড়সড় গ্রাম ছিল, এখন প্রায় শহরই হয়ে গেছে। তবে এখনও অনেক ফাঁকা ফাঁকা জায়গা আর অনেক গাছপালা আছে। এই বাড়িটা থেকে ইছামতী নদীটাও খুব দূরে নয়।

নদী পেরিয়ে খানিকটা গেলেই বাংলাদেশের সীমানা। ওদিকে সাতক্ষীরা শহর। এত কাছে বলেই সন্ত আর জোজোর বাংলাদেশে বেড়িয়ে আসার ইচ্ছে ছিল। কিন্তু এমনি এমনি তো যাওয়া যায় না। পাশপোর্ট আর ভিসা লাগে। এ-বাড়ির কাজের লোক রঘু অবশ্য বলেছে যে ওদিক থেকে, এদিক থেকে অনেক লোক ভিসা-পাশপোর্ট ছাড়াই যাওয়া-আসা করে, সকালে আসে, বিকেলে চলে যায়, কিংবা দু-একদিন থেকেও যেতে পারে। রঘুই সন্ত আর জোজোকে নিয়ে

যেতে পারে বাংলাদেশে!

ওরা তাতে রাজি হয়নি। মনে মনে খানিকটা ইচ্ছে জাগলেও সন্ত জানে এক-কথা শুনলেই কাকাবাবু বকুনি লাগাবেন।

একটু আগে বৃষ্টি থেমে গেছে। কাকাবাবু গিয়ে আবার বসেছেন গাছতলার নীচের চেয়ারে। বারান্দায় দাঁড়িয়ে সন্ত আর জোজো গুজগুজ করতে শুরু করেছে আবার।

সন্তুর ছোটমামা ভেতর থেকে বেরিয়ে এসে জিজ্ঞেস করলেন, “কী রে, সন্ত, তোরা কিছু টিক করলি?”

সন্ত আমতা আমতা করে বলল, “না, মানে, আমাদের তো সোমবারই ফিরে যাওয়ার কথা। কলেজ খুলে যাচ্ছে।”

ছোটমামা বললেন, “কলেজ খুলে যাবে তো কী হয়েছে? এখন থেকেই কলেজে যাবি! সন্ধ্যাবেলা ফিরে আসবি।”

সন্ত খানিকটা অবিশ্বাসের সুরে বলল, “এখন থেকে...মানে এত দূর থেকে কলেজে যাওয়া যায়?”

ছোটমামা বললেন, “কেন যাবে না? কত ছেলে যায়। কলকাতা কি খুব দূর নাকি? বাস বা ট্রেনে বড়জোর দু’ঘণ্টা লাগে।”

জোজো বলল, “কত লোক বর্ধমান থেকে, আসনসোল থেকে কলকাতায় চাকরি করতে আসে। আমার এক পিসতুতো দাদা প্রত্যেকদিন দিল্লি থেকে কলকাতা যাওয়া-আসা করে।”

এবারে অবিশ্বাসের ছাপ কুটে উঠল ছোটমামার মুখে। তিনি জিজ্ঞেস করলেন, “কী কাজ করেন তোমার পিসতুতো দাদা?”

জোজো বলল, “পাইলট!”

খতমত খেয়ে ছোটমামা বললেন, “ও, সেটা আলাদা কথা!”

সন্ত বলল, “কাকাবাবুকে কিছু বলা হয়নি। কাকাবাবু সোমবারই ফিরবেন টিক করেছে।”

ছোটমামা বললেন, “আরে, তোর কাকাবাবুকে তো আর কলেজে যেতে হয় না, কোথাও যাতায়াতও করতে হবে না। আরও কিছুদিন থেকে গেলে ক্ষতি কী? মোটে তো দশটা দিন। মাঝখানে আমার



তিনদিন ছুটি। তোরা কয়েকটা দিন একটু কষ্ট করে কলেজে ক্লাস করে আসবি, তারপর সঙ্কেবেলা রিহার্সাল। আমি গিয়ে রাজাদাকে বলব?”

সন্ত বলল, “না, না, আমি বললেই ভাল হয়।”

কিছুদিনের জন্য গ্রামের বাড়িতে এসে থাকতে ভালই লাগে। যেমন টাটকা বাতাস, তেমনই টাটকা মাছ আর ফল আর তরিতরকারি। তা বলে কি আর খুব বেশিদিন থাকা যায়? কয়েকদিন পরই কলকাতার জন্য মন ছটকট করে। এর মধ্যেই এখানে আটদিন কেটে গেছে।

সন্তুর মামা আর মাসিদের মধ্যে আর কেউ থাকেন না এখানে। সবাই চলে গেছেন শহরে। শুধু ছোটমামা একলা পড়ে আছেন এখানে। ছোটমামা আদর্শবাদী, তিনি এখানে থেকে গ্রামের সাধারণ মানুষদের জন্য অনেক কাজটাজ করেন। কেউ বিপদে-আপদে পড়লেই ছুটে আসে তাঁর কাছে। ছোটমামার নাম চন্দ্রশেখর। সবাই বলে চাঁদুবাবু!

এখানকার একটা স্কুলবাড়ি গত বছর বন্ধ্যা ডুবে গিয়েছিল। অনেক ক্ষতি হয়েছে, তিনখানা ঘর হলে পড়ে গেছে। ছোটমামা স্কুলটাকে নতুনভাবে গড়ে তুলতে চান। সেজন্য অনেক টাকা লাগবে। ছোটমামা নিজে তো কিছু দিচ্ছেনই, আরও টাকা জোগাড় করার জন্য মাঝে মাঝে চ্যারিটি শো করছেন। একটা বিরাট গানবাজনার জলসা হবে, কলকাতা থেকে বড় বড় শিল্পীরা আসবেন।

কিন্তু ছোটমামা বলছেন, “সবই শহরের শিল্পীরা এসে করবে কেন? গ্রামের মানুষও কিছু করতে পারে না ইকুল বাড়িটার জন্য? তাই তাঁর ইচ্ছে, ছোটদের দিয়ে একটা থিয়েটার করাবেন। তাঁর নিজের অনেক কাজ, সন্ত আর জোজো যদি একটা নাটক বেছে নিয়ে অন্য ছেলেদের সঙ্গে নিজেরাও পার্ট করে, তা হলে বেশ ভাল হয়।”

কিন্তু কলেজ কামাই করে গ্রামে বসে থিয়েটার করলে,

মা-বাবারাই রেগে যাবেন। আর কাকাবাবু রাজি না হলে তো প্রশ্নই ওঠে না।

বাগানের গেটের কাছে একটা সাইকেল রিকশা এসে থামল। একজন কেউ ডেকে উঠল, “চাঁদুদা, চাঁদুদা।”

ছোটমামা চলে গেলেন সেদিকে।

কাকাবাবু বারান্দার দিকে পেছন ফিরে বসে আছেন। তাঁর হাত থেকে বইটা পড়ে গেল। তার মানে ঘুমিয়ে পড়েছেন। সন্ত দৌড়ে গেল মাটি থেকে বইখানা তুলে দিতে। মাটি এখনও ভেজা।

সন্ত বইটা টেবিলে রাখতেই কাকাবাবু চোখ মেলে বললেন, “তোরা দুটিতে আজ সকাল থেকে কী করছিস রে? আমার সঙ্গে তো একবারও কথা বলিসনি!”

সন্ত বলল, “তুমি বই পড়ছিলে—”

কাকাবাবু বললেন, “আজ বুঝি তুই আর জোজো ঝগড়া করিসনি?”

জোজো কাছে এসে বলল, “দেখুন না কাকাবাবু, সন্তটা এমন ভিত্ত, আপনাকে একটা কথা বলা দরকার, আমাদেরও বলতে দিচ্ছে না।”

কাকাবাবু হেসে বললেন, “সন্ত, আমাদের কিছু বলতে ভয় পায়? এ তো নতুন কথা শুনি! তুমি তো ভিত্ত নও, তুমিই বলে ফেল! আমি তোমাদের কাকাবাবু, তোমাদের জ্যাঠামশাই তো নই! ছেলেরা জ্যাঠামশাইদের ভয় পায়।”

জোজো বলল, “কাকাবাবু, আমরা এখানে থিয়েটার করতে পারি?”

কাকাবাবু একটু অবাক হয়ে বললেন, “থিয়েটার মানে? কী থিয়েটার?”

জোজো বলল, “এখানকার ইকুল বাড়িটা ভাল করার জন্য চ্যারিটি শো হচ্ছে। কলকাতা থেকে অনেক আর্টিস্ট আসবেন। ছোটমামা বলছেন, গ্রামের ছেলেদের নিয়ে আমরাও একটা নাটক

করি।”

কাকাবাবু বললেন, “থিয়েটার করতে গেলে রিহার্সাল দিতে হয়, পার্ট মুখস্থ করতে হয়। অনেক সময় লাগে। ছুট করে কি থিয়েটার করা যায়?”

জোজো বলল, “এখনও দশদিন সময় আছে।”

কাকাবাবু বললেন, “দশদিন? আমাদের যে সোমবারই ফিরে যাওয়ার কথা।”

এবারে সন্তু বলল, “সেইজনাই তো ভাবছি...আমাদের কলেজ খুলে যাবে।”

জোজো বলল, “এখান থেকেও কলেজে ক্লাস করা যায়। সকালে গিয়ে বিকলে ফিরে আসব। যেতে দু’ ঘণ্টা, আসতে দু’ ঘণ্টা, তারপর সঙ্গে থেকে চান্না রিহার্সাল।”

কাকাবাবু চোখ বড় বড় করে বললেন, “যেতে দু’ ঘণ্টা, আসতে দু’ ঘণ্টা? তার মানে, আরও বেশি সময়ও লাগতে পারে। কখন বাস বন্ধ হয়, ট্রেন বন্ধ হয়, তার কি কোনও ঠিক আছে?”

তারপর গম্ভীরভাবে বললেন, “না, হবে না, অসম্ভব।”

সন্তু আর জোজো পরস্পরের চোখের দিকে তাকাল। সন্তুর মুখের ভাবখানা এমন, যেন জোজোকে সে বোঝাচ্ছে, তোকে আগেই বলেছিলুম না যে কাকাবাবু রাজি হবেন না!

কাকাবাবু আবার মুখ ভুলে বললেন, “অত ধকল আর সময় নষ্ট করে কলেজে যাওয়ার বদলে আট-দশদিন কলেজে না গেলেও এমন কিছু ক্ষতি হয় না। তার চেয়ে থিয়েটার করা অনেক বেশি উপকারী।”

সন্তু আর জোজো দু’জনেই হকচকিয়ে গেল। কাকাবাবু কলেজে যেতে বারণ করছেন?

কাকাবাবু জিজ্ঞেস করলেন, “কী নাটক হবে?”

জোজো বলল, “আপনি পারমিশান দিচ্ছেন? নাটক এখনও ঠিক হয়নি। এখানকার লাইব্রেরি থেকে কয়েকটা বই আনিয়েছি।”

কাকাবাবু বললেন, “নাটক বাছাই করতে দেরি করলেই তর্কাতর্কি হবে। এ বলবে ওটা, সে বলবে সেটা। বড়রাও থাকবে, না ছোটরা?”

জোজো বলল, “আমরা বড়দের নেব না।”

কাকাবাবু বললেন, “যাঃ, তা হলে তো আমার পার্ট পাওয়ার আশা রইল না। তাদের নাটকে একটা খোঁড়া লোকের যদি পার্ট থাকত।”

জোজো বলল, “সত্যি আপনি করবেন?”

কাকাবাবু বললেন, “ভেবেছ বুঝি পারি না? ছেলেবেলায় আমি অনেক শখের থিয়েটার করেছি, তখন তো খোঁড়া ছিলাম না। যাকগে, এখানকার ছোটরা করছে, সেটাই ভাল। নিজেদের স্কুলের জন্য একটা কিছু সাহায্য করা হবে। তোমরা তাদের সঙ্গে যোগ দেবে, তোমরাও তো কলকাতার আর্টিস্ট হয়ে গেলে।”

সন্তু বলল, “ছোটমামা যে বললেন।”

কাকাবাবু বললেন, “ঠিক আছে। ইস্কুলের জন্য যে-কেউ সাহায্য করতে পারে। নাটকের পরিচালক কে? সেটা ঠিক করা খুব জরুরি।”

জোজো বলল, “আমি আর সন্তু দু’জনে মিলে ম্যানেজ করব।”

কাকাবাবু বললেন, “দু’জন পরিচালক? সর্বনাশ! পদে পদে ঝগড়া হবে। তোমাদের এমনিতেই ঝগড়া হয়—”

জোজো বলল, “সন্তুকেও লাগবে না। আমি একলাই পারব।

কাকাবাবু বললেন, “তোমার যোগ্যতা কী? তুমি আগে কখনও পরিচালনা করেছ?”

জোজো বলল, “আমার বাবা শঙ্খ মিত্র আর উৎপল দত্তকে আবৃত্তি শিখিয়েছিলেন।”

কাকাবাবু হেসে ফেলে বললেন, “তোমার বাবা অত বড় বড় অভিনেতাদের আবৃত্তি শিখিয়েছিলেন, সেটা তোমার বাবার যোগ্যতা হতে পারে, তোমার হবে কী করে?”

জোজো বলল, “সৌমিত্র চট্টোপাধ্যায় আমাদের বাড়িতে প্রায়ই আসেন, আমার সঙ্গে ভাব আছে।”

কাকাবাবু বললেন, “সে তুমি যাই-ই বলো জোজো, তুমি

পরিচালক হলে সবাই কি তোমাকে মানবে? পরিচালকের কথার ওপর কথা চলে না। সেইজনাই ভাবছি পরিচালনার দায়িত্বটা আমারই নেওয়া উচিত। আমার কথা সবাই শুনবে।”

সন্তু বলল, “তা হলে তো খুব ভাল হয়।”

জোজো বলল, “কিন্তু কাকাবাবু, আপনার যোগ্যতা কী? আপনি কি কখনও পরিচালনা করেছেন?”

কাকাবাবু বললেন, “না, নাটক পরিচালনা করিনি’ বটে, তবে অভিনয় তো করেছি অনেকবার। অভিনয় করতে করতেও অনেকে পরিচালক হয়।”

জোজো বলল, “ঠিক আছে, আপনাকে পরিচালনার ভারটা ছেড়ে দিচ্ছি, কিন্তু আমাকে বড় পার্ট দিতে হবে।”

কাকাবাবু বললেন, “এই তো, কে কোন পার্ট করবে, তা নিয়ে মনোমালিন্য শুরু হয়ে যায়। সবাই বড় পার্ট চায়। আগে তো নাটক ঠিক হোক! আমি সাজেস্ট করছি, তোমরা ‘লক্ষণের শক্তিশেল’ নাটকটা করো।”

জোজো বলল, “রামায়ণ?”

সন্তু বলল, “না, না, সুকুমার রায়ের লেখা।”

জোজো সেটা পড়েনি। সন্তু পড়েছে, অনেক আগে।

কাকাবাবু বললেন, “এ নাটকটা দারুণ মজার। একই ভুলভাল করলেও জমে যায়। আর একটা সুবিধে হল, আমি নিজে এ নাটকে কয়েকবার অভিনয় করেছি তো। অনেক সংলাপ এখনও মুখস্থ আছে। আমাদের পরিচালক যেমন শিখিয়েছিলেন, তোমাদেরও তেমনই শেখাব।”

সন্তু বলল, “কাকাবাবু, এ নাটকে যে অনেক গান আছে?”

কাকাবাবু বললেন, “তোরাই গেয়ে দিবি। শক্ত কিছু নয়।”

সন্তু বলল, “গানের সুর কী করে জানব?”

কাকাবাবু বললেন, “আমি গাইতে পারি না। কিন্তু সুর সব জানি। তোমের মোটামুটি শিখিয়ে দেব। এ এমনই নাটক, ভুল সুরে গান গাইলেও ঠিক খাপ খেয়ে যাবি।”

তারপর উঠে দাঁড়িয়ে তিনি বললেন, “আমি করেছিলাম রাবণের পার্ট, বড়সড় চেহারা তো আমার। গদা ঘুরিয়ে স্ত্রীবেশে সঙ্গে যুদ্ধ করতে করতে গান গেয়েছি। শুনবি?”

মাথার ওপর হাত ঘুরিয়ে ঘুরিয়ে তিনি গাইতে লাগলেন হেঁড়ে গলায়:

ওরে পাশও, তোর ও মুণ্ড থণ্ড থণ্ড করিব।

যত অস্থি-হাড়, হবে চুরমার, এমনি আছাড় মারিব ॥

বাটা গুলিখোর, বুদ্ধি নেই তোর, নেহাত তুই চ্যাংড়া

আয় তবে আয় যষ্টির ঘাঘ করিব তোরে ল্যাংড়া...

॥ ২ ॥

রিহার্সালের জন্য বড় বৈঠকখানা ঘরটিকে ঠিক করা হয়েছে। পুরনো আমলের চাঁউস চাঁউস একটাগুলাকে ছেলে সিরিয়ে দেওয়া হয়েছে দেওয়ালের পাশে। ওগুলো সবই এখন ছেঁড়াখোঁড়া। হাড়গোড় বার করা অবস্থা, ফেলে দিলেই ভাল হয়।

টাকিতে বেশ কয়েকটি দল যাত্রা করে, নাটক করে, তাদের ভক্ত হয়নি। শুধু বেছে বেছে নেওয়া হয়েছে ইস্কুলের কিছু ছেলেকে।

কাকাবাবুর উৎসাহ দিয়েছে সন্তুর খুব মজা লাগছে। আগে তিনি বলেছিলেন, সামনের মঙ্গল-বুধবার তাঁর জরুরি কাজ আছে কলকাতায়। এখন সেসব ভুলে গিয়ে মেতে উঠেছেন নাটক নিয়ে।

প্রথমে তিনি পুরো নাটকটি সবাইকে পড়ে শোনান। গানগুলোও গাইলেন একটু একটু। তারপর বললেন, “এবার ঠিক করছ হবে, কে কোন পার্ট করবে। শোনা, অভিনয়ের সব নাটকের ছোট-বড় সব পার্টই গুরুত্বপূর্ণ। সাধারণ একটা পার্টে খারাপ হলে নাটক খুলে যায়। আমি প্রত্যেককে দু-তিন লাইন বলতে বলে টেস্ট নেব। তারপর আমি যাকে যে পার্ট দেবো নিতে হবে। কোনও আপত্তি চলবে না।”

তিনি ভূমিকা বাছাই শুরু করার আগেই ছোটমামা এসে বললেন, “রাজাদা, এক মিনিট একটু বাইরে এসো, একটা কথা বলব।”

কাকাবাবু উঠে গেলেন।

ছোটমামা বললেন, “আমার একটা অনুরোধ আছে, এখনকার পুলিশ সাহেবের ছেলে সুকোমলকে রামের পাটটা দিতে হবে। ওর মায়ের খুব ইচ্ছে।”

কাকাবাবু বিরক্ত হয়ে বললেন, “এই রে, তুমি প্রথম থেকেই এসব শুরু করলে? আমার কাজে মাথা গললে আমি এর মধ্যে থাকতে চাই না। এই করে নাটক নষ্ট হয়। সবাই যোগ্যতা অনুসারে পাট পাবে।”

ছোটমামা মিনতি করে বললেন, “আমি আর কিছুতে মাথা গলাব না। পুলিশসাহেব আমাদের অনেক উপকার করেন। উনি সাহায্য করলে আমাদের টিকিটও বেশি বিক্রি হবে।”

কাকাবাবু বললেন, “রামের পাটে যাকে-তাকে মানায় নাকি? চেহারাটা সুন্দর হওয়া দরকার।”

ছোটমামা বললেন, “তুমি ছেলটাকে আগে দেখো। আমার ধারণা, বেমানান হবে না। মফস্বলে এইসব অনুরোধ একটু স্বাভাবিকই হয়।”

প্রথমেই ডাকা হল সেই ছেলেটিকে।

তার চেহারা বেশ ভালই। বারো-তেরো বছর বয়স, সেই তুলনায় বেশ লম্বা, ফরসা রং, টানা-টানা চোখ। পুলিশসাহেবের ছেলে হলেও তার মুখে অন্ধকারের ভাব নেই। শান্ত, কোমল মুখখানি, তার নামের সঙ্গে মিল আছে।

কাকাবাবু তাকে কয়েকটা লাইন বলতে দিলেন :
পিলিড়ের পাখা উঠে মরিবার তরে।
জোনাকি যেমতি হয়, অগ্নিপানে রুবি
সঘরে ধ্বন্যেত লীলা—

ছেলেটি গলার আওয়াজও ভাল। দোষের মধ্যে এই, সে একটু তোতলা।

কাকাবাবু মনে মনে একটু হাসলেন। সুকুমার রায়ের নাটকে সব কিছুই উলটোপালটা, তা হলে রাম একটু তোতলা হলেই বা ক্ষতি কী?

অন্য সবাই হেসে উঠেছে, কাকাবাবু তাদের থামিয়ে দিয়ে বললেন, “চুপ। একেই রাম মানাবে।”

তারপর একে একে অন্য পাট দেওয়া হতে লাগল। কাকাবাবু জোজোকে বললেন, “তুমি হবে হনুমান!”

জোজো দাঁড়িয়ে উঠে বলল, “হনুমান? না, না, আমি এ পাট চাই না।”

কাকাবাবু বললেন, “আগেই বলেছি না, আমার কথায় আপত্তি করা চলবে না? নাটক সাকসেসফুল হয় কিসে জানো? যদি হাসির কথায় দর্শক হেসে ওঠে আর ভাল ভাল জায়গায় হাততালি দেয়। থিয়েটারের ভাষায় হাততালিকে বলে ক্ল্যাপ। এই নাটকে হনুমানের পাটেই সবচেয়ে বেশি হাসির কথ আছে, আর সবচেয়ে বেশিবার ক্ল্যাপ পেতে পারে। রাম-লক্ষ্মণের চেয়েও হনুমানই এখানে আসল হিরো।”

জোজো বলল, “তা বলে আমাকে হনুমান সাজতে হবে? মুখে মুখোশ?”

কাকাবাবু বললেন, “না, না, সেরকম কিছুই না। শুধু একটা লম্বা লম্বা থাকবে আর মাঝে-মাঝে তুমি হুপ হুপ শব্দ করে লাফাবে।”

জানুবারের পাট পেয়ে সন্ত কনিকও আপত্তি করেনি।

সব পাট দেওয়া হয়ে গেল। নিউ ক্লাসের করকটি বাজা ছেলেকে সাজানো হবে বানর-সেনা, তাদের কোনও কথা নেই।

তারপর কাকাবাবু বললেন, “শোনো সবাই, দুদিনের মধ্যে সবাইকে যার যার পাট মুখস্থ করে ফেলতে হবে। এখন কয়েকদিন ইস্কুল-কলেজের পড়া না করলেও চলবে। শুধু পাট মুখস্থ। ইস্কুলের পড়া প্রতি বছর বদলে যায়, পরে অনেক কিছু মনেও থাকে না। কিন্তু দেখো, এই থিয়েটারের কথা তোমাদের সারাজীবন মনে থাকবে।

৯০

আর একটা কথা, রিহাসালের সময় এক মিনিটও দেরি করে হাজির হলে চলবে না। যার দেরি হবে, তাকে আমি কান ধরে ওঠ-বোস করব, আর পর পর দুদিন যে দেরি করে আসবে, সে থিয়েটার থেকে বাদ।”

পর পর দুদিন বেশ ভালই রিহাসাল হল। সকাল থেকে সঙ্গে পর্তুগী। মাথখানে দুপুরবেলা এ-বাড়িতেই সবাই মিলে একসঙ্গে থিউড়ি-মাংস খাওয়া।

তৃতীয় দিনে হঠাৎ দেখা দিল এক উপদ্রব।

বিকেলবেলা গাড়ি নিয়ে উপস্থিত হল দেবলীনা।

রিহাসাল বেশ জমে উঠেছে, তার মধ্যেই সে টুকে পড়ে এগিয়ে গেল কাকাবাবুর দিকে। টকটকে লাল রঙের ফ্রক পরেছে, তাকে মনে হচ্ছে আঙুনের হলকা।

কাকাবাবুকে সে জিজ্ঞেস করল, “কী ব্যাপার, তোমাদের সোমবারে ফেরার কথা ছিল না? আমি দুদিন ধরে টেলিফোন করে করে পাচ্ছি না।”

কাকাবাবু বললেন, “নাঃ, ফেরা হল না।”

দেবলীনা সন্তর দিকে ফিরে চোখ পাকিয়ে বলল, “আইই সন্ত, খুব কলজেজে ফাঁকি দেওয়া হচ্ছে? লেখাপড়া গোলায় গেছে। বেশিদিন গ্রামে থাকলে গৌড়া ভূত হয়ে যায়, জানিস না?”

জোজো বলল, “এই রে, এসে গেছে মূর্তিমতী বঙ্ক।”

দেবলীনা তার দিকে ফিরে বলল, “কী বললি, কী বললি?”

সন্ত জোজোকে বলল, “এত শব্দ শব্দ বাংলা এ লোকটা বোঝে না।”

দেবলীনা বলল, “আমি বাংলা বুঝি না? আমি বঙ্ক। মানে জানি, কুশাটিকা মানেও জানি। তুই কিংকর্তব্যবিমূঢ় মানে বলতে পারবি?”

সময় নষ্ট হচ্ছে বলে, কাকাবাবু অস্থির হয়ে বললেন, “দেবলীনা, তুমি একটু পাশে বসে থাকো। আমরা একটা কাজ করছি।”

এতক্ষণ ঘরের মধ্যে আর কে আছে, তা লক্ষ্যই করেনি দেবলীনা। এবার সে মুখ ঘুরিয়ে সবাইকে দেখল। তারপর বলল, “এরা সবাই একটা করে বই হাতে নিয়ে বসে আছে কেন? ইস্কুল হচ্ছে বুঝি?”

কাকাবাবু বললেন, “না, আমরা নাটকের রিহাসাল দিচ্ছি।”

দেবলীনা বলল, “নাটকের রিহাসাল মানে?”

জোজো বলল, “কাকাবাবু, ও রিহাসাল মানেও জানে না।”

কাকাবাবু বললেন, “এখানে থিয়েটার হবে।”

দেবলীনা ভুরু কুঁচকে, জোর দিয়ে বলল, “থিয়েটার? থিয়েটার? আমাকে বাদ দিয়ে? ও, সেইজন্য তোমরা গ্রামে লুকিয়ে বসে আছ? ঠিক সময়ে এসে পড়েছি। আমাকেও পাট দিতে হবে।”

জোজো বুতো আঙুলে কলা দেখিয়ে বলল, “উপায় নেই। উপায় নেই, সব পাট দেওয়া হয়ে গেছে।”

দেবলীনা সেন-কথা গ্রাহ্য না করে কাকাবাবুর দিকে ফিরে বলল, “ওসব আমি জানি না। আমাকে পাট দিতেই হবে। ওই সন্তুটা তো কিছু পারে না, ওর পাটটা আমাকে দাও।”

সন্ত সঙ্গে সঙ্গে বলল, “আমি আমার পাট ছেড়ে দিতে রাজি আছি। তোকে কিন্তু পুরুষ সাজতে হবে।”

দেবলীনা বলল, “পুরুষ সাজতে হবে কেন? তোরা ইচ্ছে হয়, তুই মেয়ে সাজ গিয়ে। আমি মেয়ের পাটই চাই।”

সন্ত বলল, “এ নাটকে তো একটাও মেয়ের পাট নেই।”

দেবলীনা বলল, “কেন, মেয়ের পাট নেই কেন?”

সন্ত বলল, “তা আমি কী জানি! নাট্যকারকে জিজ্ঞেস করতে হবে।”

কাকাবাবু বললেন, “নাট্যকারকে জিজ্ঞেস করার একটু অসুবিধে আছে। সুকুমার রায় আমারও জন্মের আগে স্বর্গে চলে গেছেন।”

দেবলীনা সন্তর হাত থেকে বইটা নিয়ে ছুড়ে ফেলে দিয়ে বলল, “মেয়েদের পাট নেই, তার মানে এটা বিচ্ছিরি নাটক। অন্য বই কর।”

কাকাবাবু বললেন, “অনেকদূর এগিয়ে গেছে, এখন তো আর বদলানো যায় না। আমরা বরং কলকাতায় গিয়ে আবার থিয়েটার করব। তখন তোমাকে—”

দেবলীনা বলল, “ওসব শুনতে চাই না। আমাকে এই থিয়েটারেই পার্ট দিতে হবে!”

জোজো বলল, “কাকাবাবু, ওকে কাটা সৈনিকের পার্ট দেওয়া যেতে পারে। স্টেজে মরে পড়ে থাকবে!”

দেবলীনা জিজ্ঞেস করল, “কাকাবাবু, এই জোজোটা কিসের পার্ট করছে?”

কাকাবাবু বললেন, “হনুমান!”

দেবলীনা ভেটচি কেটে বলল, “হনুমান? ঠিক মানিয়েছে। নিশ্চয়ই মস্ত বড় ল্যাজ থাকবে? থিয়েটারের দিনে আমি ওর ল্যাজে আগুন ধরিয়ে দেব!”

জোজো বলল, “বোকা মেয়ে, হনুমান বুঝি আগুনকে ভয় পায়? রামায়ণ পড়িসনি?”

গ্রামের অন্য ছেলেরা দেবলীনার কাণ্ডকারখানা দেখে হাঁ হয়ে আছে। অনেক সময় নষ্ট হচ্ছে বলে কাকাবাবু একরকম জোর করেই দেবলীনাকে টেনে এনে নিজের পাশের একটা চেয়ারে বসিয়ে দিলেন।

দেবলীনার মুখখানা থমথমে হয়ে আছে। মনে হয় যেন রাগে আর দুঃখে সে কঁদেই ফেলেবে।

তারপর রিহাসালে মজার মজার কথাগুলো শুনে একটু একটু বদলাতে লাগল তার মুখের রং।

এক সময় বিভীষণ হনুমানের উদ্দেশ্যে গান ধরল :

শোন রে ওরে হনুমান
হও রে ব্যাটা সাবধান
আগে হতে স্পষ্ট বলে রাখি।
তুই ব্যাটা জানোয়ার
নির্ভর্য অবতার
কাজকয়ে দিস বড় ফাঁকি!

তা শুনতে শুনতে হি-হি করে হেসে ফেলল দেবলীনা। এবার সেও দুই আঙুলে কলা দেখাল জোজোর দিকে।

॥ ৩ ॥

চারদিনের মধ্যেই সবার বেশ পার্ট মুখস্থ হয়ে গেল।

কাকাবাবুর নিজেরও সব মনে পড়ে গেছে। গানগুলো তিনি বই না দেখেই গেয়ে শোনাতে পারেন।

ছোটমামা এর মধ্যে পোস্টার ছাপিয়ে ফেলেছেন। টাকি থেকে বসিরহাট পর্যন্ত অনেক দেওয়ালে দেওয়ালে সেই পোস্টার। পরিচালক হিসেবে বড় বড় অক্ষরে লেখা : রাজা রায়চৌধুরী, ব্রাকেটে কাকাবাবু।

সকালবেলা বেড়াতে বেরিয়ে সেই পোস্টার দেখে কাকাবাবু লজ্জা পেয়ে গেলেন।

বাড়িতে ফিরে এসে তিনি ছোটমামাকে বললেন, “আরে চাঁদু, এটা কী করছে, তুমি আমার নামটা দিতে গেলে কেন?”

ছোটমামা বললেন, “তোমার নামে বেশি টিকিট বিক্রি হবে!”

কাকাবাবু বললেন, “খ্যাত, আমাকে এখানে কে চিনবে? লোকে ভাবেবে বুঝি, কোনও যাত্রাদলের অধিকারী!”

ছোটমামা বললেন, “তুমি জানো না রাজাদা, তুমি কতটা বিখ্যাত। অনেকেই আমাকে জিজ্ঞেস করেছে, ইনিই কি সেই ‘সবুজ ধীপের রাজা’র কাকাবাবু? অনেকেই তো টিভি-তে, তোমার আরও সিনেমা দেখেছে!”

কাকাবাবু বললেন, “বেশি লোকে আমাকে চিনে ফেলুক, আমি মোটেই তা চাই না। আমার শরীরও তো অভাব নেই!”

সব পোস্টার কলকাতা থেকে দেওয়ালে স্টেটে দেওয়া হয়েছে, এখন তো আর তুলে ফেলাও যায় না।

বৃষ্টির জন্য রিহাসালে ব্যাখ্যাত হচ্ছে খানিকটা। এক এক সময় এত জোর বৃষ্টি নামে, কেউ বাড়ি থেকে বেরোতেই পারে না। তবু কিছু কিছু ছেলে-এমনই মজা পেয়ে গেছে যে, সেই বৃষ্টির মধ্যেও দৌড়ে দৌড়ে এসে হাজির হয়।

আজ সকাল ও দুপুরে একটানা বৃষ্টি হল।

এর মধ্যেই বাড়িতে বাড়িতে খবর পাঠিয়ে দেওয়া হয়েছে, বিকেলবেলা ঝড়, বৃষ্টি, বজ্রপাত যাইই হোক, চারটে থেকে রিহাসাল শুরু করতেই হবে। থিয়েটার করতে গেলে ভালভাবে করা উচিত।

সৌভাগ্যবশত দুপুর সাড়ে তিনটের পরই বৃষ্টি থেমে গেল আকাশ পরিষ্কার। চারটে বাজতেই কাকাবাবু বললেন, “সস্ত, দ্যাখ, সবাই এসেছে কি না।”

“হ্যাঁ। প্রত্যেকেই এসেছে বলতে গেলে, শুধু সুকোমল ছাড়া।”

অন্যদিন কিন্তু সুকোমল আগে-আগেই এসে হাজির হয়।

অনেক নাটকের দলে, কেউ একজন অনুপস্থিত থাকলে প্রব্রি দিয়ে রিহাসাল শুরু হয়ে যায়। কাকাবাবু সেটা পছন্দ করেন না। তিনি মাঝখান থেকেও রিহাসাল দেন না। প্রত্যেকদিন একেবারে প্রথম দৃশ্য থেকে চানা শেষ পর্যন্ত।

রাম আছে প্রথম দৃশ্যই। কিছুক্ষণ তার জন্য অপেক্ষা করা হল।

পাঁচ মিনিট, দশ মিনিট, আধঘণ্টা কেটে গেল, সুকোমল এল না।

যে ছোটটি লম্বশের পার্ট করছে, তার নাম দিবাকর। সে সুকোমলকে পছন্দ করে না। এক সময় সুকোমলের সঙ্গে তার কী নিয়ে যেন ঝগড়া হয়েছিল, অর্থাৎ রাম আর লম্বশের মধ্যে ভাব নেই।

দিবাকর উঠে দাঁড়িয়ে জিজ্ঞেস করল, “কাকাবাবু, সুকোমল এলে আপনি তাকে কান ধরে ওঠ-বোস করাবেন?”

কাকাবাবু গম্ভীর মুখে বললেন, “নিশ্চয়ই!”

পুলিশ সাহেবের ছেলেকে সত্যি-সত্যি কান ধরে ওঠ-বোস করানো হবে কি না তা নিয়ে অনেকরই কৌতূহল আছে। সবাই ঘন ঘন তাকাচ্ছে দরজার দিকে।

আরও দশ মিনিটের মধ্যেও সুকোমল এল না।

কাকাবাবু বেশ বিরক্ত হয়েছেন। বইটার পাতা থেকে চোখ তুলছেন না।

একটু বাদে বললেন, “আর তো দেরি করা যাবে না। ততক্ষণ গানগুলো প্র্যাকটিস হোক। সুকোমলের বাড়ি কত দূরে? কেউ গিয়ে খবর নিয়ে আসতে পারবে?”

দিবাকরই উঠে দাঁড়াল। সাইকেলে যেতে-আসতে দশ মিনিটও লাগবে না।

কয়েকটা কোরাস গান আছে, সেগুলো এখনও ঠিক তৈরি হয়নি। কাকাবাবু সেগুলোই ভাল করে শেখাতে লাগলেন।

দিবাকর ফিরে এসে জানাল, “সুকোমল বাড়িতেও নেই। তার মা বলেছেন, সে রিহাসাল দেওয়ার জন্য চারটের আগেই বেরিয়ে গেছে।”

তবে কি সুকোমল নাটকের রিহাসাল দেওয়ার নাম করে অন্য জায়গায় আড্ডা দিতে গেছে? ছি ছি ছি। নাটক সম্পর্কে তার উৎসাহ নেই? তা হলে জোর করে সে রামের পার্ট নিতে গেল কেন?

এর পরেও একঘণ্টা দেড়ঘণ্টা কেটে গেল, সুকোমল আর এলই না। রিহাসাল শেষ হল সাড়ে সাতটায়।

এখানে প্রায়ই লোভপেড়ি হয়। অন্ধকারে রাস্তায় হাঁটা বিপজ্জনক। এই বর্ষাকালে সাপটাগ বেরোয়, তাই ছেলেদের আর আটকে রাখা যায় না।

সবাই চলে যাওয়ার পর কাকাবাবু বারান্দায় বসলেন এক কাপ কফি নিলেন।

জোজো আর সস্ত এসে বসল কাছে।

জোজো বলল, “কাকাবাবু, আপনি যে ‘লম্বশের শক্তিশেল’ নাটকে অভিনয় করেছিলেন, কেনম হয়েছিল? ভাল? নাকি কেনও গণগোল হয়েছিল?”

কাকাবাবু বললেন, “সে অনেকদিন আগের কথা, কিন্তু আমার

মনে আছে সব। একটু-আধটু গণ্ডগোল হয়েছিল ঠিকই, কিন্তু সেসব কথা এখন বলতে ইচ্ছে করেন না। পরে সে গল্প শোনাব। আমি ভাবছি সুকোমলের কথা। কেন সে আজ এল না? তাকে এমনিতে বেশ সিনসিয়ার মনে হয়েছিল। রিহাসালের নাম করে সে অন্য কোথাও যাবে আড্ডা দিতে?”

জোজো বলল, “নিশ্চয়ই ট্রাফিক জ্যামে পড়েছে।”

কাকাবাবু বললেন, “সাইকেলে যার বাড়িতে যেতে পাঁচ মিনিট লাগে, তার মধ্যে ট্রাফিক জ্যাম?”

সন্তু জানে, কাকাবাবু কোনও একটা কাজে হাত দিলে সেটা ঠিকঠাক শেষ না করা পর্যন্ত কিছুতেই স্বস্তি বোধ করেন না। আজ রাস্তিরে সুকোমলের কথা চিন্তা করে ঘুমোতেই পারবেন না তিনি।

কথা ঘোরাবার জন্য সে বলল, “কাকাবাবু, শিশির ভাদুড়ী নামে একজন বড় অভিনেতার কথা আমরা বইতেই পড়েছি। তুমি কি তাঁর থিয়েটার দেখেছ?”

কাকাবাবু কিছু বলার আগেই জোজো বলল, “আরে শিশির ভাদুড়ী তো আমার বাবার শিষ্য ছিলেন। একবার তাঁর গলায় এমন ব্যথা হল—”

জোজো গল্পটা শেষ করতে পারল না।

হোটমামা এসে বললেন, “রাজাদা, একটা খুব চিত্তার ব্যাপার হল। সুকোমল বাড়ি থেকে বেরিয়েছিল রিহাসালে আসবে বলে। এখানে সে আসেনি। বাড়িতেও সে ফেরেনি। কেউ তার কোনও খবর বলতে পারছে না!”

কাকাবাবু বললেন, “বাড়িতে ঝগড়াটপাড়া করেছিল নাকি?”

হোটমামা বললেন, “না, সেসব কিছু হয়নি। বাড়ি থেকে দুধ-কলা আর মুড়ি খেয়ে বেরিয়েছিল। ওর মা বলল, সবটা খায়নি, রিহাসালের দেরি হয়ে যাচ্ছে বলে তাড়াতাড়ি জামাটামা পরে নিয়ে দৌড়ে বেরিয়ে গেল, আবার ফিরেও এল, বইটা নিয়ে যায়নি। তখন চারটে বাজতে ঠিক দশ মিনিট বাকি।”

কাকাবাবু বললেন, “ধরা যাক, রিহাসালে না এসে সে মিথ্যে কথা বলে অন্য কোথাও গেছে। এত রাত পর্যন্ত সে বাড়ির বাইরে থাকে?”

হোটমামা বললেন, “এখানে তো সন্দের পর আর করার কিছু নেই। কোথায় থাকবে? অন্য সময় সে বাবলু নামে তার এক বন্ধুর বাড়িতে ক্যারাম খেলতে যায়। সে ছেলেটির জ্বর হয়েছে কদিন থেকে। তার বাড়িতেও খোঁজ নেওয়া হয়েছে, সেখানেও সে যায়নি।”

সামনের রাস্তা দিয়ে বিকট শব্দে একটা মোটর সাইকেল ছুটে গেল।

তারপরেই দেখা গেল, বাগানের মধ্যে গোলমতন কী একটা জিনিস এসে পড়েছে, তাতে চিড়িক চিড়িক করে আশ্রন জ্বলছে।

সন্তু আর জোজো সেদিকে যাওয়ার চেষ্টা করতেই কাকাবাবু চৈতন্যে উঠলেন, “যাবি না, কাছে যাবি না!”

সঙ্গে সঙ্গে সেটা প্রচণ্ড শব্দে ফেটে গেল।

হোটমামা দারুণ অবাক হয়ে বললেন, “কী, আমার বাড়িতে বোমা? কার এত সাহস?”

কাকাবাবু বললেন, “আওয়াজ শুনেই বুঝতে পেরেছি, ওটা আসল বোমা নয়। বোমাবাজি। এমনি কেউ ভয় দেখাবার চেষ্টা করেছে।”

হোটমামা বললেন, “আমাকে কে ভয় দেখাবে? কিসের জন্য ভয় দেখাবে?”

কাকাবাবু বললেন, “তুমি গ্রামের মানুষের জন্য অনেক কাজ করছ। অনেকে তোমায় ভালবাসে। আবার তোমার বিরুদ্ধপক্ষও আছে নিশ্চয়ই।”

হোটমামা বললেন, “তা তো থাকবেই। কেউ কেউ আমার পেছনে লাগতে যায়। সে আমি গ্রাহ্য করি না।”

কাকাবাবু বললেন, “তুমি যে এত বড় অনুষ্ঠানের আয়োজন করছ, কলকাতা থেকে বড় বড় আর্টিস্ট আনছ, সে ব্যাপারে সবাই তোমাকে সাহায্য করছে?”

হোটমামা বললেন, “সবাই কি আর একমত হয়? গগন সাহা নামে এখানে একজন পাণ্ডাগোছের লোক আছে, মাহের ব্যবসায় অনেক টাকা করেছে, সে চেয়েছিল কমিটির সেক্রেটারি হতে। এখানে জানেন তো, কিছু করতে গেলেই একটা কমিটি হবে, আর তার সেক্রেটারি হওয়ার জন্য কিছু লোক ব্যস্ত হয়ে পড়ে।”

কাকাবাবু জিজ্ঞেস করলেন, “সেই গগন সাহাকে সেক্রেটারি করা হয়নি?”

হোটমামা বললেন, “গগন এমনিতে বেশ কাজের লোক, খুব খাটতে পারে, কিন্তু একটাই ওর দোষ। কিছু হলে তার থেকে ও টাকা চুরি করবেই। এমনিতে ওর এখন খুব ভাল অবস্থা, গ্রামে মস্ত বাড়ি, শহরে বাড়ি। তবু পাবলিকের টাকা চুরি না করে পারে না। সেইজন্যই গগন সাহাকে নিলে অন্য অনেকে আগন্তিক করত।”

কাকাবাবু বললেন, “তাতে গগন সাহা নিশ্চয়ই চটে গেছে। সে তোমার অনুষ্ঠান ভুলু করার চেষ্টা করতেই পারে। অনুষ্ঠানটা শেষ পর্যন্ত ঠিকঠাক না হলে তোমারই তো বদনাম হবে।”

সন্তু জিজ্ঞেস করল, “এই গগন সাহা কি মোটর সাইকেল আছে?”

হোটমামা একটু থমকে গিয়ে বললেন, “ঠিক বলেছিস তো! আজকাল গগন একটা নতুন মোটর বাইক হাঁকিয়ে বেড়ায়।”

তারপরই তিনি আবার বললেন, “তা বলে গগন আমার বাগানে বোমা ছুড়ে যাবে, এত সাহস তার হবে না। আমাকে সে ভয়ও পায়।”

কাকাবাবু বললেন, “তোমাকে ভয় পাবে কেন? তোমার কিসের জোর? পুলিশ তোমাকে সাহায্য করে?”

হোটমামা বললেন, “না, না, আমি নিজের কোনও ব্যাপারে পুলিশের সাহায্য নিই না। সুকোমলের বাবাকেও কখনও বাড়িতে ডাকিনি। গ্রামের মানুষ আমাকে ভালবাসে। আমার মুখের কথায় হাজার হাজার মানুষ ওর বাড়ি ঘিরে ফেলতে পারে। দু-একবার এমনিই গ্রামের মানুষ ওকে মারতে গেছে। শেষ পর্যন্ত আমিই ওকে বাঁচিয়েছি।”

কাকাবাবু বললেন, “তুমি ওকে বাঁচিয়েছ, সেইজন্য তোমার ওপর ওর আরও রাগ বাড়বে। সেটা ই তো নিয়ম!”

জোজো জিজ্ঞেস করলেন, “সুকোমলের বাবা কোথায়?”

কাকাবাবুও মনে মনে এই কথাটাই ভাবছিলেন অনেকক্ষণ ধরে। সুকোমলের বাবা এর মধ্যে একবারও আসেননি। সন্তু আর জোজোও জানে, কাকাবাবু যেখানে যান পুলিশের কর্তারা এসে তাঁর সঙ্গে দেখা করে যায়।

হোটমামা বললেন, “সুকোমলের বাবার নাম নিখিল মাহাতো। উনি বিশেষ কাজে বারাসাত গেছেন, টেলিফোনেও তাঁকে ধরা যায়নি। উনি এখনও কিছু খবর পাননি!”

কাকাবাবু উঠে দাঁড়িয়ে বললেন, “চলো, একবার গগন সাহার সঙ্গে দেখা করে আসি।”

হোটমামা বললেন, “এখন যাবেন? অনেক রাত হয়ে গেছে। খাওগাওয়া হয়নি।”

কাকাবাবু বললেন, “খাওগাওয়াগা পরে হবে। কী রে সন্তু, জোজো, তোরের খিদে পায়নি তো? আজ রাস্তিরের মধ্যেই সুকোমলের খোঁজ বার করতে হবে। কাল রিহাসাল বন্ধ রাখা চলবে না।”

৩

১৪ ১১

রাস্তা একেবারে অন্ধকার। এদিকে গাড়ি বিশেষ চলে না, সাইকেল রিকশাও কমে এসেছে। হোটমামা সাইকেল চালিয়ে গিয়ে হুটো সাইকেল রিকশা ডেকে আনলেন।

রাস্তার পাশের বাড়িগুলোতে মানুষজন জেগে আছে, না এরই মধ্যে ঘুমিয়ে পড়েছে তা বোঝার উপায় নেই। লোডশেডিং, কয়েকটা বাড়িতে টিম টিম করে হ্যারিকেন জ্বলছে।

বাজারের কাছে অবশ্য এখনও অনেক লোক আছে। কিছু কিছু

দোকান খোলা রেখেছে হাজাক জালিয়ে। বাজারের বাইরের রাস্তায় বসা ভরকারিওয়ালারা চোঁচাচ্ছে, “নিয়ে যান, শস্তায় পটল! শস্তায় ঝিঙে! দেড় টাকায় একটা লাউ, নিয়ে যান, নিয়ে যান!”

বাজার পেরিয়ে আরেও খানিকটা যাওয়ার পর গগন সাহার বাড়ি।

নতুন বাড়ি, দোতলা। পাঁচিল দিয়ে ঘেরা, সামনে লোহার গেট। একতলা অঙ্ককার, দোতলায় আলো জ্বলছে, অর্থাৎ এদের নিজস্ব জেনারেশন আছে। গ্রামে সেটাই বড়লোকদের চিহ্ন।

লোহার গেটে তালাবন্ধ। ছোটমামা কয়েকবার ঘটাঘটা শব্দ করলেন, কেউ এল না। তখন হাঁক দিলেন, “গগন, গগন!”

এবারে ভেতর থেকে একজন বলল, “দাদা নেই।”

ছোটমামা বললেন, “একবার গেটটা খোলো। আমি চাঁদুবাবু বলছি।”

ভেতর থেকে আবার উত্তর এল, “বলছি তো দাদা বাড়ি নেই।”

“কোথায় গেছে?”

“তা জানি না।”

“একবার গেটটা খুলতে পারছ না?”

“কী মুশকিল। দাদা বাড়ি নেই। গেটে তালা পড়ে গেছে, এখন খোলা বারণ।”

“ওপরে তো আলো জ্বলছে দেখছি।”

“কী মুশকিল। দাদা বাড়ি নেই, গেটে তালা পড়ে গেছে, এখন খোলা বারণ।”

“ওপরে তো আলো জ্বলছে দেখছি।”

“আলো জ্বলা কি নিবেদন নাকি?”

“গগন বাড়িতে নেই বলছি।”

“বাড়িতে নেই, তবু কি আছে বলব? দাদার জ্যাঠাবাবু এসে এখানে রয়েছেন, তাই তেনার ইচ্ছেতে আলো জ্বালিয়েছেন।”

কাকাবাবু বললেন, “এর পর একমাত্র পুলিশই জোর করে বাড়িতে ঢুকতে পারে। আমরা তা পারি না।”

জোজো বলল, “অন্যভাবেও ঢোকা যায়। পেছনের জলের পাইপ বেয়ে সস্ত্র অনায়াসে ছাদে উঠে যেতে পারে।”

সস্ত্র বলল, “আমি তো পারবই। তুই পারবি না?”

জোজো বলল, “আমিও পারি। কতবার দশতলা-বারোতলা উঠে গেছি, এ তো মোটে দোতলা। আমার শুধু একটাই মুশকিল। যদি কুকুর থাকে? আমি কুকুর ম্যানেজ করতে পারি না।”

কাকাবাবু বললেন, “থাক, অতটা দরকার নেই।”

সস্ত্র বলল, “ভেতর থেকে যে-লোকটা কথা বলল, তার দাড়ি আছে, আর একটা চোখ ট্যারা।”

জোজো বলল, “তুই কী করে জানলি?”

সস্ত্র বলল, “তুই গিয়ে দেখে আয় মেল কি না।”

জোজো বলল, “শার্লক হোমস হলে এখান থেকেই প্রমাণ করে দিত।”

ছোটমামা বললেন, “আমার মনে হয়, গগন সত্যিই বাড়ি নেই। এতটা বাড়িবাড়ি সে করবে না। তবে, আজ বিকেলেও আমি তাকে দেখছি।”

কাকাবাবু বললেন, “ভেতরের লোকটি তো বলল, রাস্তিরে আর সে ফিরবে না।”

ছোটমামা বললেন, “এক হতে পারে, গগনের গ্রামেও একটা বাড়ি আছে। এখন সে শহরে থেকে ব্যবসা করলেও গ্রামের সঙ্গে যোগাযোগ রাখে। সেখানকার বাড়িটা আরও বড় করে, সুন্দর করে সাজিয়েছে। মাঝে-মাঝে সেখানে গিয়ে থাকে দু-একদিন।”

কাকাবাবু বললেন, “চলো, সেই বাড়িতে।”

ছোটমামা প্রায় আঁতকে উঠে বললেন, “এখন? অসম্ভব।”

কাকাবাবু শান্ত গলায় জিজ্ঞেস করলেন, “অসম্ভব কেন? অনেক দূর।”

ছোটমামা বললেন, “না, অনেক দূর নয়। কিন্তু রাস্তা খারাপ। বর্ষাকালে কাদায় ভরা। সাইকেল রিকশা যেতে পারবে না।”

কাকাবাবু বললেন, “গগন যায় কী করে?”

ছোটমামা বললেন, “মোটর সাইকেল যেতে পারে। জিপগাড়িও যেতে পারে। এমনিতে রাস্তা চওড়া, তবে—”

কাকাবাবু বললেন, “একটা জিপগাড়ি জোগাড় করো।”

ছোটমামা বললেন, “তুমি কী বলছ রাজাদা? এত রাতে আমি জিপ জোগাড় করব কোথা থেকে?”

কাকাবাবু এবার প্রচণ্ড রেগে উঠে বললেন, “দ্যাখো চাঁদু, তুমি এত বছর ধরে গ্রামে আছ। জিপ কোথা থেকে জোগাড় করবে, তা কি আমাকে বলে দিতে হবে? যেখান থেকে পারো একটা জিপ নিয়ে এসো।”

কাকাবাবুর ধমক খেয়ে ছোটমামা কঁকড়ে গেলেন। খানিকটা কাজও হল। সবাইকে সেখানে দাঁড় করিয়ে রেখে ছোটমামা একটা সাইকেল রিকশা নিয়ে চলে গেলেন বাজারের দিকে।

জোজো বলল, “সস্ত্র, বাজি ধরবি, ছোটমামা জিপ-আনতে পারবেন কিনা।”

সস্ত্র বলল, “ঠিক পঁয়তেরিশ মিনিটের মধ্যে জিপ নিয়ে এসে পড়বেন।”

কাকাবাবু বললেন “তোমরা বরং আর একটা বাজি ধরো। গগন সাহা এ-বাড়িতেই লুকিয়ে আছে, না গ্রামের বাড়িতে আছে?”

জোজো বলল, “এ-বাড়িতেই আছে।”

সস্ত্র জিজ্ঞেস করল, “তুই কী করে বুঝলি?”

জোজো বলল, “তুই যেভাবে তখন বুঝলি যে, ভেতরে লোকটার দাড়ি আর এক চোখ ট্যারা।”

সস্ত্র বলল, এত সাততাত্ত্বাতি গোটো তালা দেওয়ার কী মানে হয়? মোটে তো নটা বাজে।”

কাকাবাবু বললেন, “তোদের কী মত? এই রাস্তিরেই গ্রামের বাড়িটা একবার দেখে আসা উচিত।”

দু’জনে প্রায় একই সঙ্গে বলে উঠল, “নিশ্চয়ই।”

কাকাবাবু বললেন, “কিছু না পাওয়া গেলেও রাস্তিরবেলা গ্রাম তো ঘুরে আসা হবে। তাই বা মন্দ কী?”

দূরে একটা মোটর সাইকেলের আওয়াজ শোনা গেল।

তীব্র হেডলাইট জ্বলে সেটা এদিকেই আসছে।

জোজো বলল, “এইবার গগন সাহা ধরা পড়বে। ওর কাছে যদি বোমা থাকে?”

কাকাবাবু বললেন, “তোমরা একটু দূরে সরে গিয়ে অন্ধকারে গা-ঢাকা দিয়ে থাকো।”

অন্য সাইকেল রিকশাটা এর মধ্যে চলে গেছে। কাকাবাবু একলা দাঁড়িয়ে রইলেন মাঝরাস্তায়।

মোটর সাইকেলটা গর্জন করতে করতে এসে থামল এই বাড়ির সামনে। যে চালাচ্ছে, তার মাথায় হেলমেট। এবার সেটা খুলভেই, অল্প আলোয় বোঝা গেল, তার বয়েস মাত্র তেইশ-চব্বিশের বেশি নয়। অর্থাৎ সে গগন সাহা হতেই পারেন না।

সঙ্গে সঙ্গে খুলে গেল বাড়িটার ভেতরের দরজা, বেরিয়ে এল দু’জন। তাদের মধ্যে একজন গাট্টাগাট্টা লোক, আর একজন মেয়ে। উনিশ-কুড়ির মতন বয়েস।

গেটও খোলার পর মেয়েটি এসে বসল মোটর বাইকের পেছনের সিটে।

যে-চালাচ্ছে, সে চোঁচিয়ে বলল, “সব ঠিক আছে তো নিবারণদা?”

অন্য লোকটি কী বলল তা শোনা গেল না। মোটর সাইকেলটি আবার বেরিয়ে গেল হুশ করে।

এবার সে বাড়ির দোতলার আলোও নিভে গেল।

সস্ত্র আর জোজো কাছে চলে আসার পর কাকাবাবু জিজ্ঞেস করলেন, “কী রে, কী বুঝলি?”

জোজো বলল, “যাকে বলে, রহস্য ঘনীভূত! এই কি সেই মোটর সাইকেলের লোকটা, যে বোমা ছুড়েছে? ও আসতেই গেট খুলে গেল কেন?”

কাকাবাবু বললেন, “অনেক সময় অনেক সাধারণ ঘটনাও রহস্যময় মনে হয়। আরও অনেক লোক মোটর সাইকেল চালাতে পারে। হয়তো এই মেয়েটা এই বাড়িতে কোনও কাজ করে। এই ছেলোটো রোজ এই সময় তাকে নিয়ে যায়।”

জোজো বলল, “ছেলোটা যে বলল, সব ঠিক আছে তো?”

কাকাবাবু বললেন, “তারও অনেক রকম মানে হতে পারে।”

সন্তু বলল, “অম্মা যে-লোকটা বাড়ি থেকে বেরিয়ে এল, তার দাড়ি ছিল। সে-ই নিশ্চয়ই আগে কথা বলছিল।”

জোজো বলল, “হ্যাঁ, দাড়ি ছিল, আমি দেখেছি। কিন্তু টারার ছিল কী?”

সন্তু বলল, “টারার হতে বাধ্য। কাল এসে দেখে যাস।”

দূরে চোখে পড়ল একটা গাড়ির হেডলাইট।

সন্তু বলল, “ওই যে ছোটমামা জিপ নিয়ে আসছেন। পঁয়তیرিশ মিনিট হয়েছে—”

সন্তুর কথা পুরোপুরি মিলল না।

সামনে এসে যে-গাড়িটা দাঁড়াল সেটা জিপ নয়। অ্যাস্ফাল্ডার। সেটা থেকে নেমে ছোটমামা বললেন, “ওঃ রাজাদা, এই ড্রাইভারকে ডেকে তুলতে আমাকে কী কাণ্ডই না করতে হয়েছে। ও একেবারে, ঘুমিয়ে কান্দা হয়ে ছিল। নেহাত আমি ওর ব্যাকের ঝঞ্ঝের পক্ষে দাঁড়িয়েছি, তাই আসতে রাজি হয়েছে। ওর নাম সুধীর।”

সবাই মিলে ওঁা হল গাড়িতে।

ড্রাইভার রুম্ব গলায় বলল, “শুনুন সার, আমি কিছু হাফ অ্যান আওয়ারের বেশি দেরি করতে পারব না। কাল সকালেই আমাকে ভাড়া খাটতে যেতে হবে।”

কাকাবাবু খুব মোলায়েম গলায় বললেন, “সুধীর, তুমি যে আসতে রাজি হয়েছ, তাতেই আমরা তোমার কাছে কৃতজ্ঞ। তুমি তোমার গাড়ি ভাড়া খাটো? তোমার লাইসেন্স আছে?”

সুধীর বলল, “নিশ্চয়ই লাইসেন্স আছে। আমি বেসাইনি কোনও কাজ করি না।”

কাকাবাবু বললেন, “তা হলে তুমি এই আইন জানো নিশ্চয়ই, যে মুহূর্তে আমি তোমার গাড়িতে চাপলাম, তার ষ্পর থেকেই তুমি আমার ড্রাইভার হয়ে গেলে? এখন আমি যেখানে যাব, তোমাকে নিয়ে যেতে হবে। এমনকী, যদি দার্জিলিং যেতে চাই—”

লোকটি মুখ ফিরিয়ে তাকাতেই কাকাবাবু হেসে বললেন, “আমি এমনকি এমনকি তোমাকে ভয় দেখাচ্ছি। আমরা বেশিক্ষণ তোমাকে আটকাব না। বড়জোর এক ঘণ্টা। ডবল ভাড়া পাবে।”

ছোটমামা বললেন, “বাজারে সবাই জেনে গেছে যে, পুলিশসাহেবের ছেলেকে পাওয়া যাচ্ছে না, তার মা কান্নাকাটি শুরু করেছে।”

কাকাবাবু বললেন, “ছেলোটা যদি অবধা, ইটফট হতে, তা হলেই না হয় মনে করা যেতে সে নিজেই কোথাও চলে গেছে। কিন্তু শান্তি, নরম স্বভাবের ছেলে, খুব উৎসাহের সঙ্গে রিহাসাল দিচ্ছিল।”

জোজো বলল, “কাকাবাবু, দেবলীনা সুকোমলকে ভুলিয়ে ভালিয়ে নিয়ে যায়নি তো? ও বলেছিল, আমাদের থিয়েটার ভঙুল করে দেবে।”

সন্তু বলল, “সুকোমল কি বাচ্চা ছেলে যে, ভুলিয়ে ভালিয়ে নিয়ে বাবে?”

কাকাবাবু বাইরে তাকিয়ে বললেন, “রাস্তাটা তো বেশ চওড়া দেখছি।”

ছোটমামা বললেন, “গগন নিজে উদ্যোগ নিয়ে রাস্তাটা সারিয়েছে। তার গ্রামের বাড়িতে অনেকে বেড়াতে আসে।”

সারা সকাল বৃষ্টি হলেও তেমন কান্দা নেই, গাড়ি চালাতে অসুবিধে হচ্ছে না। মাঝে-মাঝে কুকুর ডাকছে। এ ছাড়া আর কোনও শব্দ নেই।

ড্রাইভার গগনের বাড়ি চেনে। একটু বাদেই সে বলল, “এই তো এসে গেছি।”

বেশ বড় বাড়ি, পাকা বাড়ি। এটাও পাঁচিল দিয়ে ঘেরা। গেটের সামনে আলো। একজন লোক টুলের ওপর বসে চুলছিল, এত লোকজনের শব্দ পেয়ে উঠে দাঁড়াল। তার হাতে বন্দুক।

কাকাবাবু বললেন, “বেশ পাহারার ব্যবস্থা আছে দেখছি।”

ছোটমামা বললেন, “গ্রামে যারা হঠাৎ বড়লোক হয়, তাদের ওপর ডাকাতিদের নজর থাকে। পাহারা তো রাখতেই হয়। এখানে ডাকাতি হয় প্রায়ই।”

তিনি এগিয়ে গিয়ে দরোয়ানটিকে বললেন, “গগনবাবুকে খবর দাও। বেলো, চাঁদুবাবু এসেছেন।”

দরোয়ানটি বলল, “আজি কুছ হবে না।”

কাকাবাবু জিজ্ঞেস করলেন, “গগনবাবু এ বাড়িতে আছেন?”

দরোয়ানটি একই ভাবে বলল, “বলছি তো, আজি কুছ হবে না। রাত হো গিয়া।”

ছোটমামা বললেন, “তোমার বাবু আমাকে চেনেন। নাম বেলো গিয়ে—”

দরোয়ানটি বলল, “নাম বলনে সে কেয়া হোগা? ইতনা রাত মে গোট খুলনে কা কুকুম না আছে। যাইয়ে যাইয়ে।”

লোকটি বন্দুকটি তুলে বলল, “কাল আইয়ে। আজি কুছ হবে না।”

কাকাবাবু বললেন, “আমরা যদি ডাকাতি হতাম, তা হলে কি ওই বন্দুকটা আমাদের আটকাতে পারত?”

সন্তু হঠাৎ চেঁচিয়ে উঠল, “বাদুড়। বাদুড়। ওই যে একটা বাদুড়।”

সবাইই মুখ তুলে তাকাল ওপরের দিকে।

তারই মধ্যে সন্তু এক ঝটকায় দরোয়ানের হাত থেকে বন্দুকটা ছিনিয়ে নিয়েছে।

লোকটি একেবারে ভায়াচাচ্যকা খেয়ে গেছে।

সন্তু বলল, “রাগ মাত কিজিয়ে দরোয়ানজি, আমি শুধু একটু মজা করেছি।”

বাড়ি থেকে একজন লোক বেরিয়ে এসে জিজ্ঞেস করল, “কে ওখানে? কারা এসেছে?”

গলার আওয়াজ চিনতে পেয়ে ছোটমামা বললেন, “গগন, আমি চাঁদুনা।”

গগন নামের লোকটি বেশ লম্বা-চওড়া। পাজমার ওপর গেজি পরা। এগিয়ে আসতে আসতে বলল, “চাঁদুনা? কী ব্যাপার, এত রাত?”

ছোটমামা বললেন, “হ্যাঁ, রাত হয়ে গেছে বটে। একটা বিশেষ কারণে তোমার সঙ্গে একজন একটু কথা বলতে চান। এর নাম রাজা রায়চৌধুরী, নাম শুনেছ বোধ হয়।”

গগন বলল, “আমি নাম শুনিনি, তবে নিশ্চয়ই খুব বিখ্যাত মানুষ। আসুন, আসুন, ভেতরে আসুন।”

ভেতর থেকে একটা বেশ বড় কুকুরের ঘাড় ঘাড় ডাক শোনা গেল।

জোজো জিজ্ঞেস করল, “কুকুরটা বাঁধা আছে।”

গগন বলল, “বাঁধা না থাকলে এতক্ষণ এসে বাঁপিয়ে পড়ত। আমার এই দরোয়ানটা কোনও কন্মের না। কিন্তু এই কুকুরের ভয়ে রাস্তিরে কেউ আমার বাড়ির ধারেকাছে আসে না।”

ভেতরে বেশ সাজানোগোছানো বসবার ঘর। কয়েকখানা চেয়ার আর জাজিম পাতা। এদিকের দেওয়ালে কয়েকখানা লক্ষ্মীর স্রা আটকানো।

গগন বলল, “বসুন, বসুন।”

ছোটমামা বললেন, “বেশি সময় নেব না। গ্রামের ছেলেদের নিয়ে আমরা একটা নাটক করছি জানো তো?”

গগন বলল, “জানব না কেন? চতুর্দিকে পোস্টার পড়েছে।”

তারপর কাকাবাবু দিকে তাকিয়ে বলল, “সেই পোস্টারেই তো আপনার নাম দেখেছি। আপনি বুঝি কলকাতায় থিয়েটার করেন?”

কাকাবাবু হাসিমুখে দু’দিকে মাথা নাড়লেন।

তিনি কথা না বলে গগনকে লক্ষ করে যাচ্ছেন।



ছোটমামা বললেন, “সারারাত ধরে ফাংশান হবে, কলকাতার শিল্পীরা আসবেন, আমাদের গ্রামের জ্বলের টাকা তোলার জন্য আমাদের কেউ কিছু করবে না? তাই ছেলেদের নিয়ে এই থিয়েটার।”

“সে তো ভাল কথা।”

“তুমি তো আমাদের কোনও সাহায্য করলে না।”

“আপনার অনেক চ্যালা আছে, আকবর আলি, নিতাই ঘোষ, তারা ই তো খুব খাটাখাটনি করছে। আমি আর কী সাহায্য করব? আপনি কি আমার কাছে কোনও বিশেষ সাহায্য চাইতে এসেছেন?”

“হ্যাঁ। এই নাটকে রামের পার্ট করছে আমাদের সার্কুল অফিসারের ছেলে সুকোমল।”

“পুলিশের কর্তার ছেলে হিরোর পার্ট পাবে, এটাই তো স্বাভাবিক।”

“সেজন্য নয়। ওর মতন সুন্দর চেহারায় ছেলে আর কে আছে?”

“বেশ, মানলাম।”

“সেই সুকোমলকে আজ বিকেলে থেকে খুঁজে পাওয়া যাচ্ছে না।”

“তাই নাকি?”

ছোটমামার সঙ্গে কথা বলতে-বলতে গগন বারবার তাকান্ছে কাকাবাবুর দিকে। এই ভদ্রলোক তার সঙ্গে দেখা করতে এসেছেন, অথচ কোনও কথা বলছেন না, এতে তার খটকা লেগেছে।

সুকোমলকে পাওয়া যাচ্ছে না শুনে গগন তেমন কিছু অবাক হয়নি, কাকাবাবু সেটাও লক্ষ্য করলেন।

ছোটমামা বললে, “আমাদের থিয়েটার যাতে না হয়, সেইজন্য কেউ ছেলেটাকে কোথাও লুকিয়ে রেখেছে মনে হচ্ছে।”

“চিঠি আসেনি?”

“চিঠি?”

“চাঁদুদা, যারা ছেলে চুরি করে, তারা এসব থিয়েটার-ফিয়েটার

গ্রাণ্ড করে না। তারা টাকা চায়। এমনি এমনি কেউ অতবড় একটা ছেলেকে লুকিয়ে রাখার ঝুঁকি নিতে যাবে কেন? তাও পুলিশের ছেলে।”

“সুকোমলকে চুরি করেছে কেউ?”

“তাই তো মনে হয়। আজকাল এরকম আকছার হচ্ছে।”

“কী সর্বনাশ!”

এইবারে কাকাবাবু উঠে দাঁড়িয়ে বললেন, “আমি একটু বাথরুমে যেতে পারি?”

গগন বলল, “হ্যাঁ, হ্যাঁ, আসুন। কাছেই আছে, আমি দেখিয়ে দিচ্ছি।”

বাথরুমের দরজার কাছে এসে কাকাবাবু গগনের কাঁধে হাত রেখে নিচু গলায় বললেন, “অন্যদের সামনে বলতে চাইনি, আমি স্পষ্ট জিজ্ঞেস করছি। আপনি সুকোমলকে লুকিয়ে রেখেছেন?”

গগন ভুরু তুলে বলল, “আমি? এরকম একটা বাজে কান্ড আমি করতে যাব কেন?”

কাকাবাবু বললেন, “থিয়েটার বন্ধ হয়ে যাবে। তাতে চন্দ্রশেখরের বদনাম হবে। আপনি ওকে পছন্দ করেন না।”

গগন বলল, “চাঁদুদা আমাকে পছন্দ করে না, আমিও ওকে গুরুত্বের মনে করি না। সেটা অন্য ব্যাপার! আমি মশাই মাছের ব্যবসা করি, ছেলেচুরির ব্যবসা করি না।”

কাকাবাবু বললেন, “সুকোমলকে এ বাড়ির কোথাও লুকিয়ে রাখা হয়নি?”

গগন বলল, “বাড়ি সার্চ করে দেখতে চান? আপনি কি পুলিশ?”

কাকাবাবু বললেন, “না, আমি পুলিশ নই। জোর করে সার্চ করার অধিকার আমার নেই। আমি আপনাকেই জিজ্ঞেস করছি।”

গগন এবার হো-হো করে হেসে উঠল।

তারপর বলল, “আরে মশাই, থিয়েটার বন্ধ করার ব্যাপারে আমার কোনও হাত থাকলে সবচেয়ে বেশি কে রেগে যাবে জানেন?

আমার বউ। সে আমাকেই বাড়ি থেকে তাড়িয়ে দেবে।”

কাকাবাবু বললেন, “আপনার স্ত্রী বুঝি থিয়েটার খুব পছন্দ করেন?”

গগন বলল, “সে তো পছন্দ করে বটেই। আমি ওসব দেখি না। আপনাদের এই নাটকে তো আমার ছেলেও পাট করছে। আমার বউ দিনরাত তার পাট মুখস্থ করছে।”

তারপর সে হাঁক দিল, “বিস্টু, বিস্টু! ঘুমিয়ে পড়ল নাকি!”

মোটের ঘুমিয়ে পড়েনি, ভেতর দিকের দরজায় আড়ালে দাঁড়িয়ে ছিল সে। বেরিয়ে এল ডাক শুনে। বাবো-তেরো বছরের ছেলে।

তাকে দেখেই সন্তুষ্ট বলে উঠল, “এ তো আমাদের সস্ত্রীবা!”

ছোটমামাও খুব অবাক হয়ে গগনকে বললেন, “এ তোমার ছেলে? তোমার বড় ছেলেটিকে চিনি, একে আগে দেখিনি।”

গগন বলল, “আমার ছোট ছেলে। কী যেন বান্দরটাঁদের পাট করছে। এমনতেও বেশ বান্দর। মানাবে ভাল।”

এই সময় বাইরে শোনা গেল একটা মোটর সাইকেলের শব্দ।

II & II

সকালবেলাতেই সুকোমলের বাবা নিখিল মাহাতো এসে হাজির।

বেশ গড়াপেটা, কালো রঙের লম্বা চোহারা, ছেলের মতনই ইনিও খুব বিনীত আর ভর, মুখে একটা লাজুক ভাব। দেখলে পুলিশ বলে মনেই হয় না।

কাকাবাবু ডোরেরই উঠেছেন, দ্বিতীয় কাপ চা খাচ্ছেন বাগানে বসে।

আজ আকাশে মেঘ নেই।

নিখিল মাহাতো নমস্কার করে বললেন, “সার, আপনার সব কথাই জানি, কিন্তু আপনার সঙ্গে আগে আমি দেখা করতে আসিনি ভয়ে।”

কাকাবাবু বললেন, “ভয়ে কেন?”

নিখিল মাহাতো বললেন, “পুলিশের সব বড় বড় কর্তাদের সঙ্গে আপনার নোশোনা। আই জি, ডি আই জি’রা আপনার ভক্ত। আমি অতি সাধারণ অফিসার। আমি এসে আপনার সময় নষ্ট করতে চাইনি। এখন আসতেই হল।”

একটা চেয়ার খালি পড়ে আছে, নিখিল মাহাতো তবু বসছেন না।

কাকাবাবু বললেন, “বসুন! বসুন!” আমি নিজে কিছু একজন সাধারণ মানুষ।

চেয়ারে বসে, পকেটে হাত দিয়ে একটা কাগজ বার করে নিখিল মাহাতো শুকনো গলায় বললেন, “বিশেষ কাজে বারাসত গিয়েছিলাম, ফিরেছি অনেক রাত। তার আগেই ডাকবাস্তে কেউ এই চিঠিটা দিয়ে গেছে।”

কাকাবাবু হাত বাড়িয়ে চিঠিটা নিলেন।

কাগজটার চারপাশে মোটা, কালো বর্ডার দেওয়া। ওপরের ডান দিকের কোণে একটা মানুষের খুলির ছাপ। ভেতরে গোটা গোটা অক্ষরে হাতে লেখা :

তোমার ছেলে সুকোমলের কোনও ক্ষতি হবে না। ৭ তারিখ রাত নটার মধ্যে পাঁচ লাখ টাকা নিয়ে এলে তাকে ফেরত পাবে। মায় নদীতে নৌকো নিয়ে একজন মাত্র লোক টাকা নিয়ে আসবে। আমাদের নৌকা থেকে টর্চ জ্বালিয়ে সিগন্যাল দেওয়া হবে নদীর ঠিক বাঁকের মুখে। টাকা না পেলে কিংবা পুলিশ দিয়ে ঘেরাওয়ার চেষ্টা করলে ছেলের দায়িত্ব আমাদের নয়। আর কেউ যেন এর মধ্যে কেরদানি দেখিয়ে নাক গলাতে না আসে। আমরা নজর রাখছি। টাকা দে, তা হলে ছেলে পাবি, না হলে পাবি না।

ইতি—

শঙ্কর/ডুড

চিঠিটা টেবিলের ওপর রেখে কাকাবাবু বললেন, “লেখাটা দেখলে মনে হয়, কোনও লেখাপড়া জানা লোকই হচ্ছে করে খারাপ ভাবে লিখেছে।”

নিখিল মাহাতো বললেন, “একবারে অশিক্ষিত চোর-ডাকাতরা এসব কাজ করে না। আগের কয়েকটা কেসে দেখা গেছে, এর মধ্যে চেনাজানা লোকরাও জড়িত থাকে।”

কাকাবাবুর মনে পড়ল, সুকোমলের খবরটা শুনে গগন সাহা প্রথমেই চিঠির কথা বলেছিল। চিঠি যে আসবে, সে জানত। যারা এ চিঠি পাঠিয়েছে তাদেরও হয়তো সে চেনে।”

নিখিল মাহাতো দু’হাত দিয়ে মুখ ঢেকে ফেললেন।

একজন পুলিশ অফিসারকে এরকমভাবে কেঁদে ফেলতে কখনও দেখা যায় না। কিন্তু এখন তো তিনি পুলিশ নন, একটি ছেলের বাবা।

অন্য কাউকে কাঁদতে দেখলে কাকাবাবুরও চোখে জল এসে যায়। তিনি অন্যদিকে মুখ ফেরালেন।

একটু পরেই নিখিল মাহাতো রুমাল দিয়ে চোখ মুছে বললেন, “মাফ করবেন, হঠাৎ দুর্বল হয়ে পড়েছিলাম। এখন কী করি বলুন তো সার? আমার পাঁচ লাখ টাকা নেই। সে তো অনেক টাকা। তবু যদি ধরুন আমার স্ত্রীর গয়না বিক্রি করে, আত্মীয়স্বজন, বন্ধুবান্ধবদের কাছ থেকে ধার করে টাকাটা জোগাড় করাও যায়, তবু তো সেভাবে আমি ছেলেকে ছাড়িয়ে আনতে পারব না। আমি সরকারি কাজ করি। এভাবে মুক্তিপণ দেওয়ায় সরকারের নিষেধ আছে, আমাকে ওপরায়েল্লাদের কাছে জানাতেই হবে।”

কাকাবাবু ওর মুখের দিকে চেয়ে রইলেন।

নিখিল মাহাতো আবার বললেন, “মুশকিল হয়েছে কী জানেন, আমার স্ত্রী দারুণ কাম্বাকাটি করছেন। পুলিশের সাহায্য নিতে তার ঘোর আপত্তি। মাস দু’-এক আগে এরকম একটা কেস হয়েছিল, পুলিশ খোঁজখবর পেয়ে একটা বাড়ি ঘিরে ফেলল। তারপর দেখা গেল, বদমাশগুলো ছেলেরটার গলা টিপে মেরে রেখে গেছে।”

কাকাবাবু বললেন, “একটা ব্যাপারে খটকা লাগছে। সাধারণত দেখা যায়, খুব বাচ্চা ছেলেদেরই কিডন্যাপ করা হয়। ফিরে এসে তারা বিশেষ কিছু বলতে পারে না। তেরো-চোদ্দ বছরের ছেলেকে আটকে রাখাও তো মুশকিল। সন্তুকে এই বয়সে কয়েকবার ধরে নিয়ে গিয়েছিল, ও নিজেই পালিয়ে এসেছে।”

নিখিল মাহাতো বললেন, “আপনার ভাইপো সন্তু সম্পর্কেও সবাই জানে। তার মতন সাহসী ছেলে ক’জন হয়? আমার ছেলেকে তো দেখেছেন, স্বভাবটা খুব নরম। এখন আপনি সাহায্য না করলে ওকে উদ্ধার করা যাবে না।”

কাকাবাবু বললেন, “নিখিলবাবু, আমি কী সাহায্য করব বলুন তো। আমি বনে-জঙ্গলে, পাহাড়ে-পর্বতে ঘুরে বেড়াতে ডালবাসি, চোর-ডাকাত ধরার ক্ষমতা তো আমার নেই। ওসব তো আপনাদেরই কাজ।”

নিখিল মাহাতো বললেন, “আপনি অনেক কিছুই পারেন।”

কাকাবাবু দু’দিকে মাথা নাড়তে নাড়তে বললেন, “তা ঠিক নয়। লোকে বাড়িয়ে বাড়িয়ে ভাবে। তা ছাড়া এই চিঠির মধ্যে আমার সম্পর্কে ইঙ্গিত আছে। আর কেউ যেন এর মধ্যে কেরদানি দেখিয়ে নাক গলাতে না আসে। এই ‘আর কেউ’ বলতে বোধ হয় আমাকেই বোঝাচ্ছে।”

এই সময় জোজো দূর থেকে চৌচৌয়ে বলল, “কাকাবাবু, একবার পুরুরধারে আসুন। শিগগিরই।”

জোজোর গলায় আওয়াজ শুনে মনে হল, সে খুবই উত্তেজিত, আর কেনও কারণে ভয় পেয়েছে।

বাড়ির পেছন দিকে একটা পুকুর। খুব বড় নয়। একদিকে বাঁধানো ঘাট। আর একদিকে কয়েকটা তালাঘা।

জোজোর সঙ্গে নিখিল মাহাতো আর কাকাবাবু তাড়াতাড়ি পুকুরের কাছে এসে দেখলেন, ঘাটের একটা সিঁড়িতে চিত হয়ে শুয়ে আছে সন্তু। হাত-পা ছড়ানো। দেখলে প্রথমেই মনে হয়, তার শ্রাণ নেই।

কাকাবাবু থমকে দাঁড়িয়ে জিজ্ঞেস করলেন, “কী হয়েছে, জোজো?”

জোজো ফ্যাকাসে মুখে বলল, “কিছুই বুঝতে পারছি না। পুকুরে লাল রঙের একটা বল ভাসছিল। সম্ভব জলে নুমে সেটা তুলতে গেল। আমি ওদিকের একটা গাছে অনেক কামরাঙা হয়েছে, কয়েকটা পাড়িতে গেলাম। হঠাৎ ফটাস করে একটা শব্দ হল! কিসের শব্দ বুঝতেই পারিনি। সম্ভবত ডাকলাম দু’বার। কোনও সাড়া না পেয়ে দৌড়ে এসে দেখি, সম্ভব এইভাবে পড়ে আছে। কেউ গুলি করেছে?”

কাকাবাবু জোরে জোরে কয়েকবার শ্বাস নিয়ে বললেন, “কিসের যেন গন্ধ পাওয়া যাচ্ছে না!”

নিখিল মাহাতো বললেন, “হ্যাঁ, মনে হচ্ছে কোনও গ্যাসের গন্ধ।” কাকাবাবু বললেন, “আপনারা দাঁড়ান। আগে আমি দেখি—”

পকেট থেকে রুমাল বার করে জোজোকে বললেন, “এটা ভিজিয়ে নিয়ে এসো তো। ঘাটের কাছে যেও না। অন্য জায়গা থেকে।”

জোজো ছুটে গিয়ে সেই রুমালটা ভিজিয়ে আনল।

কাকাবাবু সেটা মুখে বেঁধে, নাকচাপা দিয়ে এগিয়ে গেলেন। ক্রাচ নামিয়ে রেখে হাঁটু গেড়ে বসলেন সমুদ্র পাশে।

তার সারা গায়ে হাত বুলিয়ে দেখলেন, কোথাও রক্ত নেই, গুলির চিহ্ন নেই, ক্ষতও নেই। পাশে পড়ে আছে একটা লাল রঙের ফাটা বল।

কাকাবাবু শান্তভাবে দু’বার ডাকলেন, “সম্ভব, সম্ভব।” সমুদ্র দু’চোখ বোজাল।

কাকাবাবু এবার নিজের নাক থেকে ভিজ়ে রুমালটা খুলে ফেলল সেটা দিয়ে সমুদ্রের চোখ মুছে দিতে লাগলেন।

জোজো আর নিখিল মাহাতো কৌতূহল সামলাতে না পেয়ে এগিয়ে এসেছে কাছে।

কাকাবাবু বললেন, “জোজো, রুমালটা আবার ভিজিয়ে আনো।”

সেই ভিজ়ে রুমাল দিয়ে সমুদ্রের মুখ মুছিয়ে দিতে দিতে কাকাবাবু আবার ডাকলেন, “সম্ভব, সম্ভব!”

একটু পরেই সমুদ্র চোখ মেলে তাকাল।

জোজো বলল, “উঃ বাবা, বাঁচলুম!”

সম্ভব খুড়মুদ করে উঠে বসে বলল, “কী হয়েছে?”

কাকাবাবু বললেন, “এক্ষুনি উঠিস না। আর একটু শুয়ে থাক। তুই জল থেকে একটা লাল বল তুলে এনেছিলি?”

সম্ভব বলল, “হ্যাঁ, বলটা জলে ভাসছিল। ঘাটের কাছেই। আমি সেটা তুলে আনতেই ফটাস করে ফেটে গেল আর ভেতর থেকে বিস্ফো ফেরতে লাগল।”

নিখিল মাহাতো বললেন, “বলটার মধ্যে গ্যাস ভরা ছিল। পুকুরে এরকম একটা বল এল কী করে?”

জোজো চটেিয়ে উঠল, “ওই যে, আর একটা। আর একটা।”

কাকাবাবুরা মুখ তুলে তাকালেন। সত্যিই পুকুরে আর একটা লাল রঙের বল ভাসছে। পাঁচ নখরি ফুটবলের মতন। তবে সেটা ঘাট থেকে অনেকটা দূরে, প্রায় মাঝখানে।

সম্ভব বলল, “আগের বলটা ঠিক এইরকমই ছিল।”

নিখিল মাহাতো বললেন, “এরকম বল আমরা আগে এদিকে কোথাও দেখিনি।”

কাকাবাবু বললেন, “এরকম গ্যাসভরা বল তো এখানে ভাসতে দেওয়া যায় না। অন্য কেউ দেখলেই ওটা ধরতে যাবে। সম্ভব ঘাটের ওপর তুলে আনার পর ওটা ফেটেছে। তাই বেঁচে গেছে। অন্য কেউ যদি মাঝপুকুরে সাঁতরে গিয়ে ওটা ধরতে চায়, তখন ফেটে গেলে তো সে অজ্ঞান হয়ে জলে ডুবে যাবে।”

নিখিল মাহাতো বললেন, “ওটাকে আগেই ফাটিয়ে দেওয়া দরকার।”

জোজো বলল, “আমি এক্ষুনি ফাটিয়ে দিচ্ছি।”

সে একটা ইন্টার টুকরা ছুড়ে মারল। লাগল না, সেটা চলে গেল বলটার অনেক ওপর দিয়ে।

নিখিল মাহাতোও একটা ঢিল ছুড়লেন, লাগাতে পারলেন না।

জোজো বলল, “এখানে ভাল ঢিল নেই। একটা গুলতি পেলে আমি একবারেই—”

কাকাবাবু নিখিল মাহাতোকে জিজ্ঞেস করলেন, “আপনার সঙ্গে রিভলভার নেই?”

নিখিল মাহাতো বললেন, “না, সার, সঙ্গে আনিনি।”

কাকাবাবু বললেন, “জোজো, আমার ড্রয়ার থেকে রিভলভারটা নিয়ে এসো তো।”

জোজো দৌড়ে চলে গেল।

সম্ভব মাথায় হাত দিয়ে বসে আছে। তার মাথাটা এখনও ঝিমঝিম করছে।

বলটা ভাসছে পুকুরের জলে। দুলছে একটু একটু। দুটো ফড়িং সেটাকে ছুঁয়ে ছুঁয়ে যাচ্ছে।

জোজো রিভলভারটা নিয়ে ফিরে এল।

কাকাবাবু সেটা হাতে নিয়ে টিপ করে ট্রিগারে আঙুল দিলেন।

সঙ্গে সঙ্গে ফেটে গেল বলটা। ভূস ভূস করে সেটা থেকে বেরোতে লাগল ধোয়া।

নিখিল মাহাতো মুগ্ধভাবে কাকাবাবুকে বললেন, “দারুণ। একবারেই হিটা!”

কাকাবাবু ভুরু কুঁচকে বললেন, “এটা কী হল? আমি তো গুলি চালাইনি। ট্রিগার টেপার আগেই ওটা নিজে নিজে ফেটে গেল।”

নিখিল মাহাতো অবাক হয়ে বললেন, “নিজে নিজে ফেটে গেল? ঠিক এই মুহুর্তে।”

পুকুরের ওপারে ঝোপের আড়াল থেকে কে যেন হেসে উঠল বিস্মীভাবে হিহি করে।

তারপরই শোনা গেল একটা মোটর বাইকের স্টার্ট দেওয়ার শব্দ। কালো জামা পরা একজন লোক পুকুরের ওপাশের রাস্তা দিয়ে সেই বাইকে চেপে চলে গেল হুহু করে।

জোজো আর নিখিল মাহাতো খানিকটা দৌড়ে গিয়েও মোকদ্দিক দেখতে পেল না ভাল করে।

কাকাবাবুর হাতে রিভলভার, তিনি ইচ্ছে করলে গুলি চালাতে পারতেন। কিন্তু শুধু হিহি হিহি করে হেসেছে বলেই তো একটা লোককে উল্লি করে মারা যায় না।

তিনি সমুদ্র হাত ধরে তুলে লাঁড় করিয়ে বললেন, “এখন ঠিক আছিস তো?”

সম্ভব দু’বার মাথাটা বাঁকিয়ে বলল, “হ্যাঁ, ঠিক হয়ে গেছে। শুধু একটু বমি বমি ভাব হচ্ছে।”

কাকাবাবু বললেন, “ভেতরে গিয়ে অনেকটা জল খেয়ে নে। তার পরেও যদি বমি পায়, বমি করে নিবি।”

তিনি ফাটা লাল বলটা তুলে নিয়ে বললেন, “এটার ভেতরে কী গ্যাস ছিল, পরীক্ষা করে দেখতে হবে।”

নিখিল মাহাতো ফিরে এসে বললেন, “লোকটা পুকুরের ওপাশে কেন লুকিয়েনসে ছিল, তা কিছুই বোঝা গেল না।”

জোজো বলল, “লোকটার মুখে মুখোশ পরা ছিল।”

নিখিল মাহাতো বললেন, “মুখোশ? আমরা তো শুধু পিঠের দিকটা দেখলাম।”

জোজো বলল, “একবার মুখ ফিরিয়েছিল। ওর হাতে একটা মোবাইল ফোন ছিল।”

কাকাবাবু জিজ্ঞেস করলেন, “মোবাইল ফোন? তুমি ঠিক দেখেছ?”

জোজো বলল, “আমি কিছু ভুল দেখি না।”

কাকাবাবু নিখিল মাহাতোকে বললেন, “কাল থেকে একটা মোটর সাইকেল আমাদের আশেপাশে ঘোরাফেরা করছে। এখানে কার কার মোটর সাইকেল আছে, খবর নিতে পারবেন? গগন সাহার একটা আছে জানি।”

নিখিল মাহাতো বললেন, “আরও বেশ কয়েকজনের আছে। এ সব জায়গায় যারা হঠাৎ বড়লোক হয়, তারা আগে গাড়ি কেনে না, মোটর সাইকেল কেনে। মোটর সাইকেল বিকট আওয়াজ করে

পাড়া কাপিয়ে যায়, সবাই তাকিয়ে দেখে, তাতেই মালিকের গর্ব হয়।
আপনি গগন সাহাকে চেনেন?”

কাকাবাবু বললেন, “হ্যাঁ, কাল রাতিরে আলাপ হয়েছে।”

নিখিল মাহাতো বললেন, “গগন সাহা আজ সকালেই এসে
ডায়েরি করে গেছে, তার মোটর সাইকেলটা চুরি হয়েছে।”

॥ ৬ ॥

বিকেল থেকেই দারুণ মেঘ করে আছে। আকাশ একেবারে
কালো, নেমে আসছে অন্ধকার।

সুকোমলের কোনও খোঁজ পাওয়া যায়নি। দুপুরে পুলিশের দু'জন
বড় অফিসার এসে দেখা করে গেছেন কাকাবাবুর সঙ্গে। তাদের
ধারণা, ছেলটাকে পাচার করে দেওয়া হয়েছে বাংলাদেশের
সীমান্তের ওপারে। এখনকার পুলিশ ওদিকে যেতে পারবে না।

তারা আরও বললেন, “এসব ব্যাপারে পুলিশ বাড়িবাড়ি করতে
সাহস পায় না। ছেলটাকে ওরা মেরে ফেলতে পারে। এরা এতই
নিষ্ঠুর। আগে দু'একবার এরকম হয়েছে। এখন কাকাবাবু যদি কিছু
বুদ্ধি দিতে পারেন।”

কাকাবাবু মাথা নাড়তে-নাড়তে বলেছিলেন, “আমি কী বুদ্ধি
দেব? ছেলটার প্রাণের ঝুঁকি রয়েছে। আমার কোনও ভুলের জন্য
যদি ছেলটার প্রাণ যায়, তা হলে আমি সারাজীবনেও নিজেকে ক্ষমা
করতে পারব না।”

পুলিশের এস পি বলেছিলেন, “টাকা দিয়ে যদি ছেলটাকে
ছাড়িয়ে নিতে হয়, তা হলে ওরা লাই পেয়ে যাবে। বারবার এরকম
করবে।”

“তাও ঠিক।”

সারা দুপুর কাকাবাবু শুয়ে শুয়ে চিন্তা করলেন।

জোজো আর সন্তুর মুখেও কথা নেই। থিয়েটার তো বন্ধ হয়ে
গেলই, এখন সুকোমলকে ডায়েল ডায়েল ফিরিয়ে আনাই বড় কথা।

জোজো বেশিক্ষণ চুপ করে থাকতে পারে না।

একসময় সে বলল, “এক কাজ করলে হয় না? মনে কর, পাঁচ
লাখ টাকা দিয়ে সুকোমলকে ছাড়িয়ে আনা হল। তারপর
ব্যটাগুলোকে ধরে এমন মার মারব?”

সন্তু বলল, “পাঁচ লাখ টাকা পাவி কোথায়? তারপর
ব্যটাগুলোকে ধরবিই বা কী করে?”

জোজো বলল, “পি সি সরকারকে খবর দিলে হয়। উনি তো
ম্যাজিকে হাওয়া থেকে টাকা বানাতে পারেন। উনি টাকা বানিয়ে
দেবেন, সেই টাকা ওদের দেওয়া হল, একটু পরেই টাকাগুলো
আবার অদৃশ্য হয়ে যাবে।”

সন্তু বলল, “তোমার আইডিয়াটা নন্দ নয়। কিন্তু কাগজে পড়েছি,
পি সি সরকার এখন ইন্ডিয়াতেই নেই, রাশিয়ায় ম্যাজিক দেখাচ্ছেন।”

জোজো বলল, “ইস, তা হলে তো খুব মুশকিল।”

সন্তু জিজ্ঞেস করল, “টাকা দেওয়ার পর তুই লোকগুলোকে
ধরবি কী করে?”

জোজো বলল, “সেটা খুব সহজ। আমি এমন একটা মজার মন্ত্র
জানি, সেটাতেই ধরা পড়ে যাবে। মন্ত্রটা শুনবি?”

সন্তু বলল, “শুনি।”

জোজো বলল, “পাগলা কুকুর কামড়ে দিল, দুম পট পট পটাস।
মাসির বাড়ি ফাটল হাড়ি, খুঁট খুঁট খুঁট খুঁটাস।”

সন্তু বলল, “এটা মন্ত্র নাকি?”

জোজো তার হাতে একটা চাপড় মেরে বলল, “তুই বল, একবার
বলে দাখ।”

সন্তু বলল, “পাগলা কুকুর কামড়ে দিল, দুম পট পট পটাস।
মাসির বাড়ি ফাটল হাড়ি, খুঁট খুঁট খুঁট খুঁটাস। এই তো বললাম, তাতে
কী হল?”

জোজো বলল, “বললি তো। এবার এটা ভুলে যাওয়ার চেষ্টা
কর। কিছুতেই ভুলতে পারবি না। খানিক বাদে এটা মনে মনে বিড়
বিড় করবি। তারপর জোরে জোরে বলবি। তারপর রাত্তা দিয়ে

নিজেই পাগলের মতন চ্যাঁচাবি, পাগলা কুকুর কামড়ে দিল...। যে
লোক রাত্তায়ে এটা চ্যাঁচাতে চ্যাঁচাতে যাবে, পুলিশ তাকে ধরতে
পারবে না।”

সন্তু বলল, “সর্বনাশ! আমারও সেই অবস্থা হবে নাকি?”

জোজো বলল, “তোকে আমি উলটো মন্ত্র দিয়ে চুপ করিয়ে
দেব।”

সন্তু বলল, “ছেলেচোরেরা যদি রাত্তা দিয়ে চ্যাঁচাতে চ্যাঁচাতে এটা
বলতে বলতে যায়, তা হলে তো আরও অনেক লোক শুনবে। সেই
লোকেরাও তা হলে চ্যাঁচাবে?”

জোজো বলল, “তা হবে না। এই যে আমি তোমার হাতে চাপ
মারলাম। আমি যাকে ছুঁয়ে এই মন্ত্র দেব, তারই শুধু মাথায় এটা
গেঁথে যাবে।”

সন্তু বলল, “তা হলে পাঁচ লাখ টাকা জোগাড় করাই আগে
দরকার।”

গুড়ি গুড়ি বৃষ্টি শুরু হয়েছে, বাগানে বসা যাবে না। কাকাবাবু
বিকলে চা খেতে বসেছেন বারপাশ।

সন্তুর হাতে বিস্কুটের কৌটো। একবার সেটা পড়ে গেল, মাটিতে
ছড়িয়ে গেল কয়েকটা বিস্কুট।

সন্তু সেগুলো তুলতে গিয়ে একদিকে তাকিয়ে বলল, “আরেঃ,
এটা এখানে কোথেকে এল? আগে তো ছিল না।”

বারপাশ কয়েকটা ফুলগাছের টব রয়েছে, তার মধ্যে দাঁড়
করানো রয়েছে একটা মূর্তি। কাঠের কিংবা ফাইবার প্লাস্টার। মূর্তিটা
হাতদেড়েক লম্বা, সারা গা কালো রং করা, শুধু মুখখানা লাল
রঙের।

মূর্তিটা সত্যিই আগে এখানে ছিল না।

জোজো সেটা ধরতে যেতেই সন্তু বলল, “এই, এই, এই ধরবি
না।”

কাকাবাবু বললেন, “হ্যাঁ, কোনও নতুন জিনিস দেখলে ছুঁয়ে না।
সকালবেলা লাল বলটার কথা মনে নেই? এটা এখানে এল কী
করে?”

সন্তু ভেতর থেকে একটা টর্চ নিয়ে এল।

সেই আলোয় ভাল করে দেখা গেল। মূর্তিটার মুখখানা বীভৎস
রকমের, ঠিক যেন একটা রাক্ষস। হাতদুটো দু'দিকে ছড়ানো।
হাতদুটো শরীরের তুলনায় বেশি লম্বা।

কাকাবাবু বললেন, “এটা কী বাড়ির ভেতর থেকে কেউ এখানে
এনে রেখেছে? রঘুকে ডাক তো।”

রঘু এল, ছোটমামাও বেরিয়ে এলেন।

তিনি দেখে বললেন, “এটা তো আমাদের বাড়ির জিনিস নয়।
আমি কখনও দেখিইনি। এমন বিচ্ছিরি একটা পুতুল এখানে কে
রাখল?”

কাকাবাবু বললেন, “সেটা বোঝা যাচ্ছে না। তবে, ওটা ধরা ঠিক
হবে না।”

এর পরেই অদ্ভুত কাণ্ড শুরু হল।

মূর্তিটা ঠক করে পড়ে গেল মাটিতে। তারপর নিজে নিজেই
আবার উঠে দাঁড়াল।

জোজো বলল, “আরিবাস! এটা জ্যান্ত নাকি?”

যেন সেই কথা শুনেই মূর্তিটা ঠক ঠক করে এগিয়ে এল দু'পা।

কাকাবাবু ছাড়া আর সবাই পিছিয়ে গেল ভয় পেয়ে। কাকাবাবু
তীক্ষ্ণ চোখে তাকিয়ে রইলেন মূর্তিটার দিকে।

সেটা এবারে ঠক ঠক করে শুরু করে দিল নাচ। ঠিক পুতুল
নাচের মতন। কিন্তু মূর্তিটায় কোনও সুতো বাঁধা নেই।

একবার বড় লাফ দিয়ে মূর্তিটা উঠে গেল শূন্যে। তারপর সবার
মাথার ওপরে দিয়ে ঘুরতে লাগল বোঁ বোঁ করে।

কাকাবাবু ছাড়া আর সবাই মাথা নাচাতে ব্যস্ত।

রঘু বলল, “লাঠি দিয়ে এটাকে মারব?”

কাকাবাবু বললেন, “না। তার দরকার নেই।”

কয়েকবার ঘোরার পর মূর্তিটা বারান্দা থেকে বেরিয়ে গেল

বাইরে। তারপর বাগান পেরিয়ে একটা পাখির মতন উড়তে উড়তে চলে গেল রাস্তার দিকে।

তারপরেই শোনা গেল একটা মোটর বাইরের স্টার্ট দেওয়ার শব্দ!

জেটমামা হতভম্বের মতন বললেন, “ব্যাপারটা কী হল?”

কাকাবাবু বললেন, “ছেলেখেলা!”

জেটমামা বললেন, “তার মানে কী রাজাদা? একটা কাঠের মূর্তি নিজে নিজে উড়তে লাগল আমাদের চোখের সামনে? নাকি চোখে ভুল দেখলাম?”

কাকাবাবু বললেন, “ঠিকই দেখেছ। তবে এমন কিছু আশ্চর্যের ব্যাপার নয়। রিমোট কন্ট্রোল। অনেক খেলনা, রেলগাড়ি, এরোস্পেন রিমোট কন্ট্রোলে চালানো যায়। বাগানের বাইরে থেকে এটাও কেউ চালাচ্ছিল। সকালে পুকুরের লাল বলটা এরকম রিমোট কন্ট্রোলেই ফটানো হয়েছে। জোজো, তুমি মোটর বাইকে চড়া লোকটির হাতে যা দেখেছিলে সেটা সেবালই ফোন নয়, রিমোট কন্ট্রোল।”

জোজো বলল, “খুব চমকে দিয়েছিল কিন্তু!”

কাকাবাবু বললেন, “আমাদের সঙ্গে এরকম ছেলেখেলা করার মানে কী?”

জেটমামা বললেন, “কে করছে এসব।”

কাকাবাবু বললেন, “সেটা তো পুলিশের বার করার কথা।”

সন্তু বলল, “বারবার যে লোকটা মোটরসাইকেল চেপে আসছে আর পালাচ্ছে, ওকে আগে ধরা দরকার।”

জোজো জিজ্ঞেস করল, “সন্তু, তুই মোটরসাইকেল চালাতে জানিস?”

সন্তু বলল, “না, কখনও চেষ্টা করে দেখিনি।”

জোজো বলল, “আমি খুব ভাল পারি। একটা মোটরসাইকেল পেলে আমি তাড়া করে লোকটাকে ঠিক ধরে ফেলতাম। একবার সিডনিতে একটা লোক একজন ভদ্রমহিলার হ্যান্ডব্যাগ কেড়ে নিয়ে মোটরসাইকেলে চেপে পালিয়ে যাচ্ছিল। ভদ্রমহিলা অসবায়ভাবে চ্যাটমোচি করছেন, আমি আর থাকতে পারলাম না। পাশেই অন্য কার একটা মোটরসাইকেল রাখা ছিল, লাফিয়ে সেটার উঠে পড়ে তাড়া করলাম চোরটাকে। সিডনির উচু-নিচু রাস্তা, চোরটা যত স্পিড দিচ্ছে, আমিও তত স্পিড বাড়ছি। চোরটা ট্র্যাফিকের লাল বাতি মানছে না, অতিও মানছি না। রাস্তার সব লোক অবাক হয়ে আমাদের দেখছে।”

সন্তু বলল, “ঠিক সিনেমার মতন।”

জোজো বলল, “লোকটাকে কিছুতেই চোখের আড়াল হতে দিচ্ছি না। সিডনি শহরে তো গলিযুদ্ধ নেই, সব বড় রাস্তা, লোকটা লুকোবে কোথায়। খানিক পরে দেখি, রাস্তাটা অনেক উচু থেকে খড়া নেমে গেছে, সামনেই সমুদ্র। ইন্ডিয়ান ওশান!”

কাকাবাবু বললেন, “সিডনি শহরের পাশে তো ইন্ডিয়ান ওশান দেখতে পাওয়া সম্ভব নয়, ওটা প্রশান্ত মহাসাগর হতে বাধ্য।”

জোজো বলল, “তা হতে পারে। সব মহাসাগরের চেহারাই তো এক।”

সন্তু বলল, “তারপর কী হল? তোরা দুজনেই সমুদ্রে গিয়ে পড়লি।”

জোজো বলল, “তখন এত স্পিডে চালাচ্ছি যে, থামবার উপায় নেই। সোজা গিয়ে সমুদ্রে পড়তেই হবে। তখন চোরটাকে ধরা যাবে ঠিকই, কিন্তু ভদ্রমহিলার হ্যান্ডব্যাগটা যদি ডুবে যায়। সেটা উদ্ধার করার জন্যই তো তাড়া করেছি চোরটাকে। তাই শেষ মুহূর্তে আমি মোটরসাইকেলের ওপর বাড়িয়ে উঠে ঝপিয়ে পড়লাম লোকটার ঘাড়ের ওপর। সমুদ্রের ধারে অনেক লোকজন ছিল, তারা ছুটে এল।”

সন্তু বলল, “সমুদ্রে গিয়ে পড়লে তোরাও মুশকিল হত, তুই তো আবার সাতার জানিস না।”

কাকাবাবু বললেন, “বাঃ, বেশ ভাল গল্প। শোনো, আমি ভাবছি আমার একবার কলকাতায় যাওয়া দরকার।”

সন্তু বলল, “আমরাও যাব।”

কাকাবাবু বললেন, “না, তোরা এখানে থাকতে পারিস। আমি আবার ফিরে আসব। পুলিশের ওপর মহলের সঙ্গে এই ব্যাপারে একটু কথা বলে দেখি। বাংলাদেশের পুলিশের সঙ্গেও যোগাযোগ করতে হবে মনে হচ্ছে।”

এই সময় বাড়ির সামনে একটা গাড়ি এসে থামল।

জোজো বলল, “আমি চোখ বুজে বলে দিতে পারি, দেবলীনা এসেছে।”

ঠিক তাই, গাড়ির দরজা খুলে ছুটেতে ছুটেতে এল দেবলীনা। জিন্স আর শার্ট পরা, মাথায় একটা স্কার্ফ বাঁধা। কামে খোলা-ব্যাগ। বারান্দায় উঠেই বলল, “কই, তোমাদের রিহার্সাল হচ্ছে না?”

জোজো আর সন্তু চোখাচোখি করল। কাকাবাবু বললেন, “না, রিহার্সাল বন্ধ আছে।”

দেবলীনা বলল, “ভালই হয়েছে। তোমরা নাটক বদলাও।”

খোলা-ব্যাগ থেকে সে একটা পাতলা বই বার করল। সে আবার বলল, “আমি অন্য নাটকের বই এনেছি। ‘সুলতানা রাজিয়া’। এর নাম-ভূমিকায় আমি পারি করব।”

সন্তু বলল, “বাঃ। সুলতানা রাজিয়া, তোকে ভাল মনেবে।”

জোজো বলল, “‘গৈরিক পতাকা’ কিংবা ‘লাল কেল্লা’ নাটকের নামভূমিকায় ওকে আরও ভাল মানাত।”

সন্তু বলল, “কিংবা ‘বঙ্গ বর্গী’ নাটকটা আরও ভাল। দেবলীনা হবে বর্গী।”

দেবলীনা কয়েক মুহূর্ত ডুক কুঁচকে বুকে নেওয়ার পর বলল, “ইয়ার্কি হচ্ছে আমার সঙ্গে?”

সন্তু বলল, “পাগলা কুকুর কামড়ে দিল, দুম পট পট পটাস। মাসির বাড়ি ভাঙল হাড়ি, খুঁট খুঁট খুঁটাস।”

দেবলীনা বলল, “ওটা আবার কী?”

সন্তু বলল, “এটা মুখস্থ বলতে পারবি? বল তো একবার।”

দেবলীনা বলল, “ওরকম বিচ্ছিরি কবিতা মোটেই আমি বলতে চাই না।”

কাকাবাবু মুচকি-মুচকি হাসছেন।

দেবলীনা তাঁর দিকে ফিরে বলল, “কাকাবাবু, তুমি ছেলেদুটোকে বড় লাই দিচ্ছ। তুমি সুলতানা রাজিয়া নাটকটা করতে কিনা বলো।”

জোজো বলল, “লাল কেল্লা।”

সন্তু বলল, “বঙ্গ বর্গী।”

কাকাবাবু বললেন, “এই, তোরা ওকে কেন রাগাচ্ছিস। শোনো দেবলীনা, যে-কোনও নাটকে তুমি খুব ভাল পারি করতে পারবে জানি, কিন্তু মুশকিল হচ্ছে নাটক আপাতত বন্ধ। আমাকে জরুরি কাজে কলকাতায় যেতে হবে। ভাবছি, তোমার সঙ্গেই চলে যাব।”

দেবলীনা বলল, “এই পাঞ্জি দুটোও যাবে নাকি?”

কাকাবাবু বললেন, “না, সন্তু আর জোজো থাকবে। আমি আবার ফিরে আসব।”

দেবলীনা বলল, “বেশ হবে। ওরা এই ধ্যাক্কেড়ে গোবিন্দপুর গ্রামে পড়ে থাকুক। এমন বৃষ্টি হবে, ওরা কোথাও যেতেও পারবে না।”

জোজো বলল, “নদী থেকে ইলিশ মাছ ধরা হয়েছে, আমরা সেই টাটকা ইলিশ মাছ ভাজা আর গরম গরম খিচুড়ি খাব।”

সন্তু বলল, “অনেক বড় বড় চিংড়িও এনেছে, তুই দেখিসনি বুঝি।”

দেবলীনা বলল, “কলকাতাতেও অনেক ভাল ইলিশ আর চিংড়ি পাওয়া যায়।”

একটু বাদেই কাকাবাবু তৈরি হয়ে নিলেন।

দেবলীনাকে বললেন, “চলো, বেরিয়ে পড়ি। বেশি রাত করার দরকার নেই।”

দেবলীনা তখনও সন্তু আর জোজোর সঙ্গে ঝগড়া করে যাচ্ছিল, এবার সে উঠে দাঁড়াল। তারপর খোলা-ব্যাগ থেকে দুটো বড় চকোলেটের প্যাকেট বার করে বলল, “তোদের জন্য এনেছিলাম,

এখন আর দেব না ভাবছি!”

জোজো চোঁট উলটে বলল, “চকোলেট? অ্যাঃ! আমরা মোটেই ভালবাসি না, তাই না রে সন্তু?”

দেবলীনা এবার করে হেসে ফেলে প্যাকেট দুটো ওদের হাতে গুঁজে দিল।

জোজো দেবলীনার একটা হাত চেপে ধরে বলল, “থ্যাঙ্ক ইউ! পাগলা কুকুর কামড়ে দিল দুম পট পট পটাস! মাসির বাড়ি ভাঙল হাঁড়ি, খুঁট খুঁট খুঁট খুঁটাস!”

কাকাবাবু বললেন, “আর দেরি কোরো না। চলো—”

দেবলীনার গাড়ির ভ্রাইভার অনেক দিনের পুরনো। তার নাম লহমন সিংহ, ওদের বাড়িতেই থাকে। দেবলীনাকে সে খুব ছোটবেলা থেকে দেখেছে বলে তাকে সে খুকুমণি বলে ডাকে।

কাকাবাবুকে দেখে সে নমস্কার করে বলল, “ভাল আছেন সার?”

কাকাবাবু বললেন, “হ্যাঁ, লহমন, তুমি ভাল আছ তো? ক’দিন ধরে বর্ষা হচ্ছে, রাস্তার অবস্থা কীরকম?”

লহমন বলল, “খুব খারাপ। আসবার সময় জ্যাম পেয়েছিলাম।”

গাড়িটা স্টার্ট দিয়ে বড় রাস্তায় পড়তেই একটু পরে পাশ দিয়ে একটা মোটর সাইকেল বেরিয়ে গেল জোর শব্দ করে।

কাকাবাবু কৌতূহলী চোখে তাকিয়ে রইলেন। চালকের মুখটা দেখতে পেলেন না।

দেবলীনা বলল, “পাগলা কুকুর কামড়ে দিল, দুম পট পট পটাস! মাসির বাড়ি ভাঙল হাঁড়ি খুঁট খুঁট খুঁট খুঁটাস! কাকাবাবু, এর মানে কী?”

কাকাবাবু বললেন, “মানে আবার কী? কিছু নেই! জোজোর মাথা থেকে উদ্ভট মুক্তি বেরোয়!”

দেবলীনা আবার বলল, “পাগলা কুকুর কামড়ে দিল...নাঃ, এটা আর কিছুতেই বলব না। কিন্তু মুখস্থ হয়ে গেল যে!”

কাকাবাবু বললেন, “অন্য কবিতা ভাবো। তা হলে ওটা ভুলে যাবে।”

দেবলীনা একটু চিন্তা করে বলল, “গান জুড়েছে গ্রীষ্মকালে ভীষ্মলচন শর্মা, আওয়াজখানা দিচ্ছে হানা দিল্লি থেকে বর্ম—তারপর কী যেন?”

কাকাবাবু অন্যমনস্ক হয়ে পড়েছেন, উত্তর দিলেন না। মোটরসাইকেলটার শব্দ আর একবার শোনা গেল। আওয়াজটা খুব জ্বালাচ্ছে। লোকটা কি বাড়ির কাছাকাছি কোথাও লুকিয়ে থেকে লক্ষ রাখছিল?

দেবলীনা বলল, “পাগলা কুকুর কামড়ে দিল দুম পট পট...এই রে আবার সেই বিচ্ছিরি পদাটী মনে আসছে। ও কাকাবাবু, বলো না, এটাকে মাথা থেকে তাড়াই কী করে?”

কাকাবাবু বললেন, “একটা গান গাও, তা হলে ভুলতে পারবে।”

দেবলীনা বলল, “ধ্যাত। আমি কি গান জানি নাকি?”

কাকাবাবু বললেন, “এই গানটা শিখে নাও, খুব সহজ। জোজোকে দেখলেই গাইবে। ‘শোন রে ওরে হুমুন, হও রে ব্যাটা সাবধান, আমি হতে স্পষ্ট বলে রাখি। ভূই ব্যাটা জানোয়ার, নিকর্মার অবতার, কাজেক্ষমে দিস বড় ফাঁকি!’”

দেবলীনা উঁচু গলায় হেসে উঠল।

বড় রাস্তা দিয়ে যেতে যেতে গাড়িটা থেমে যাচ্ছে মাঝে-মাঝে। সামনে পর পর অনেক ট্রাক। একে তো অন্ধকার, আবার শুরু হয়েছে বৃষ্টি।

এক জায়গায় গাড়ি একেবারে থেমেই গেল। সামনে অনেকখানি জ্যাম। লহমন উকি মেরে দেখে বলল, “লেভেল ক্রসিং। আসবার সময়ও এখানে অনেকক্ষণ দাঁড়াতে হয়েছিল। সামনের লরিটা কিছুতেই জায়গা ছাড়ছে না।”

সে দু-একবার হর্ন বাজাতেই কাকাবাবু বললেন, “শুধু শুধু হর্ন বাজিয়ে না। তাতে কী লাভ হবে?”

বৃষ্টির জন্য সব জানলার কাচ তোলা। একটা বাচ্চা ছেলে ধূপকাঠি বিক্রি করার জন্য কাকূতিমিনতি করছে।

দেবলীনা হাত নেড়ে বলল, “চাই না। চাই না।”

ছেলোটা তবু যাচ্ছে না।

লহমন তার দিকের জানলার কাচ নামিয়ে আর একবার সামনে উকি দিল। বাচ্চা ছেলোটা দৌড়ে সেদিকে গিয়ে জানলা দিয়ে হাত বাড়িয়ে বলল, “মিন না দিদি, ভাল ধূপ, মিন না, আমি সারাদিন কিছু খাইনি—”

দেবলীনা হাত-ব্যাগ খুলে পয়সা বার করতে গেল।

তখনই একজন লোক বাচ্চা ছেলোটাকে টেনে সরিয়ে দিয়ে দাঁড়াল জানলার কাছে। তার হাতে একটা ছোট গ্যাস সিলিন্ডারের মতন জিনিস।

সেটা থেকে সে ফোঁস-ফোঁস করে কী যেন স্প্রে করে দিতে লাগল গাড়ির মধ্যে।

কাকাবাবু বললেন, “এই, কী করছ, কী করছ?”

তারপরই গ্যাসের গন্ধ পেয়ে তিনি চোঁটেরে উঠলেন, “দেবলীনা, শিগগির নাকে রুমাল চাপা দাও—”

কিন্তু তিনি নিজেকেই পকেট থেকে রুমাল বার করার সময় পেলেন না। চলে পড়লেন অজ্ঞান হয়ে।

দেবলীনা আর লহমনও জ্ঞান হারিয়ে ফেলেছে।

একজন লোক গাড়ির সামনের দরজা খুলে লহমনকে ঠেলে সরিয়ে নিজে বসল স্টিয়ারিং হাতে নিয়ে।

অন্য একজন লোক পেছনের দরজা দিয়ে উঠে কাকাবাবুর হাত বেঁধে ফেলল লোহার চেন দিয়ে।

সে লোকটি সামনের লোকটিকে জিজ্ঞেস করল, “মেয়েটাকে নিয়ে কী করব?”

সামনের লোকটি বলল, “থাক, এখন অমনিই থাক।”

তারপর সে গাড়িতে স্টার্ট দিয়ে রাস্তা ছেড়ে নেমে পড়ল পাশের মাঠে। গাড়িটা লাফাতে-লাফাতে মিলিয়ে গেল অন্ধকারে।

১১ ১১

জোজো আরাম করে বিছানায় শুয়ে গল্পের বই পড়ে যাচ্ছে, কত বেলা হল তার হুঁশই নেই।

পাশের একটা ছোট টুলে রাখা আছে পেঁয়াজ-সন্ধা দিয়ে মাথা একবাটি মুড়ি, মাঝে-মাঝে সেই মুড়ি খাচ্ছে মুঠো করে।

বইটা শেষ হয়নি, কিন্তু মুড়ি শেষ হওয়ার পর তার খেয়াল হল, অনেকক্ষণ সন্তুর সাদাশব্দ নেই। সন্তু কোথায় গেল?

বিছানা থেকে নেমে পড়ল সে।

পাশের ঘরে গিয়ে দেখল, সন্তু খুব কাজে ব্যস্ত।

সারা ঘরে পুরনো খবরের কাগজ ছড়ানো। একটা কাঁচি নিয়ে সন্তু সেই খবরের কাগজ কাটছে।

জোজো অবাক হয়ে জিজ্ঞেস করল, “কী করছিস রে সন্তু?”

সন্তু বলল, “পাগলা কুকুর কামড়ে দিল, দুম পট পট পটাস!”

জোজো তার পাশে বসে পড়ে বলল, “কাগজ কাটছিস কেন?”

সন্তু এবার গভীরভাবে বলল, “টাকা বানাচ্ছি! আজ সন্দের মধ্যেই পাঁচ লাখ টাকা চাই!”

পাশে তিনখানা একশো টাকার নোট। সন্তু খবরের কাগজ কাটছে সেই নোটের সাইজে।

জোজো বলল, “এই খবরের কাগজের টাকা দিয়ে তুই ছেলোটোরদের ঠকাবি? এত সহজ নাকি?”

সন্তু বলল, “সহজ নয় ঠিকই। খুব কঠিন। সেই কঠিন কাজটাই চেষ্টা করতে হবে। শব্দাচ্ছড় আবার চিঠি দিয়েছে, টাকাটা আজই রাতে নিয়ে যেতে হবে নৌকায় করে। কোনও পুলিশের লোক থাকলে সুকোমলকে আর জ্যাঙ্গু ফেরত পাওয়া যাবে না। তাই পুলিশের লোকের বদলে আমি যাব টাকা নিয়ে। সুকোমলের বাবার সঙ্গে আমার কথা হয়ে গেছে।”

জোজো বলল, “কিন্তু এই খবরের কাগজের টাকা ওরা বুদ্ধি ব্যাগ খুলে দেখবে না?”

সন্তু বলল, “তা দেখবে নিশ্চয়ই। প্রথম তিনটে বাড়িলের ওপর

এই সত্যিকারের একশো টাকার নোট থাকবে একটা করে।
হোটমামার কাছ থেকে তিনশো টাকা চেয়ে নিয়েছি। এই দেখে যদি
ওরা সন্তুষ্ট থাকে তো ভাল কথা।”

জোজো বলল, “আর যদি সব বাড়িল দেখে?”

সন্তু বলল, “তখন অন্য ব্যবস্থা করতে হবে।”

জোজো জিজ্ঞেস করল, “অন্য ব্যবস্থা মানে?”

সন্তু বলল, “সে তখন দেখা যাবে। অবস্থা বুঝে ব্যবস্থা।”

জোজো বন্ধুর মুখের দিকে একটুক্ষণ একদৃষ্টিতে চেয়ে থেকে
আড়ষ্ট গলায় বলল, “সন্তু, তুই এই নকল টাকা নিয়ে একা যাবি?”

সন্তু বলল, “তুই তো যেতে পারবি না। তুই সাঁতার জানিস না।
নৌকোটা যদি উলটেফুলটে যায়।”

জোজো বলল, “কাকাবাবু ফিরলেন না—”

সন্তু বলল, “কাকাবাবু ফেরেননি, কোনও খবর পাঠাননি। নিশ্চয়ই
কোনও কাজে ব্যস্ত হয়ে পড়েছেন। এখন আমাদের বুদ্ধিমান কাজ
করা উচিত।”

জোজো বলল, “পাঁচ লাখ টাকা তৈরি হয়নি? তার মানে কত
টুকরো জানিস?”

সন্তু বলল, “জানব না কেন? পাঁচ লাখ মানে পাঁচ হাজার একশো
টাকার নোট।”

“জোজো বলল, “এরকমভাবে কাঁচি দিয়ে কাটলে সারাদিনেও
পাঁচ হাজার হবে না।”

সন্তু বলল, “তুইও একটা কাঁচি জোগাড় করে আন। হাত লাগা।”

জোজো বলল, “আমি একসঙ্গে দশখানা নোট বানাবার টেকনিক
শিখিয়ে দিছি তোকে—।”

প্রায় ঘণ্টাখানেক ধরে দু’জনে দর্জির মতন কাঁচি চালাতে লাগল
কচাক শব্দে।

তারপর পরেটা আর বেগুনভাজা খাওয়ার বিরতি।

হোটমামা এসে বললেন, “গগন এসেছে। রাজাদার খোঁজ
করছে। বললাম, রাজাদা নেই, তাদের সঙ্গে কথা বলতে চায়।”

সন্তু আর জোজো বারাদায় বেরিয়ে এল।

গগন সাহা খাকি প্যাণ্ট আর হলুদ রঙের শার্ট পরে আছে, হাতে
একটা গোল কবের পাকানো খবরের কাগজ। চেয়ারে বসেনি, দাঁড়িয়ে
আছে এক কোণে, মুখে একটা হটফটে ভাব।

ওদের দেখে বলল, “কী হে, কেমন আছ তোমরা? তোমাদের
কাকাবাবু কলকাতায় গেছেন শুনলাম। আজ ফিরে আসবেন?”

সন্তু বলল, “ঠিক বলতে পারছি না।”

“তোমাদের থিয়েটার আর হচ্ছে না তা হলে?”

“সুকোমলকে পাওয়া গেলে এখনও হতে পারে।”

“আমার ছেলে বিল্টু তো খুব মুখড়ে পড়েছে।”

“ওকে বললেন, একা-একাই পার্ট মুখস্থ করতে।”

“সে আর বলতে হবে না। সর্বশেষই তো সূর্য্যব সজে বিড়বিড়
করছে। পড়াশোনা মন নেই।”

তারপর সে হোটমামার দিকে ফিরে জিজ্ঞেস করল, “চাঁদুদা,
নিখিল মাহাতোর ছেলের কোনও খোঁজ পাওয়া গেল?”

হোটমামা বললেন, “নাঃ। টাকা চেয়ে আর-একটা চিঠি এসেছে।”

গগন বলল, “নিখিল মাহাতো টাকা সেবে না ঠিক করছে। খুবই
বিপজ্জনক ব্যাপার।”

হোটমামা বললেন, “টাকা জোগাড় করার একটা চেষ্টা হচ্ছে
শুনেছি।”

গগন বলল, “তা হলে তো খুব ভাল কথা। সে যাই হোক, আমার
বউ আজ রাঙিরে আপনাদের সবাইকে আমাদের বাড়িতে নেমস্তন্ন
করছে। সেদিন তো আপনারা গিয়ে এক কাপ চাও খেলেন না।
রাজা রায়চৌধুরী বিখ্যাত মানুষ। তিনি নিজেকে থেকে আমাদের
বাড়িতে এলেন, কোনও খাতির-মত্ত করা হল না। আমার ভেড়ি
থেকে বড়-বড় চিড়ি আনিয়েছি, আজ আপনারা সবাই খেতে যাবেন
আমাদের বাড়িতে।”

হোটমামা বললেন, “রাজাদা ফিরবেন কি না তার তো ঠিক নেই।

তুমি তো তাঁর জন্যই ব্যবস্থা করছ।”

গগন বলল, “ফিরবেন নিশ্চয়ই। এই ছেলেরা এখানে রয়ে
গেছে। তা হলে আসবেন কিছু। আমার বউ সকাল থেকেই রান্না
করতে লেগে গেছে।”

সিঁড়ি দিয়ে একথাপ নেমে সে আবার বলল, “এখানকার পুলিশরা
একবারে অপদার্থ। আমার মোটরসাইকেলটা চুরি গেছে, এখনও
উদ্ধার করতে পারল না।”

বাগানের বাইরে একটা সাইকেল রিকশা দাঁড় করানো ছিল। গগন
উঠে গেল তাতে।

জোজো বলল, “আরে, উনি খবরের কাগজটা ফেলে গেলেন
যে।”

গগনের হাতে যে পাকানো খবরের কাগজটা ছিল, সেটা পড়ে
আছে বারাদার বেদির ওপর।

ততক্ষণে সাইকেল রিকশাটা মিলিয়ে গেছে রাস্তার বাকি।

সন্তু বলল, “দৌড়ে গিয়ে দিয়ে আসব?”

হোটমামা বললেন, “তার দরকার নেই, খবরের কাগজ তো পড়া
হলে লোকে এমনই ফেলে দিয়ে যায়।”

জোজো কাগজটা খুলে বলল, “ওরেবাস, এ যে দেখছি দারুণ
খবর।”

এটা কলকাতার কাগজ নয়। স্থানীয় সংবাদপত্র, নাম ‘বসিরহাট
বার্তা’, ধ্যাবড়া কালিতে ছাপা। প্রথম পাতায় নীচের দিকে, হাত-
আঁকা একটা মস্তবড় সাপের ছবি। তার তলার দিকে কালি কুণ্ডিল
পাকানো, ওপরে ফণা তুলে আছে। নীচে লেখা: ‘শঙ্খচূড়’। তারপর
বড়-বড় অক্ষরে লেখা: ‘আজই সুকোমল মাহাতোর উদ্ধারের শেষ
দিন। আজ রাতের মধ্যে টাকা না পৌঁছে দিলে শঙ্খচূড়ের দংশন
থেকে কেউ তাকে রক্ষা করতে পারবে না। আমরা সবদিকে নজর
রাখছি। পুলিশ কিংবা কোনও ফৌজদারলাল কোনওরকম ঢালাকির
চেষ্টা করলে ছেলেটির লাশ নদীর জলে ভাসবে। মনে থাকে যেন,
ঠিক রাত নটায় মাঝ নদীতে বাকের মুখে।’

সবাই লেখাটা পড়ে একটুক্ষণ এ-ওর মুখের দিকে তাকাল।
হোটমামা বললেন, “গগন কি হচ্ছে করে কাগজটা এখানে রেখে
চলে?”

সন্তু বলল, “নাও হতে পারে।”

হোটমামা বললেন, “বলা যায় না। ভারী ধূর্ত লোক। একদিকে
আমাদের কত খাতির দেখিয়ে নেমস্তন্ন করে গেল, আবার ভয়
দেখিয়েও গেল মনে হচ্ছে?”

১৮ ১১

হাটবার ছাড়া নদীর এই ঘাটে সন্দের পরই নৌকো চলাচল প্রায়
বন্ধ হয়ে যায়। যাত্রী থাকে না বলে ফেরিনৌকোও চলে না। দু-
তিনটে যে খাবারের দোকান আছে, তারাও রাঁপ ফেলে দেয়
তাড়াভাড়া।

কৃষ্ণপক্ষের রাত, একেবারে ঘুটঘুটে অন্ধকার।

একটিমাত্র নৌকায় বসে তামাক খাচ্ছে একজন মাঝি। তার
নৌকায় টিমটিম করে জ্বলছে একটা কেরোসিনের লণ্ঠন।

ঠিক পোনে নটার সময় একটা সাইকেল রিকশায় চেপে সন্তু
পৌঁছল সেই নদীর ঘাটে। তাকে নামিয়ে দিয়েই সাইকেল রিকশাটা
ফিরে গেল পৌঁ-পৌ করে।

সন্তুর হাতে একটা ডাউস ক্যাব্রিনের ব্যাগ।

ঘাটের কাছটার কাদা-কাদা হয়ে আছে। সন্তু পা টিপে-টিপে
নেমে নৌকোটার চড়ে বসল। কাদা লাগবেই জেনে সে খালি পায়ে
এসেছে। সন্তু ফুলপ্যাণ্টই পরে কলেজে ভর্তি হওয়ার পর থেকে,
কিন্তু এখন পরে আছে হাফপ্যান্ট ও শুধু একটা গেঞ্জি।

এ-নৌকোর মাঝি কোনও কথা না বলে নৌকো ছেড়ে দিল। সে
আগে থেকেই যেন জানে কোথায় যেতে হবে।

আকাশে ঘন-ঘন বিদ্যুৎ চমকচ্ছে, যে-কোনও সময় বৃষ্টি আরম্ভ
হবে। এ নৌকোটার ছই নেই, বৃষ্টি এলে ভিজতে হবে। সবচেয়ে বড়



কথা, টাকার থলেটা ভিজে গেলেই মুশকিল।

জলের কুলকুল ধ্বনি ছাড়া আর কোনও শব্দ নেই।

নৌকোটা নদীর বাঁকের মুখে পৌঁছবার পর মাঝিটি জিজ্ঞেস করল, “এবারে কী করব?”

সন্ত বলল, “আর যেতে হবে না, এইখানেই চূপ করে বসে থাকতে হবে কিছুক্ষণ।”

নদীতে তেমন হোত নেই, নৌকোটি একটু-একটু দুলছে, সরে যাচ্ছে মাঝখান থেকে, মাঝি আবার নৌকোটাকে নিয়ে আসছে মাঝনদীতে। ভরা বর্ষার নদীতে এখন প্রচুর জল।

এখন শুধু প্রতীক্ষা।

সন্তর একটু বুক দুক-দুক করছে ঠিকই।

একেবারে শেষ মুহূর্তে ছোটমামা বেকে বসেছিলেন, সন্তকে তিনি এই বিপদের মধ্যে একা যেতে দেবেন না। জোজোও বন্ধুর বিপদের কথা ভেবে কাদো-কাদো হয়ে গিয়েছিল। এমনকী, নিখিল মাহাতো পর্বত বলেছিলেন, তাঁর ছেলেকে বাঁচাবার জন্য অন্য একজনের ছেলেকে তিনি এমন ঝুঁকির মধ্যে পাঠাতে চান না। সন্তকেও যদি মরে ফেলে, তা হলে সারাজীবন তাঁকে দ্বিগুণ শোক সইতে হবে।

কিন্তু সন্ত জেদ ধরে ছিল আগাগোড়া।

কাঁকাবাবু ফিরে আসেননি, কোনও খবরও পাঠাননি। তবু সন্তর নৃৎ ধারণা, কাঁকাবাবু যে-কোনও উপায়েই হোক, এই ছেলেচোরদের সঙ্গে দেখা করার চেষ্টা করতেন। ওদের টাকা না দিয়ে।

এমনও হতে পারে, কাঁকাবাবু এই নদীর ধারে কোথাও অন্ধকারে লুকিয়ে রয়েছেন।

মাঝিটি ঘেঁষে ধরতে না পেলে হঠাৎ বলে উঠল, “খোকাবাবু, ঞ্চানকার চোর-ডাকাতগুলি অতি সেয়ানা। আর যখন-তখন ছুরি-বুক চালায়। তুমি একা-একা এদের মুকাবেলা করতে পারবে?”

সন্ত বলল, “দেখা যাক!”

মাঝিটি বলল, “আহা রে, কার বাড়ির দুশের বাছ। কেন মরতে

এলি?”

এত উত্তেজনার মধ্যেও সন্ত হেসে ফেলল। হাফপ্যান্ট পরে এসেছে বলে তাকে ‘খোকাবাবু’ তবু বলা যেতে পারে। কিন্তু একেবারে দুশের বাছ! বড় বাড়াবাড়ি!

এক সময় দূরে ভটভট শব্দ হল। এখন বেশিরভাগ নৌকোই ডিজেল এঞ্জিনে চলে, তাই এগুলির নামই হয়ে গেছে ভটভটিয়া।

আওয়াজটা আসছে উলটো দিক থেকে, এদিকেই। একটু পরে দেখা গেল একটা জোরালো টর্চের আলো জ্বলছে আর নিভছে।

সন্তর কাছে টর্চ নেই, সে দাঁড়িয়ে রইল চূপ করে। অন্য নৌকোর টর্চের আলো এসে পড়ছে তার মুখে।

ভটভটিয়াটা একেবারে পাশে এসে দাঁড়াল। একজন কেউ কর্কশ গলায় জিজ্ঞেস করল, “টাকা এনেছিস?”

সন্ত বলল, “হ্যাঁ, এনেছি।”

লোকটি বলল, “পুরো টাকা এনেছিস তো? আমরা ধারে কারবার করি না।”

সন্ত একটুও নার্ভাস না হয়ে বলল, “হ্যাঁ, পুরো পাঁচ লাখ।”

লোকটি বলল, “তোমার সঙ্গে আর কে আছে?”

সন্ত বলল, “আর কেউ না।”

লোকটি টর্চ ফেলে নৌকোটা ভাল করে দেখল। খোলা নৌকায় কারও লুকোবার কোনও জায়গা নেই।

মাঝির মুখের ওপর আলো ফেলে ভাল করে দেখে ওদিকের লোকটি বলল, “এ তো বদর শেখা।”

ভারপর সেই লোকটি অন্য একটি লোককে বলল, “ভয়ের চোটে ওরা একটা পুঁচকে ছেলেকে পাঠিয়েছে।”

অন্য লোকটি সন্তকে বলল, “এই হোঁড়া, টাকার থলেটা আগে এই নৌকায় ছুড়ে দে।”

সন্ত বলল, “না, আগে আমি সুকোমলকে দেখতে চাই। হাতে-হাতে সেব আর নেব।”

অন্য লোকটি বলল, “আমরা কথার খেলাপ করি না। তুই মাথার ওপর দু’হাত তুলে দাঁড়া।”

সম্ভ বাধ্য ছেলের মতন দু’হাত তুলল মাথার ওপর।

ওদিক থেকে বন্দুক হাতে একজন লোক লাফিয়ে এ—নৌকোয় এসে সম্ভর সারা গা খাবড়ে খাবড়ে দেখল।

তারপর বলল, “তুই অন্তর-টন্তর কিছু আনিসনি তা হলে? একটা পেনসিল কাটা ছুরিও না? এবার তুই টাকার খলোটা নিয়ে ওই নৌকোয় চলে যা।”

সম্ভ অন্য নৌকোটা গিয়ে দাঁড়াতেই লোকটি সম্ভর নৌকোর মাথিকে বলল, “বদর তুই ফিরে যা। এদের আমরা নামিয়ে দেব।”

সম্ভ ব্যাগটা বুকে চেপে ধরে রইল।

মাঝি ছাড়া এ—নৌকোয় রয়েছে দু’জন লোক, আর সুকোমল বসে আছে হাঁটুতে খুতনি ঠেকিয়ে। সম্ভর দিকে সে তাকালও না। বোধ হয় সে ঘুমিয়ে আছে।

একজন লোকের হাতেই শুধু বন্দুক।

সে হাত বাড়িয়ে টাকার খলোটা নিয়ে চেন টেনে খুলে ভেতরটা দেখল। বলল, “ঠিক আছে। তাদের নামাব তেঁতুলতলার ঘাটে।”

অন্য লোকটি বলল, “ক’টা বাস্তিল আছে গুনে দেখবি না?”

বন্দুকধারী বলল, “ডেরায় গিয়ে গুনে নেব। এখন নৌকোয় স্টার্ট দে।”

অন্য লোকটি বলল, “এখনই গুনে নে। একটা-দুটো কম পড়লে ওস্তাদ আমাদের নামে দোষ দেবে।”

বন্দুকধারীটি আবার ব্যাগ খুলল।

বন্দুকটা পাশে নামিয়ে রেখে বার করতে লাগল বাস্তিলগুলো। একটা, দুটো, তিনটে—প্রত্যেকটারই ওপরে আসল একশো টাকার নোট।

চতুর্থ বাস্তিলটা বার করতেই সম্ভ এক লাফে সুকোমলের কাছে গিয়ে তার একটা হাত ধরে লাফিয়ে পড়ল নদীতে।

তার পায়ের কাঁকানিতে দারুণভাবে দুশে উঠল নৌকোটা, প্রায় ডুবে যাওয়ার মতন অবস্থা।

ঘটনার আকস্মিকতায় এই নৌকোর দু’জন লোক হকচকিয়ে গিয়ে তাল সামলাতে-সামলাতেই কেটে গেল কয়েক মুহূর্ত, তার মধ্যে সম্ভ ডুব দিয়ে চলে গেছে অনেক নীচে।

সুকোমল ভয় পেয়ে জাপটে ধরেছে সম্ভকে।

সম্ভ সঁতারের চ্যাপিশান, পরপর দু’বছর সে অল বেঙ্গল সুইমিং কন্সটিটিশানে ফার্স্ট হয়েছে। তা ছাড়া লাইফ সেভিং-এর ট্রেনিং নেওয়া আছে, সঁতারের সুবিধে হবে বলেই তো সে আজ ফুলপ্যাট পরেনি, খালি পায়ে এসেছে।

খাস নেওয়ার জন্য একবার ভুস করে মাথা তুলে সম্ভ বলল, “সুকোমল, ভয় পাসনি! শরীরটা আলগা করে রাখ। আমরা ঠিক পৌঁছে যাব।”

এ—নৌকোর লোক দুটো ধারণাই করতে পারেনি যে, এই ভরা বর্ষার নদীতে সম্ভর মতন একটা অল্পবয়সী ছেলে হচ্ছে করে ঝাঁপ দিতে পারে। এমনভেই এ—নদীতে ভয়ে কেউ নামে না, এখানে কামঠ নামে একরকম ছোট-ছোট হাঙর আছে, তারা মানুষের পা কেটে নেয়। কুমিরও আছে।

সম্ভ আর একবার মাথা তুলতেই ওরা গুলি চালাল।

সঙ্গে-সঙ্গে নদীর ধার থেকেও ছুটে এল গুলি। নৌকোর দিকে।

সম্ভর ধারণা হল, কাকাবাবু এসে গেছেন, তা হলে আর কোনও চিন্তা নেই।

গুলি চলতে লাগল দু’দিক থেকে।

একটা গুলি নৌকোর মাথির গায়ে লাগতেই সে আত্ননাদ করে উঠল। তখন একজন চালিয়ে দিল ভটভটি। গুলি চালাতে চালাতে তারা পালাল।

সম্ভ সুকোমলকে নিয়ে চলে এল পাড়ের কাছে।

সেখানে ঘাঁট নেই, খুব কাদা। তার মধ্য থেকে সে সুকোমলকে টানতে টানতে উঠে এল ওপরে।

তারপর ডাকল, “কাকাবাবু!”

কাকাবাবু নয়, রিভলভার হাতে নিয়ে ছুটে এলেন নিখিল মাহাতো।

তিনি সুকোমলের দিকে ভাল করে না তাকিয়েই জল-কাদা-মাখা সম্ভকে বুকে জড়িয়ে ধরে কঁদে ফেললেন ঝরঝর করে। আবেগের সঙ্গে বলতে লাগলেন, “সম্ভ, সম্ভ, তুমি আমার ছেলেকে উদ্ধার করে আনলে... তোমার ঋণ যে কী করে শোধ করব—”

কেউ সামান্য সামনি প্রশংসা করলে সম্ভর খুব অস্বস্তি হয়। সে নিজেকে ছাড়িয়ে নিয়ে বলল, “সুকোমলকে দেখনা। ও কথা বলছে না কেন?”

“পেটে জল ঢুকে যায়নি তো!”

নিখিল মাহাতো এবার ছেলের পাশে বসে পড়ে বললেন, “সুভ, তুই ঠিক আছিস তো? তোকে ওরা কষ্ট দিয়েছে?”

তারপরই তিনি চোঁটেই উঠলেন, “এ কী? এ কে?”

সম্ভও দারুণ চমকে উঠল। যাকে সে উদ্ধার করে এনেছে, সে সুকোমল তো নয়। অন্য একটি ছেলে।

সে-ও ছেলোটা পাশে বসে পড়ে বলল, “এই, তুমি কে?”

ছেলোটি কাঁচামাচ ভাবে বলল, “আমি লুতফর।”

নিখিল মাহাতো বললেন, “লুতফর? তুই ওদের নৌকোয় কী করছিলি? তুই-ও ওদের দলের?”

লুতফর বলল, “আমি কিছু জানি না সার। আমি নদীতে মাছ ধরছিলাম, দু’জন জোয়ান লোক জোর করে আমাদের ধরে টেনে নিয়ে গেল। তারপর সদ্দেশ খেতে দিল নৌকোয় তুলে। ধমকাতে ধমকাতে বলল, ‘খা, খা!’ সেই সদ্দেশ খেয়ে, কী যেন হল, ঘুম এসে গেল, আর আমি কিছু জানি না।”

নিখিল মাহাতো দারুণ হতাশভাবে বললেন, “যাঃ! ওরাও আমাদের ঠকিয়েছে!”

১১

কাকাবাবু ভাল করে চোখ চাইতে পারছেন না, সবই অস্পষ্ট দেখছেন।

যা দেখছেন, তারও মানে বুঝতে পারছেন না। একবার মনে হল, উলটো দিকে একজন লোক দাঁড়িয়ে আছে, তার চেহারা অবিকল তাঁর মতন। যেন আর একজন রাজা রায়চৌধুরী। ঠিক তাঁর মতন গৌঁয়, তাঁর মতন দু’বগলে ক্রাচ।

কাকাবাবু ভাবলেন, তাঁর তো কোনও যমজ ভাই ছিল না কখনও।

তা হলে এ লোকটা এল কোথা থেকে?

কয়েক মুহূর্তের মধ্যেই লোকটা যেন কঁকড়ে ছোট হয়ে গেল।

আবার সব কিছু অন্ধকার।

সেই অন্ধকারের মধ্যে একজন কেউ গভীর গলায় বলল, “ওয়েক আপ। ওয়েক আপ। মিস্টার রায়চৌধুরী, অনেক ঘুমিয়েছেন, এবার উঠুন।”

আবার আলো জ্বলে উঠল। কে যেন একবাটি জল ছিটিয়ে দিল কাকাবাবুর মুখে। কনকনে ঠাণ্ডা জল। এবার তিনি জোরে মাথা ঝাঁকানি দিলেন। তাকালেন পুরো চোখ মেলে।

ফের আলো নিভে গিয়ে জ্বলে উঠেছে একটা স্পটলাইট। তাতে দেখা যাচ্ছে মস্তবড় একটা সাপের ফণা। সেটা দুলছে আর ফৌস-ফৌস শব্দ হচ্ছে।

সেই সাপ মানুষের মতন কথা বলে উঠল। তাও ইংরেজিতে। ফৌস-ফৌস করতে করতে বলল, “মিস্টার রায়চৌধুরী, মিট শঙ্খচূড়।”

কাকাবাবু হাত তুলতে গিয়ে টের পেলেন তাঁর দুটো হাত পেছন দিকে ঝাঁখ।

কয়েক মুহূর্ত পরেই জায়গাটা ভরে গেল বলমলে আলোয়।

এবার দেখা গেল, সেটা একটা বড় ঘর। তার চারদিকে কয়েকটা কন্সটিটিউটার আর অন্য নানারকম যন্ত্রপাতি। মাঝখানে একটা চেয়ারে সেই মস্তবড় সাপের ফণা।

সেটা যে আসল সাপ নয়, একটা মুখোশ, তা বুঝতে কাকাবাবুর অসুবিধে হল না।

তিনি ভাবলেন, তিনি যে দ্বিতীয় একজন রাজা রায়চৌধুরীকে দেখেছিলেন, সে কোথায় গেল? না কি সেটা চোখের ভুল?

টেবিলের ওপাশের লোকটি এবার মাথা থেকে সাপের ফণার মুখোশটা খুলে ফেললে রাখল টেবিলের ওপর। একটা চিরুনি দিয়ে চুল আঁচড়াতে লাগল।

লোকটির বয়েস চল্লিশ থেকে পঁয়তাল্লিশের মধ্যে। রং ফরসা। খুব মোটা ভুরু, সেরকমই অনেকখানি লম্বা জুলপি। হরতনের গোঁলামের মতন তার মোটা গৌঁফ মিশে গেছে জুলপির সঙ্গে। মাথায় বাবির চুল। চোখের মণি দুটো নীল।

লোকটিকে দেখলে বাঙালি বলে মনে হয় না।

সে মাথার চুল আঁচড়াবার পর ভুরু আর গৌঁফও আঁচড়ে নিল।

তারপর চওড়াভাবে হেসে বলল, “আপনার সঙ্গে একটু ছেলেমানুষি করছিলাম, তাই না? মাঝে-মাঝে এরকম ছেলেমানুষি করতে আমার ভাল লাগে।”

কাকাবাবুর মাথাটা আস্তে-আস্তে পরিষ্কার হয়ে যাচ্ছে। তিনি কোনও কথা না বলে সোজা তাকিয়ে রইলেন লোকটির দিকে।

লোকটি বলল, “মিস্টার রাজা রায়চৌধুরী, আমি আপনার পরিচয় সবই জানি। আপনি আমার সম্পর্কে কিছুই জানেন না। আমি সংক্ষেপে জানাচ্ছি। আমার অনেক নাম। শম্ভুচূড়, কালোসন, রুস্তম, মহাবীর সিং, ভ্যাম্পায়ার, ডেভিল ইনকারনেট, হলকু, এইরকম আরও আছে। এখানে আমি শম্ভুচূড়, এর ঠিক আগেই ছিলাম হলকু। আপনি আমাকে এর যে-কোনও একটা নাম ধরে ডাকতে পারেন।”

টেবিলের ওপর লোকটির বাঁ হাত রাখা। কাকাবাবু দেখলেন, বুড়ো আঙুল ছাড়া ওর সব আঙুলেই দুটো-তিনটে করে আংটি।

ওর মুখোশটা খুলে ফেললেও কাকাবাবু বুঝতে পারলেন, লোকটি এখনও ছদ্মবেশ ধরে আছে। ওর ভুরু, গৌঁফ, মাথার চুল সবই নকল। খুব সম্ভবত চোখেও কন্টাক্ট লেন্স পরা, তাই মণি দুটো নীল দেখাচ্ছে।

লোকটি বলল, “আপনাকে বেশি-বেশি গ্যাস দিয়ে অজ্ঞান করা হয়েছিল। আপনি কতক্ষণ ঘুমিয়েছেন জানেন? পাকা চকির ঘণ্টা।”

তারপর সে একটা বেল বাজাতেই পেছন দিকের দরজা খুলে ঢুকল একজন লোক। তার মুখে একটা নীল রঙের মুখোশ।

লোকটি বলল, “রাজা রায়চৌধুরী চকির ঘণ্টা ঘুমিয়ে আছেন, না ঘোঁষে আছেন। ঠকে কিছু খেতে দেবেন না? আমাদের বদনাম হয়ে যাবে যে। শিগগির কফি আর কেক-বিজুট নিয়ে এসো।”

একটা কম্পিউটারে পি পি করে শব্দ হতেই লোকটি সেটার কাছে চলে গিয়ে টেপাটিপি করতে লাগল কি-বোর্ডে।

দু’ মিনিটের মধ্যে নীল মুখোশপরা লোকটি একটা ট্রে-তে সাজিয়ে দু’কাপ কফি আর এক প্লেট খাবার এনে রাখল টেবিলের ওপর।

শম্ভুচূড় লোকটিকে ধমক দিয়ে বলল, “আরে বেওকুফ, ওঁর হাত বাঁধা থাকলে উনি খাবেন কী করে? আনটাই হিজ হ্যান্ডস!”

নীল মুখোশপরা লোকটি কাকাবাবুর হাতের বান্ধন খুলে দিল।

রক্ত জমে গিয়ে হাত দুটো প্রায় অসাড় হয়ে গেছে। কাকাবাবু হাতে হাত ঘষতে লাগলেন।

কম্পিউটারের কাছ থেকে ফিরে এসে শম্ভুচূড় বলল, “আপনি আমার সঙ্গে বাংলা, ইংরেজি, স্প্যানিশ, আর্যাবিক, ফ্রেঞ্চ যে-কোনও ভাষায় কথা বলতে পারেন। আমি বাংলা কেমন বলছি, ঠিক হচ্ছে না? অবশ্য আপনার মতন উচ্চারণ হবে না।”

কাকাবাবু এবারও কোনও মন্তব্য করলেন না।

শম্ভুচূড় বলল, “নিম, খেতে আরম্ভ করুন।”

সে নিজেও কফিতে চুমুক দিয়ে একটা লম্বা চুকট ধরাল।

এতক্ষণ পরে কাকাবাবু বললেন, “আপনি চুকটটা নিভিয়ে ফেলুন। চুকটের গন্ধ আমি সহ্য করতে পারি না।”

লোকটি কয়েক মুহূর্ত অবাক হয়ে তাকিয়ে রইল কাকাবাবুর

দিকে। তারপর হো-হো করে হেসে উঠল।

হাসতে হাসতে বলল, “আপনি তো দেখছি, সত্যিই অদ্ভুত লোক। আমার ঘরে বসে আমাকেই হুকুম করছেন?”

কাকাবাবু বললেন, “হুকুম নয়, অনুরোধ। আমার মিজ বলা উচিত ছিল। একসময় আমি খুব চুকট খেতাম। অনেকদিন ছেড়ে দিয়েছি। এখন চুকটের গন্ধই সহ্য হয় না।”

লোকটি চেয়ার ছেড়ে কাকাবাবুর কাছে চলে এসে বলল, “যদি আপনার হাত আবার বাঁধি আর আপনার নাকের কাছে এই জ্বলন্ত চুকটটা ধরে রাখি, তা হলে বেশ মজা হয়, তাই না?”

কাকাবাবু বললেন, “ওটাকে মজা বলে না। ওটা অভদ্রতা।”

লোকটি বলল, “আমার নাম শম্ভুচূড়। আমি যে কত অভদ্র, নিষ্ঠুর হতে পারি, আপনি তা ধারণাই করতে পারবেন না। যাক গে, এখন কাজের কথা হোক। কফিটা খেয়ে নিন।”

কাকাবাবু এবার কফিতে এক চুমুক দিলেন।

শম্ভুচূড় বলল, “মিস্টার রায়চৌধুরী, আপনার সঙ্গে আমার পার্সোনাল কোনও শত্রুতা নেই। আমি প্রফেশনাল লোক। আমি টাকার বিনিময়ে অন্যদের হয়ে নানারকম কাজ করি। সেরকম একটা কাজের জন্যই—”

তাকে থামিয়ে দিয়ে কাকাবাবু জিজ্ঞেস করলেন, “গাড়িতে আমার সঙ্গে একটা ছোট মেয়ে ছিল। সে কোথায়?”

শম্ভুচূড় ভুরু কুঁকতে বলল, “ছোট মেয়ে? ছিল নাকি? ফরগেট ইট। তা নিয়ে এখন মাথা ঘামাতে হবে না। আপনাকে একটা বিশেষ উদ্দেশ্যে ধরে আনা হয়েছে। আমার কথামতন আপনাকে একটা কাজ করে দিতে হবে।”

কাকাবাবু বললেন, “অন্যের কথামতন কিছু কাজ করার অভ্যাস যে আমার নেই।”

শম্ভুচূড় বলল, “এক্ষেত্রে আপনার বাঁচবার যে এই একটাই রাস্তা। অন্য কোনও উপায় নেই।”

কাকাবাবু বললেন, “এর আগে আরও অনেকেই আমাকে মেরে ফেলার হুমকি দিয়েছে। কিন্তু কেউ তো পারেনি শেষ পর্যন্ত।”

শম্ভুচূড় বলল, “এই রে, আপনি এখনও আমার ক্ষমতাই বুঝতে পারেননি। অন্যদের সঙ্গে তুলনা করছেন? আমার সম্পর্কে আপনার কী ধারণা হয়েছে বলুন তো।”

কাকাবাবু বললেন, “আপনি তো বললেন, আপনি প্রফেশনাল লোক। টাকার বিনিময়ে কাজ করেন। তার মানে মারসিনারি?”

শম্ভুচূড় বলল, “আরে না, না। আমাকে অত ছোট ভাববেন না। মারসিনারি মানে তো ভাড়াটে সৈন্য। বিভিন্ন দেশে গিয়ে লড়াই করে। আমি লড়াই করি না, অনেক বড়-বড় কাজের দায়িত্ব নিই।

যেমন ধরুন, হাওড়া ব্রিজের মতন কোনও ব্রিজ উড়িয়ে দেওয়া, প্লেন ধ্বংস করা কিংবা কোনও দেশের প্রাইম মিনিস্টার কিংবা প্রেসিডেন্টকে খুন করা, এই সব। এখানে আমার কাজটা আরও বড়।

প্রায় একশো কোটি টাকার প্রজেক্ট। সর ঠিক হয়ে যাবে, শুধু মাঝখানে ছোট একটা বাধার সৃষ্টি হয়েছে। আপনাকে দিয়ে সেই বাধাটা দূর করাব। কাটা দিয়ে কাটা তোলা বাবেই তো।”

কাকাবাবু বললেন, “আপনি ধরেই নিচ্ছেন, আপনার কথা অনুযায়ী আমি কাজ করব।”

শম্ভুচূড় বলল, “ওই যে বললাম, আপনার অন্য কোনও উপায় নেই। এই কাজ শুরু করার আগে আমি আপনাকে খুব ভালমতন স্টাডি করেছি। এই দেখুন।”

একটা কম্পিউটারের বোতাম টিপতেই তাতে ফুটে উঠল কাকাবাবুর ছবি। পরপর অনেক। সঙ্গে সন্তান আর জোজোর ছবিও আছে। পাশে পাশে অনেক কিছু লেখা।

শম্ভুচূড় বলল, “অনেক কেসে দেখেছি, আপনি ইচ্ছে করে শত্রুর ডেরায় ঢুকে পড়েন। কখনও তারা ধরে নিয়ে আসে কিংবা হত্যা নিজে থেকে ধরা দেন। তারপর নানারকম বুদ্ধি খাটিয়ে বেকিতে আসেন সেখান থেকে, শত্রুরাও ধরা পড়ে যায়। এই ত্রে? কিছু এবারে আপনাকে আর বুদ্ধি খাটিয়ে কিংবা গায়ের ভেতর দিয়ে

বেরোতে হবে না।”

কাকাবাবু বললেন, “বেরোতে পারব না?”

শম্ভুচূড় একগাল হেসে বলল, “আপনাকে আমিই ছেড়ে দেব। আপনি এখন থেকে সুস্থ অবস্থায় বেরিয়ে যাবেন, হাট-পা বাঁধা থাকবে না, রাস্তা দিয়ে হাটবেন। কিন্তু তখনও আপনি মুক্তি পাবেন না। আমার কথা অন্যায়ীই আপনাকে চলতে হবে।”

কাকাবাবুও হেসে বললেন, “ম্যাজিক নাকি? অথবা আমাকে হিপনোটাইজ করা হবে? তাতে কিন্তু বিশেষ সুবিধে হবে না!”

শম্ভুচূড় বলল, “ওসব হিপনোটাইজম ফিজিক্সের আমি ধার ধারি না। জিনিস, ব্রেক বিজ্ঞান। দেখুন তা হলে ব্যাপারটা কীরকম হবে।”

টেবিলের ওপাশ থেকে সে একটা মূর্তি তুলে আনল। সেটা দেখে চমকে গেলেন কাকাবাবু। মূর্তিটা তাঁরই, অবিকল রাজা রায়চৌধুরী। সেরকম গৌরব, সেরকম দু’বগলে ক্রাচ। পুরোপুরি জ্ঞান হওয়ার আগে এটা দেখেই তিনি জীবন্ত মানুষ মনে করেছিলেন।

মূর্তিটা প্রায় দু’হাত লম্বা। ফাইবার গ্লাস কিংবা ওই ধরনের কোনও হালকা জিনিস দিয়ে তৈরি।

শম্ভুচূড় সেটাকে নিয়ে রাখল ঘরের এক কোণে। একটা দরজার কাছে। কাকাবাবুর চেয়ারটাও সরিয়ে দিল অন্য এক কোণে, সে চেয়ারের পায়ার ঢাকা লাগানো।

তারপর বলল, “ওই হচ্ছে রাজা রায়চৌধুরীর রেপলিকা। আমি যা বলব, তাই শুনবে। আর যদি না শোনে, তা হলে কী হবে? দেখুন কী হয়।”

সে কম্পিউটারের কাছে গিয়ে দু’বার কি-বোর্ড টিপতেই প্রচণ্ড শব্দ হল। সেই মূর্তিটা জ্বিলঝিল হয়ে টুকরোগুলো ছড়িয়ে গেল চতুর্দিকে। ঘর ভরে গেল ধোঁয়ায়।

সেই আওয়াজে কাকাবাবু চমকে উঠলেও মুখে কোনও রেখা ফুটল না।

শম্ভুচূড় বলল, “দেখলেন তো কী হবে?”

কাকাবাবু বললেন, “ওটা তো একটা পুতুল। রিমোট কন্ট্রোলে বেলুন ফাটানো যায়, একটা পুতুল ধ্বংস করা যায়, কিন্তু আমি তো মানুষ। আমার কী ক্ষতি হবে?”

শম্ভুচূড় এবার চিবিয়ে চিবিয়ে বলল, “রাজা রায়চৌধুরী, এখন থেকে তুমিও আমার হাতের পুতুল!”

॥ ১০ ॥

লুতফরকে ধরে রেখে কোনও লাভ নেই। তাকে অনেক জঁজুরা করে বোঝা গেল, সে কিছুই জানে না। সে নদীর ওপারের হাঁসবালি গ্রামের ছেলে। তাকে সন্তিহি জ্বোর করে ধরে আনা হয়েছে।

তাকে ভাল করে খাইয়েদাইয়ে ফেরত পাঠিয়ে দেওয়া হল পরদিনই।

তা হলে সুকোমলকে কোথায় রাখা হয়েছে?

টাকাগুলো নকল না হয়ে আসল পাঁচ লাখ টাকা হলেও কী ওরা সুকোমলকে ফেরত দিত না?

সুকোমলের মন দারুণ কান্নাকাটি শুরু করেছেন। নিখিল মাহাতোরও মুখখানা শুকনো। অনেকেরই ধারণা হয়েছে, নকল টাকা দিয়ে ওদের ঠাকুরার চেষ্টা করার জন্য শম্ভুচূড় এমন রেষা যাবে যে, সুকোমলকে হয়তো খুন করে ফেলবে।

কেউ বলে কিছু না বললেও সম্ভব মনে হচ্ছে, সবাই যেন তাকেই দোষ দিচ্ছে। সে যেন বাড়াবাড়ি করে ফেলেছে। নকল টাকা দিয়ে কী চোর-ডাকাতদের ঠাকানো যায়?

কিন্তু পুলিশ তো এর মধ্যে শম্ভুচূড়ের দলবলের কোনও খোঁজই পায়নি। সুকোমলকে উদ্ধার করার আর কী উপায় আছে।

নিখিল মাহাতো অবশ্য সম্ভব নামে একটুও দোষ দিচ্ছেন না। বারবার বলছেন, সন্ত যেরকম সাহস দেখিয়েছে, তার কোনও তুলনাই হয় না।

তিনি মামার বাড়িতে পুলিশ পাহারার ব্যবস্থা করেছেন। ছোটমামা বলে দিয়েছেন, সন্ত একা-একা বাড়ি থেকে বেরোতে পারবে না। ওর

ওপরে শম্ভুচূড়ের দলের নিশ্চয়ই খুব রাগ হয়ে আছে। ওরা প্রতিশোধ নেওয়ার চেষ্টা করবে।

এর মধ্যেই খবর এসে গেছে যে, কাকাবাবুকে খুঁজে পাওয়া যাচ্ছে না।

বারাসাতের কাছাকাছি একটা ধানখেতের মধ্যে পড়ে ছিল দেবলীনারের গাড়ি, তার মধ্যে দেবলীনা ও গাড়ির ড্রাইভার অজ্ঞান, কোনও চিহ্ন নেই কাকাবাবুর।

দেবলীনাকে ওই অবস্থায় ফেলে কাকাবাবু নিশ্চয়ই নিজে কোথাও চলে যাবেন না। তাঁকে কেউ ধরে নিয়ে গেছে।

সন্ত অবশ্য এটা জেনেও বিশেষ বিচলিত হয় না। তার ধারণা, কাকাবাবুকে আটকে রাখার সাধ্য পৃথিবীতে কারও নেই। তার বেশি চিন্তা সুকোমলের জন্য।

জোজো বলল, “চল সন্ত, আমরা কলকাতায় ফিরে যাই। এখানে আর বসে থেকে কী করব?”

সন্ত বলল, “কাকাবাবু আমাদের এখানেই অপেক্ষা করতে বলেছিলেন।”

জোজো বলল, “কাকাবাবু তো একদিন পরে ফিরে আসবেনও বলেছিলেন। ফিরে তো এলেন না! কলকাতায় গিয়ে বরং দেবলীনাকে জিজ্ঞাস করে শোনা যাক। গাড়িটা মাঠের মধ্যে গেল কী করে?”

সন্ত বলল, “পুলিশ নিশ্চয়ই সেসব খোঁজখবর নিয়েছে। তুই বরং কলকাতায় চলে যা জোজো। আমি এখানে থাকি।”

জোজো বলল, “আমরা হাঙ্গি লরেল হার্ডির মতন। একজনকে বাদ দিলে চলে না। ইউনাইটেড উই স্ট্যান্ড, ডিভাইডেড উই ফল!”

সন্ত বলল, “চল, আমরা একবার নদীতে সাঁতার কেটে আসি।”

জোজো বলল, “ওরে বাবা, সাঁতার? এই নদীতে? হাঙর আছে, কুমির আছে। তুই খুব জোর প্রাণে বেঁচে গেছিস! কী করে বাটলি বল তো? রাষ্ট্রবিবেচনা হাঙর-কুমিরেরা ঘুমোয়।”

সন্ত বলল, “তাই নাকি? আসল কাজ, তুই সাঁতার জানিস না। তা হলেই বুঝতে পারতিস, সব কাজ আমরা একসঙ্গে করতে পারব না।”

জোজো বলল, “সব কাজ কি একসঙ্গে করা যায় রে? মনে কর, তুই হঠাৎ পা পিছলে আলুর দম হলি। তা বলে কি সঙ্গে-সঙ্গে আমিও আছাড় খাব? তোর হাত ধরে টেনে তুলব। তুই সাঁতার কাটবি, আমি পাড় থেকে দেখব।”

এই সময় গেটের কাছে একটা জিপগাড়ি থেকে নামলেন নিখিল মাহাতো।

কাছে এসে বললেন, “তোমরা তৈরি হয়ে নাও। কলকাতা থেকে আমাদের ধান্য ফোন এসেছে। তোমাদের দু’জনকে পুলিশ পাহারায় পাঠিয়ে দিতে বলা হয়েছে কলকাতায়।”

জোজো সন্তকে বলল, “দেখলি, দেখলি, আমি ঠিকই ভেবেছিলাম।”

নিখিল মাহাতো হঠাৎ রাগে ফেটে পড়ে বললেন, “পুলিশের ওপর মহল থেকে আমার ছেলের ব্যাপারে কোনও গুরুত্বই দেওয়া হল না। কলকাতায় বড়কর্তারা আমাদের মতন মফস্বলের লোকদের নিয়ে মাথাই যামাতে চায় না!”

জোজো বলল, “আম্বল, আপনাদের ছেলে সুকোমল ভাল আছে।”
বট করে তার দিকে ফিরে নিখিল মাহাতো চিবিয়ে চিবিয়ে বললেন, “তাই নাকি? তুমি কী করে জানলে?”

জোজো বলল, “আমি একটা মজা জানি। সেই মজাটা পড়ে ধ্যান করলে আমি যে-কোনও মানুষকে দেখতে পাই। কাল রাঙিরে আমি সুকোমলকে দেখেছি, তার সঙ্গে কথাও বলেছি।”

নিখিল মাহাতো জোরে ধমক দিয়ে বললেন, “চূপ করো! ওসব বাজে কথা শোনার সময় নেই আমার। এখন তোমাদের আম্বল মিস্টার রাজা রায়চৌধুরী ধরা পড়েছেন, এখন গোটা পুলিশ ডিপার্টমেন্ট তাঁকে নিয়েই ব্যস্ত হয়ে পড়বে, আমার ছেলের কথা ভুলেই যাবে। কিন্তু আমার কাছে আমার ছেলের জীবনই সবচেয়ে

গুরুত্বপূর্ণ।”

সন্ত বলল, “আমি এখন কলকাতায় যেতে চাই না।”

নিখিল মাহাতো গলার আওয়াজ একটু নরম করে বললেন, “তুমি আর থেকে কী করবে? তুমি খুবই চেষ্টা করেছিলে।”

সন্ত বলল, “আজ্ঞা, আমি একবার নদীর ঘাটে যেতে চাই। সেদিন যেখান থেকে নৌকায় উঠেছিলাম।”

নিখিল মাহাতো বললেন, “সেখানে গিয়ে আর কী হবে? লোকগুলো কি সেখানে বসে থাকবে?”

সন্ত বলল, “তবু একবার যাওয়া দরকার। একটা ব্যাপার যাচাই করে নিতে চাই।”

জোজোর দিকে ফিরে বলল, “জোজো, তুই এখানে থাক, যদি কোনও খবর আসে। আমি সাতার কাটতে যাচ্ছি না, অন্য কাজে যাচ্ছি।”

সন্ত গিয়ে নিখিল মাহাতোর জিপে চড়ে বসল।

নদীর ঘাটে দিনের বেলা অনেক লোকজন। বেশ কয়েকটি নৌকা রয়েছে, যাতায়াত করছে এপার থেকে ওপারে। কয়েকটি দোকানেও মানুষের বেশ ভিড়। এক দোকান থেকে ভেসে আসছে জিলিপি ভাজার গন্ধ।

জিপ থেকে নেমে নিখিল মাহাতো জিপ্বেস করলেন, “এখানে কী করতে চাও, সন্ত?”

সন্ত বলল, “সেদিন আমি যে নৌকায় উঠেছিলাম, তার মাঝির নামটা আমার মনে আছে। বদরু শেখ। তার সঙ্গে একটু কথা বলতে চাই।”

নিখিল মাহাতো বললেন, “সে তো তোমাকে অন্য নৌকোটার তুলে নিয়ে ফিরে এসেছিল। আমি দেখেছি। সে কী জানবে?”

সন্ত বলল, “আমি তাকে একটা নাম জিপ্বেস করব।”

কয়েকটি নৌকার মাঝিরা বসে-বসে বিড়ি খাচ্ছে। তাদের মধ্যে বদরু শেখ নেই।

অন্য মাঝিরা ঠিক কিছু বলতে পারে না। একজন বলল, “এই তো ছিল এখানে। আর-একজন বলল, ওপারে চলে গেল মনে হয়। অন্য একজন বলল, বদরুর নৌকোটা তো রয়েছে দেখছি।”

একটু পরে তাকে পাওয়া গেল একটা চায়ের দোকানে।

সন্তকে দেখেই সে বলল, “আমি এখন ভাড়া যাব না।”

নিখিল মাহাতো পুলিশের পোশাক পরে আসেননি, এমনি প্যান্ট-শার্ট, তাঁকে কেউ চিনতে পারেনি। তিনি বললেন, “কেন, ভাড়া যাবে না কেন?”

বদরু শেখ বলল, “আমার অন্য খদ্দের ঠিক করা আছে।”

নিখিল মাহাতো আবার জিপ্বেস করলেন, “সে খদ্দের কখন আসবে?”

বদরু শেখ বাঁকের সঙ্গে বলল, “সে যখনই আসুক। মোট কথা এখন ভাড়া যাব না। আমার মজি।”

আশপাশে অনেক লোক দেখে সন্ত নিচু গলায় বলল, “ভাড়া না যেতে চান, ঠিক আছে। আপনার নৌকায় বসে একটু কথা বলতে পারি?”

প্রবল বেগে দু’দিকে মাথা নেড়ে সে বলল, “না। ওসব হবে না। আমার সময় নেই।”

নিখিল মাহাতো বললেন, “তা হলে তো তোমায় একবার থানায় বসতে হয়।”

এবারে বদরু শেখ ভয় পেয়ে চোখ বড়-বড় করে বলল, “খানায়?”

সন্ত তার হাত ধরে খুব নরম সুরে বলল, “চলুন না, আপনার নৌকায় গিয়ে একটু বসি।”

এবারে আর বদরু অপ্তি করল না।

নৌকায় ওঠার পর সন্ত বলল, “দু’দিন আগে রাতিরিবেলা আমি আপনার নৌকা ভাড়া নিয়েছিলাম, মনে আছে?”

বদরু বলল, “কত মানুষে ভাড়া নেয়, সবার কথা কি মনে থাকে?”

সন্ত বলল, “মাত্র দু’দিন আগেকার কথা।”

বদরু এক হাত দিয়ে দাড়ি চুলকোতে চুলকোতে বলল, “মনে আছে।”

সন্ত বলল, “আপনি আমাকে মাঝ নদীতে নিয়ে গেলেন, তারপর খানিক বাদে একটা ভাটভটি এল উলটো দিক থেকে।”

বদরু বলল, “আপনারে সে লৌকোয় লামায়ে দিয়ে আমি ফিরে এসেছি।”

সন্ত বলল, “তা ঠিক। অন্য নৌকোয় মাঝি ছাড়াও দু’জন লোক ছিল, আপনি তাদের চেনেন?”

বদরু বলল, “আমি তাদের দেখি নাই, শুনি নাই, চিনব কী করে? অজ্ঞকার ছিল।”

সন্ত বলল, “তাদের মধ্যে একজন আপনার নাম ধরে ডেকেছিল। বলেছিল, এ তো বদরু শেখ। বলেনি?”

বদরু বলল, “কী জানি, শুনি নাই আমি। যদি বা ডেকেও থাকে, সে আমারে চিনলেও আমাকেও কি তাকে চিনতে হবে?”

নিখিল মাহাতো বললেন, “তুমি খুব বিখ্যাত লোক বুঝি? তোমাকে অন্য অনেকে চেনে, তুমি তাদের চেনো না! কে তোমার নাম ধরে ডেকেছিল?”

এবারে বদরু হাউহাউ করে কঁঁদে নিখিল মাহাতোর হাঁটু চেপে ধরে বলল, “আমারে ওপা করেন সার। আমি কিছু জানি না। আমি কোনও কথা বললে ওরা আমাকে মেরে ফেলবে। আমি বড়-বাচ্চা নিয়ে ঘর করি। আমারে ছেড়ে দ্যান সার।”

সন্ত বলল, “সেদিনের ঘটনা বারবার চিন্তা করতে করতে আমার এই ঘটকা লেগেছে। ওদের একজন এই মাঝির নাম জানে। তা হলে এই মাঝিও ওদের নাম জানতে পারে। এর কাছ থেকে ওদের খোঁজ পাওয়া যেতে পারে। একই দলেরও হতে পারে।”

বদরু আবার বলল, “আমি কোনও দলে নাই সার। আমি কিছু জানি না সার।”

নিখিল মাহাতো বললেন, “ওরা তোমাকে ভয় দেখিয়েছে। গুণ্ডা-ডাকাতিরা অনেক মানুষকে ভয় দেখিয়ে বেড়ায়। সবাই যদি ভয় পেয়ে মুখ না খোলো, তা হলে সমাজ-সংসার চলবে কী করে? ওরাই তো রাজত্ব করবে!”

বদরু বলল, “আমারে বিপদে ফেলবেন না সার। দয়া করুন সার।”

নিখিল মাহাতো বললেন, “আমিও তো তোমায় ভয় দেখাতে পারি। থানায় ধরে নিয়ে গিয়ে তোমায় পেটাব। মারতে মারতে অজ্ঞান করে দেব। তাতেও যদি মুখ না খোলো, তোমার নামে চুরি-ডাকাতির মিথ্যে কোর্স দিয়ে ভরে দেব হাজতে। তাতে তোমার বড়-ছেলে-মেয়ে তো আরও বিপদে পড়বে!”

বদরু ফুঁপিয়ে ফুঁপিয়ে কঁাদতে লাগল।

নিখিল মাহাতো বললেন, “বদরু, তুমি ভাল লোক, না খারাপ লোক?”

বদরু মুখ তুলে বলল, “সার, আমি নিরীহ মানুষ, জীবনে কখনও চুরি-জোচ্চুরি, অন্যায়, অপারের কার্য করি নাই বিশ্বাস করেন। আমার দয়ায় এই নৌকা চালিয়ে যা রোজগার হয়, তাতেই আমি সন্তুষ্ট।”

নিখিল মাহাতো বললেন, “তোমার কথায় বিশ্বাস করলাম। তুমি যদি সং মানুষ হও, তবে যারা অসৎ, বদমায়েশ, তাদের ধরিয়ে দিয়ে শাস্তি দেওয়াও তোমার কর্তব্য। তোমার যাতে বিপদ না হয়, আমরা দেখব। এই হেলোটিকে দ্যাখো, তোমার চেয়ে বয়েসে কত ছোট। ও যদি বিপদের ভয় না পায়, তুমি জোয়ান পুরুষ হয়ে এত ভয় পাচ্ছ কেন? কারা ছিল সেই নৌকায়?”

বদরু কাঁয়ের গামছা দিয়ে চোখ মুছে বলল, “একজনকে চিনি। তার নাম বিশাই সামন্ত।”

নিখিল মাহাতো বললেন, “বিশাই সামন্ত। নামটা সেনা-সেনা মনে হচ্ছে। আগে কোনও একটা কেসে বোধ হয় ধরা পড়েছিল। এই বিশাই সামন্তের বাড়ি কোথায়?”

বদরু বলল, “কোথায় বাড়ি তা জানি না। তবে কতকাল

তারে কয়েকবার দেখেছি।”

নিখিল মাথাতে বললেন, “কবুতর ডাঙা? খুব বেশি দূর নয়। আমি এক্ষুনি সেখানে যেতে চাই। খোলো, খোলো, নৌকো খোলো।”

বদর বলল, “সে অতি সাঙ্ঘাতিক লোক সার। সঙ্গে বন্দুক-পিস্তল বাখো। এখন যাবেন না সার। আরও পুলিশ নিয়ে আসেন—”

নিখিল মাথাতে অস্থিরভাবে বললেন, “না, না, দেরি করার উপায় নেই। যত সময় নষ্ট হবে ততই বিপদ বাড়বে। কী সন্ত, তুমি এক্ষুনি কবুতর ডাঙায় যাওয়া উচিত মনে করো না? তুমি রাজি?”

সন্ত বলল, “হ্যাঁ, রাজি।”

১১১

কাকাবাবুর হাত বাঁধা, পা দুটোও বাঁধা। দু'জন লোক কাকাবাবুকে প্রায় চ্যালেঞ্জ করে বয়ে নিয়ে এল।

লম্বা বারান্দার একেবারে শেষে একটা ঘর। এই ঘরটাত্তই সাজানো রয়েছে কয়েকটা কম্পিউটার ও নানারকম যন্ত্র। টেবিলের ওপাশে বসে আছে শম্ভুচূড়। এখন সে পত্র আছে একটা রঙিন প্রেসিং গাউন। তার পাশে রয়েছে একটা মস্ত বড় কুকুর।

লোক দুটি কাকাবাবুকে বসিয়ে দিল একটা চেয়ারে।

শম্ভুচূড় বলে উঠল, “আরে ছি ছি, ভদ্রলোককে ওইভাবে নিয়ে এসেছ? উনি কি অসুস্থ না বাত্যা ছলে? হাঁটিয়ে আনতে পারেনি?”

একজন বলল, “আপনি তো অর্ডার দেননি সার।”

শম্ভুচূড় বলল, “উনি দারুণ চালাক লোক। তোমাদের জন্ম করতে পারেন বলে অন্য সময় হাত-পা বেঁধে রাখতে বলেছি। তা বলে আমার সামনে ওইভাবে নিয়ে আসবে? দাঁও, দাঁও, হাত, পা খুলে দাঁও।”

লোক দুটি সঙ্গে সঙ্গে শিকলের বাঁধন খুলে নিল।

শম্ভুচূড় একজনকে জিজ্ঞেস করল, “ওঁকে কিছু খেতে দিয়েছ তো?”

সে আমতা আমতা করে বলল, “আপনি কিছু বলেননি—”

শম্ভুচূড় ধমক দিয়ে বলল, “বলিনি মানে কী? আমি কি কখনও অর্ডার দিয়েছি যে, অতিথিদের না খাইয়ে রাখবে? কিছু না খেলে দুর্বল হয়ে পড়বে, তাতে কোনও কাজ হবে না। যাও, শিগগির খাবার নিয়ে এসো—।”

লোক দুটো চলে যাওয়ার পর শম্ভুচূড় বলল, “সরি মিস্টার রায়চৌধুরী, খুব বিদে পেয়েছে নিশ্চয়ই?”

কাকাবাবু বললেন, “আমি কি আপনার অতিথি?”

শম্ভুচূড় বলল, “এক হিসেবে অবশ্যই। গভর্নমেন্ট যাদের জেলখানায় ভরে রাখে, তারাও তো গভর্নমেন্টের অতিথি। তাদের দু'বেলা খাবার দেওয়া হয় না?”

কাকাবাবু বললেন, “হ্যাঁ, ফাঁসি দেওয়ার আগেও খাবার দেওয়া হয়।”

হা-হা করে হেসে উঠল শম্ভুচূড়।

হাত নাড়তে নাড়তে বলল, “না, না, আমি আপনাকে ফাঁসি দিতে চাই না মোটেই। আগেই তো বলেছি, আপনাকে ছেড়ে দেব। তার আগে আপনাকে শুধু একটা ছোট কাজ করে দিতে হবে।”

কাকাবাবু বললেন, “ছোট কাজের জন্য তো আমাকে দরকার হয় না।”

শম্ভুচূড় বলল, “একাজটা শুধু আপনিই পারবেন। এ-রাজ্যের হোম সেক্রেটারি মিস্টার এম এম রায় তো আপনার খুব ভক্ত, তাই না?”

“হ্যাঁ, ওঁর সঙ্গে আমার পরিচয় আছে।”

“আপনাকে আমরা কলকাতায় রাইটার্স বিল্ডিংসের সামনে নামিয়ে দেব। আপনি ভেতরে ঢুকে যাবেন।”

“রাইটার্স বিল্ডিংসের মধ্যে ঢুকে যাব? সেখানে তো আমি নিরাপদ। তারপর আর আপনার কাজ করতে যাব কেন?”

“করবেন, করবেন, করতেই হবে। কাজটাও খুব সহজ। এম এম রায়ের কাছে একটা ইলেকট্রনিক নোটবুক আছে। সেটা আপনি চেয়ে

নেবেন।”

“ইলেকট্রনিক নোটবুক? নিশ্চয়ই খুব গোপন ব্যাপার। সেটা তিনি আমাকে দেবেন কেন?”

“দেবে, দেবে, আপনাকেই একমাত্র বিশ্বাস করে দিতে পারে। সেটা নিয়ে এসে আপনি আমার হাতে তুলে দেবেন, তা হলেই আপনার ছুটি হয়ে যাবে, মিস্টার রায়চৌধুরী।”

“এবার বলুন তো মিস্টার শম্ভুচূড়, আপনার এই কাজটা আমি করতে বাধ্য হব কেন?”

“আপনাকে তো আমি আগেই বলেছি, এখন আপনি আমার হাতের পুতুল। একবার নিজের পিঠে হাত দিয়ে দেখুন তো।”

কাকাবাবু আগেই অনুভব করছিলেন তাঁর পিঠে কী যেন একটা লেগে আছে। এবার হাত দিয়ে দেখলেন, তাঁর জামার নীচে বাঁধা আছে একটা চাকতি।

শম্ভুচূড় মিটিমিটি হেসে বলল, “ওটা কী জানেন? আর ডি এক্স-এর কথা জানেন নিশ্চয়ই। ওটা প্রায় সেইরকমই আমারই আবিষ্কার করা প্রচণ্ড এক বিস্ফোরণ। কাল পুতুলটাকে যেরকম উড়িয়ে দিলাম, সেইরকম। আমি রিমোট কন্ট্রোল টিপলেই আপনি ঠিক সেইরকম ছিন্নভিন্ন হয়ে যাবেন। আপনার হাত, পা, ধড়, মাথা এমন টুকরো টুকরো হয়ে যাবে যে, আপনাকে আর চেনাই যাবে না।”

কাকাবাবু কয়েক মুহূর্ত চুপ করে থেকে বললেন, “কিন্তু মাঝখানে যদি দেওয়াল থাকে, তাতেও রিমোট কন্ট্রোল কাজ করে? আমি থাকব রাইটার্স বিল্ডিংসের তিনতলায়, আপনি থাকবেন বাইরে, অতদূর থেকে আপনি কী করে আমার মারবেন?”

“এটা এত শক্তিশালী যে, এক মাইল দূর থেকেও কাজ করবে।”

“কিন্তু ঘরের মধ্যে আমি কী করছি, তা তো আপনি দেখতে পারবেন না। ঘরে ঢুকেই যদি হোম সেক্রেটারিকে সব জানিয়ে পিঠের জিনিসটা খুলে ফেলি?”

“সে-কথা কি আমি ভাবিনি রাজা রায়চৌধুরী? আমি এত বোকা? প্রথম কথা, ওটা খুলতে যাওয়াই খুব বিপজ্জনক। তাতে আপনিও মরবেন, যে খুলতে যাবে, সেও মরবে। দ্বিতীয় কথা, ঘরের মধ্যে আপনি কী করছেন, তা দেখতে না পেলেও কাকে কী বলছেন, সব শুভেতে পাব।”

“কী করে শুনবেন?”

“এমন কিছুই শক্ত নয়। এবার দেখুন, আপনার জামার নীচে বুকের সঙ্গে একটা ছোট বোতাম আটকানো আছে। ওটা একটা মাইক্রো-রিসিভার। আপনি যেখানে বসে যা কথা বলবেন, সব আমি শুভেতে পাব। সব রেকর্ডও হয়ে যাবে। প্রমাণ চান?”

সে একটা যন্ত্রের সুইচ টিপলেই শোনা গেল কাকাবাবুর গলা। এই একটু আগে তিনি ওই লোকটির সঙ্গে যা কথা বলছিলেন, সব রেকর্ড হয়ে গেছে।

যন্ত্রটা বন্ধ করে শম্ভুচূড় বলল, “অর্থাৎ এখন আপনি একটি মানব-বোমা। আপনার ব্যবহারে কোনও গণ্ডগোল দেখলেই আপনাকে আমি উড়িয়ে দিতে পারি।”

কাকাবাবু আবার একটুক্ষণ চুপ করে রইলেন।

তারপর জিজ্ঞেস করলেন, “আপনি আমাকে রাইটার্স বিল্ডিংসে পাঠানো। হোম সেক্রেটারির ঘরে। সেখানে আমাদের দু'জনকেই যে একসঙ্গে উড়িয়ে দিতে চান কি না, তা বুঝব কী করে? রাইটার্স বিল্ডিংসেরও ক্ষতি করতে পারেন।”

শম্ভুচূড় বলল, “তাও পারি ঠিকই। কিন্তু ওই যে ইলেকট্রনিক নোটবুকের কথা বললাম, সেটা ফেরত পাওয়াটাই আমার কাছে সবচেয়ে জরুরি। ওটা আমার চাই-ই চাই। আর সেটা আপনাকেই এনে দিতে হবে।”

একজন মুখোশধারী এই সময় খাবার নিয়ে এল ট্রে-তে করে। একটা ডিমসেজ, গোট্টাচারেক টোস্ট, দুটো সন্দেশ, এক কাপ কফি ও এক গেলাস জল।

কাকাবাবুর সত্যিই বিদে পেয়েছে। এ-পর্যন্ত শুধু এক কাপ কফি ছাড়া আর কিছুই খাননি। এখন তিনি প্রথমেই ডিমটা দুটুকরো করে

একটা টুকরো মুখে পুরে দিলেন।

অন্য টুকরোটাও খেয়ে নিয়ে তিনি তুলে নিলেন একটা টোস্ট। তারপর বললেন, “তা হলে যা বুঝতে পারছি, আপনার কথা শুনতেই হবে, নইলে আমাদের মরতে হবে।”

শম্ভুচাঁদ বলল, “এই তো ঠিক বুঝছেন। হঠাৎ গোঁয়ারের মতন মারামারি করার চেষ্টা করে কেনও লাভ নেই। আপনার পিঠে যা বাঁধা আছে, তা ছুরি বা বন্দুক-পিস্তলের চেয়েও অনেক বেশি ডেঞ্জারাস। ছুরি কিংবা গুলি ঠিকমতন গায়ে না লাগতেও পারে, কিন্তু রিমোট কন্ট্রোল একেবারে নির্ভুল। চোখের নিম্নেই আপনি শেষ হয়ে যাবেন।”

কাকাবাবু বললেন, “কিন্তু একটা ব্যাপার এখনও বুঝতে পারিনি। ইলেকট্রনিক নোটবুক জিনিসটা কী? সেটা এত মূল্যবান কেন? এসব না জানলে আমি হোম সেক্রেটারির কাছে সেটা চাইব কী করে?”

শম্ভুচাঁদ বলল, “ইলেকট্রনিক নোটবুক একটা ডায়েরির মতন। ডায়েরিতে যেমন হাতে লিখতে হয়, এতে তা হয় না, কি-বোর্ডে টাইপ করলে সব মেমরিতে বসে যায়।”

কাকাবাবু বললেন, “অর্গানাইজার?”

শম্ভুচাঁদ বলল, “তারও উন্নত সংস্করণ। আমার আবিষ্কার। আমাদের একজন লোক ধরা পড়েছে, পুলিশ তার কাছ থেকে এটা কেড়ে নিয়েছে। অবশ্য এতে কী লেখা আছে, তা পুলিশ এখনও কিছুই বুঝতে পারেনি, কারণ সবই কোডে লেখা। আমরা খবর পেয়েছি, দিল্লি থেকে দুজন এক্সপার্ট আসছে সেই কোড উদ্ধার করার জন্য। তার আগেই সেটা আমার ফেরত চাই। যে-কোনও মূল্যে।”

কাকাবাবু বললেন, “এটা যদি এতই মূল্যবান জিনিস হয়, তা হলে হোম সেক্রেটারি আমাকে দেবেন কেন?”

শম্ভুচাঁদ বলল, “আপনি একদিনের জন্য চেয়ে নবেন। আপনিও যে একজন সাক্ষাতিক লিপি পাঠ করার এক্সপার্ট তা অনেকেই জানে। এর আগে অনেক শক্ত-শক্ত কোড পড়ে ফেলেছেন।”

কাকাবাবু জিজ্ঞাস করলেন, “আপনার লোকটি কোথায় ধরা পড়েছে?”

শম্ভুচাঁদ বলল, “নিউ জলপাইগুড়ি রেল স্টেশনে। তার পেট থেকে অবশ্য কোনও কথা বার করার উপায় নেই। সে এর মধ্যেই খুন হয়ে গেছে জেলখানার ভেতরে। ইলেকট্রনিক নোটবইটা পরীক্ষা করার সুযোগ আপনাকেও দেওয়া হবে না। সেটা পাওয়ার পরই সোজা নিয়ে আসবেন আমার কাছে। অন্য কারও হাতেও দেওয়ার দরকার নেই।”

কাকাবাবু একটা সন্দেহ খাওয়ার পর জলের গেলাসটা হাতে নিতে যেতেই শম্ভুচাঁদ ঝুঁকে নিজেই গেলাসটা তুলে নিল।

কাকাবাবু অবাক হয়ে তার দিকে তাকাতেই সে বলল, “জল খেতে হবে না, কফি খান। ঠাণ্ডা হয়ে যান্বে।”

মস্ত বড় কুকুরটা একটা হাই তুলে উঠে দাঁড়াল। তারপর কাকাবাবুর কাছে চলে এসে গন্ধ শুকতে লাগল চারপাশে ঘুরে-ঘুরে।

কাকাবাবু কুকুরটার দিকে পলক চেয়ে থেকে তার মাথায় হাত দিয়ে আদর করলেন।

শম্ভুচাঁদ চেঁচিয়ে বলল, “ওর গায়ে হাত দেবেন না। ও দারুণ হিংস্র।”

কাকাবাবু বললেন, “কুকুররা আমায় ভালবাসে। আমাদের বাড়িতেও কুকুর আছে।”

সত্যিই কাকাবাবু কুকুরটাকে আদর করায় সে কোনওরকম হিংস্রতা দেখাল না।

শম্ভুচাঁদ ডাকল, “টবি, টবি, কাম হিয়ার।”

কুকুরটা ফিরে গেল তার মালিকের কাছে।

কাকাবাবু আর-একটা সন্দেহও খেয়ে নিয়ে বললেন, “এটাও যেন ঠিক ফাঁসির খাওয়া। ইলেকট্রনিক ডায়েরিটা এনে দিলেই আপনি আমাকে মেরে ফেলবেন, তাই তো?”

শম্ভুচাঁদ বলল, “কেন, মারব কেন? বলেছিই তো, এই কাজটা

করে দিলেই আপনাকে মুক্তি দেব।”

কাকাবাবু বললেন, “কেন, মুক্তি দেবেন কেন? মুক্তি পেলেই তো আমি পুলিশকে সব জাদিয়ে দেব। আমাকে বাঁচিয়ে রেখে তো আপনার কোনও লাভ নেই।”

শম্ভুচাঁদ বলল, “আপনাকে সত্যিই মারব না। আমাকে যারা এই কাজের তার দিয়েছে তাদের ইচ্ছে আপনাকে ছেড়ে দেওয়া হোক। ইলেকট্রনিক নোটবুকটা ফেরত পাওয়ার তিনদিন পরই সাঙ্ঘাতিক সব কাণ্ড শুরু হয়ে যাবে এই রাজ্যে। তখন দেখতে পাবেন শম্ভুচাঁদের আসল খেলা। তার মধ্যেই আমি রটিয়ে দেব, এক কোটি টাকার বিনিময়ে রাজা রায়চৌধুরী হোম সেক্রেটারির চোখে ধুলো দিয়ে ওই নোটবুকটা আমাদের হাতে তুলে দিয়েছেন। আপনি হয়ে যাবেন চোর, লোভী, বিশ্বাসঘাতক। সবাই আপনাকে ছি ছি করবে। বাকি জীবনটা আপনাকে এই বদনাম দিয়ে কাটাতে হবে।”

বাইরে কোথাও একটা কুকুরের ডাক শোনা যেতেই এ ঘরের কুকুরটা বিকট শব্দে ঘেঁউ-ঘেঁউ করে উঠল।

শম্ভুচাঁদ তাকে সামলে নিয়ে বলল, “তা হলে আর দেরি করে লাভ নেই। এবার বেরিয়ে পড়তে হবে। রাজা রায়চৌধুরী, মনে রাখবেন, আপনার প্রাণ আমার হাতের মুঠোয়। আমার কথায় এক চুল এদিক-ওদিক হলে সঙ্গে-সঙ্গে আপনি ধ্বংস হয়ে যাবেন।”

১১ ১২ ১১

গাড়িটার কাচ কালো রঙের। কাকাবাবুর চোখ বাঁধা, হাত বাঁধা। গাড়িটা কোন রাস্তা দিয়ে যাচ্ছে, তা কাকাবাবুর পক্ষে বোঝার কোনও উপায় নেই।

একটু বোঝা গেছে, পেছনের সিটে তাঁর পাশে বসে আছে একজন, আর সামনে ড্রাইভারের পাশে বসে আছে আর একজন। আর ওদের মাঝখানে টবি নামের কুকুরটা। এই লোক দুজনের একজন শম্ভুচাঁদ নিজে কি না তা বোঝা যাচ্ছে না।

কাকাবাবু বসে আছেন শক্ত হয়ে কাঠের মতন। তাঁকে হেলান দিয়ে বসতে বাধ্য করা হয়েছে।

এরকম আবশ্রুতিতে তিনি জীবনে কখনও পড়েননি। তিনি অন্যের হাতের পুতুল। মুক্তি পাওয়ার কোনও চেষ্টা করাও ব্য্থ।

একটু বাদে তাঁর পাশের লোকটি চেঁচিয়ে বলল, “এই যে, চুলছেন নাকি? খবরদার ঘুমোতে পারবেন না। ঘুমোতে দেখলেই কিন্তু আমি কান ধরে টেনে জাগিয়ে দেব।”

কাকাবাবু আপন মনে বললেন, “সেই ইকুলে পড়বার সময় অঙ্কের মাস্টারমশাই একদিন আমার কান মলে দিয়েছিলেন। তারপর এত বছরে আর কেউ আমার কানে হাত দেয়নি।”

লোকটি বলল, “একবার কান মলে দিলেই তক্ষুনি একেবারে ঘুম ভেঙে যায়।”

সামনে থেকে ড্রাইভারটি বলল, “আমাদের মতন ড্রাইভারদের যখন গাড়ি চালাতে চালাতে হঠাৎ ঘুম আসে, তখন আমরা নিজেরাই নিজেদের কান মলে দিই ভাল করে।”

টবি হঠাৎ ঘেঁউ-ঘেঁউ করে উঠল। নিশ্চয়ই রাস্তায় কোনও কুকুর দেখেছে।

পাশের লোকটি বলতে লাগল, “টবি, টবি, নো, নো।”

বানবান শব্দ শুনে কাকাবাবু বুঝলেন, টবির গলায় চেনা বাঁধা। কুকুরটা তবু হিংস্রভাবে ডেকেই চলেছে। কাকাবাবুর ইচ্ছে হল, ওর মাথায় হাত বুলিয়ে আদর করতে। কিন্তু তাঁর হাত যে বাঁধা।

ড্রাইভার আর অন্য দুজন লোকের গলার আওয়াজ শুনে কাকাবাবু বুঝলেন, শম্ভুচাঁদ নিজে আসেনি।

এদের মধ্যে রিমোট কন্ট্রোলটা কার কাছে?

গাড়িটা চলছে, কিন্তু শব্দ সবাই চুপচাপ।

একটু পরে ড্রাইভার বলল, “এই রে, সামনের রাস্তায় ভল ভল আছে। কাল সারারাত বৃষ্টি হলে।”

সামনের সিটের লোকটি বলল, “থামাও, থামাও, গাড়ি থামাও।” ড্রাইভার বলল, “বোশি জল নয়, ওপর দিয়ে চলে যেতে পরব।”

সামনের লোকটি বলল, “না, না, না, জলের ওপর দিয়ে গাড়ি চালালে নিষেধ আছে। ব্যাক করো, ব্যাক করো।”

ড্রাইভারটি বলল, “অন্য গাড়ি তো যাচ্ছে, অসুবিধে হবে না।”

এবারে সামনের লোকটি কঠোরভাবে বলল, “বললাম না, জলের ওপর দিয়ে যাওয়ার অর্ডার নেই। খানিকটা ব্যাক করো, ষাঁ দিক দিয়ে একটা সরু রাস্তা আছে—।”

এর মধ্যে পেছনে অন্য গাড়ি এসে গেছে। একজন লোক নেমে গিয়ে সেইসব গাড়ি সরিয়ে এ-গাড়ীকে ব্যাক করানো হল। তারপর ঢুকে পড়ল একটা গলিতে।

যে নিচে নেমেছিল সে গাড়িতে উঠে পড়ে বলল, “এই জ্যামের মধ্যে গাড়ি ব্যাক করানোর কত খামেলা। ওইটুকু জলের ওপর দিয়ে চলে গেলে কী হত?”

অন্যজন বলল, “শাট আপ। সারের অর্ডারের ওপর কোনও কথা নয়।”

কাকাবাবু বললেন, “আমাদের পৌছতে কতক্ষণ লাগবে?”

অন্য লোকটি আবার বলল, “শাট আপ। কোনও প্রশ্নের উত্তর দেওয়া হবে না।”

গাড়ীটা আস্তে চলছে, মাঝে-মাঝে থেমে যাচ্ছে, মনে হয় রাস্তায় কিছুটা জ্যাম আছে। এক জায়গায় গাড়ীটা কয়েক মিনিট থামার পর কাকাবাবু একটা ট্রেনের শব্দ শুনতে পেলেন। তার মানে, এ-জায়গাটা সেভেল ক্রসিং।

আবার কিছুক্ষণ চলার পর গাড়ি থামল। দরজা খুলে নেমে গেল ওদের একজন। টবিও আবার ঘেঁড়-ঘেঁড় করতে শুরু করেছে।

গাড়ির দরজা খোলা-বন্ধের শব্দ পেয়ে কাকাবাবু বুঝলেন, লোকটি ফিরে এসেছে। তারপর ওরা কী যেন খেতে শুরু করল।

একজন বলল, “টবিকে একটা সে। টবি মিষ্টি খেতে ভালবাসে।”

অন্যজন বলল, “রায়টৌথুরীকেও একটা দিবি নাকি?”

তার সঙ্গী বলল, “এ-ব্যাপারে কোনও অর্ডার নেই। তবে, সার তো নিজেই ওকে খাবার খাইয়েছেন।”

অন্যজন কাকাবাবুকে একটু ঠেলা দিয়ে জিজ্ঞেস করল, “এই যে, একটা মিষ্টি খাবেন?”

কাকাবাবু মাথা নেড়ে বললেন, “না।”

সে বলল, “খেয়ে দেখুন না, ভাল মিষ্টি।”

সে জোর করে কাকাবাবুর মুখে কিছু একটা ঢেপে ধরল। কাকাবাবু বাধ্য হয়ে একটুখানি খেলেন। তাঁর ভালই লাগল, খেয়ে নিলেন সবটা।

এর পর গাড়ি চলতে লাগল অনেকক্ষণ ধরে, না থেমে।

কাকাবাবুর সতিই ঘুম এসে যাচ্ছে। কিন্তু হেলান দেওয়ার উপায় নেই। পিঠে যে জিনিসটা ঝাঁপ, সেটা মনে হচ্ছে ভারী হয়ে উঠছে ক্রমশ।

একবার তিনি সামনের দিকে তুলে পড়তেই পাশের লোকটি তাঁর একটা কান চেপে ধরল।

কাকাবাবু বললেন, “দাঁও, ভাল করে কানটা মলেই দাঁও, আমি ঘুমাতে চাই না।”

সামনের লোকটি বলল, “আর-একটা মিষ্টি খাবেন?”

কাকাবাবু এবারে আর আপত্তি না করে বললেন, “দাঁও।”

সেটা খেতে তিনি একটু জল চাইলেন। লোকটি বলল, “গাড়িতে জলের বেতল নেই। এখন আর থামাও যাবে না, দেরি হয়ে যাবে।”

ক্রমশ রাস্তায় অন্য গাড়ির হর্নের আওয়াজ বাড়তে লাগল। তারপর ট্রামের আওয়াজ পেয়ে কাকাবাবু বুঝলেন, গাড়ীটা কলকাতা শহরে এসে পড়েছে।

এবারে পাশের লোকটি তাঁর চোখের বাঁধন আর হাতের শিকল খুলে দিল।

দু’পাশে কালো কাচ, সামনের দিকে তাকিয়ে কাকাবাবু বুঝলেন, গাড়ীটা ছুটছে ময়দানের মধ্য দিয়ে। পাশ দিয়ে যাচ্ছে আলিপুরের ট্রাম।

গাড়ীটা লালদিঘি ঘুরে এসে থামল রাইটার্স বিল্ডিংয়ের সামনে।

পাশের লোকটি দরজা খুলে বলল, “নামুন।”

কাকাবাবু বললেন, “আমার ক্রাচ কোথায়? ক্রাচ না পেলে আমি ইটতে পারব না।”

লোকটি বলল, “ক্রাচ আনা হয়েছে। আধঘণ্টার মধ্যে অবশ্যই ফিরবেন, আমি এখানে অপেক্ষা করব। আমাদের সার কী বলে দিচ্ছেন শুনুন। আপনাকে শেখারের মতন সাবধান করে দিচ্ছি। আপনি মুখে যা বলবেন, সব আমরা শুনতে পাব। আপনি লিখে-লিখে কিছু জানাবার চেষ্টা করলেও কোনও লাভ হবে না। আপনার পিঠ থেকে ওই জিনিসটা খোলার চেষ্টা করলে আপনি কিছুতেই বাঁচবেন না। সঙ্গে-সঙ্গে রিমেট কন্ট্রোল চালু হয়ে যাবে। আপনি ছাড়ু হয়ে যাবেন। আধঘণ্টার বেশি দেরি হলেও তাই হবে।”

কাকাবাবু বললেন, “হোম সেক্রেটারি যদি এখন ঘরে না থাকেন?”

লোকটি বলল, “তা হলে ফিরে আসবেন সঙ্গে-সঙ্গে। পরে আবার চেষ্টা করা হবে।”

কাকাবাবু বুঝতে পারলেন, এরা সবদিক ভেবে রেখেছে। হোম সেক্রেটারিকে লিখে জানাবার কথাটা তাঁরও মনে এসেছিল। জানালেন এই বিপদ থেকে উদ্ধার পাওয়ার সময় মিলবে না।

একতলার অভ্যর্থনাকক্ষে গিয়ে কাকাবাবু হোম সেক্রেটারির সঙ্গে দেখা করতে চাইলেন। সেখানকার একজন বলল, “আপনার অ্যাপয়েন্টমেন্ট আছে? নেই? তা হলে আজ দেখা হবে না। উনি সারাদিন ব্যস্ত থাকবেন।”

কাকাবাবু বললেন, “হোম সেক্রেটারি মুগাঙ্ক আমার ভাই। আমি বিশেষ দরকার এসেছি। ওকে আমার নামটা শুধু বলুন, তাতেই কাজ হবে।”

কর্মচারীটি টেলিফোনে হোম সেক্রেটারির সঙ্গে একটু কথা বলেই ফোন রেখে দিল। তারপর ব্যস্ত হয়ে বলল, “হ্যাঁ, হ্যাঁ, উনি এক্ষুনি আপনার সঙ্গে দেখা করতে চান। আপনি লিফটে উঠে চলে যান।”

লিফটে অনেক লোক উঠে পড়েছে, কাকাবাবু প্রথমবার উঠলেন না। অন্যদের সঙ্গে যদি ধাক্কাধাক্কি হয়, তাতেও তিনি ভয় পাচ্ছেন।

লম্বা বারান্দা দিয়ে ক্রাচ নিয়ে ইটতে লাগলেন কাকাবাবু। দু-চারজন লোক তাকে চিনতে পরে নমস্কার করল।

কাকাবাবু মনে-মনে ভাবলেন, আমি যে একটি সাম্প্রতিক মানব-বোমা। তা কেউ বুঝতে পারছে না।

হোম সেক্রেটারি মুগাঙ্কমৌলি রায় ব্যস্ত হয়ে ঘরের বাইরে এসে দাঁড়িয়ে আছেন। কাকাবাবুকে দেখেই বললেন, “কী ব্যাপার রাজাদা, আপনি কোথায় ছিলেন? আপনাকে খুঁজে পাওয়া যাচ্ছে না। মুখামুখীও আপনার জন্য চিন্তিত।”

কাকাবাবু বললেন, “চলো, তোমার ঘরে বসে বলছি।”

হোম সেক্রেটারির ঘরে আর একজন লোক বসে আছেন। পুরোদস্তুর পুলিশের পোশাক পরা।

হোম সেক্রেটারি কাকাবাবুকে বললেন, “এঁর সামনে সব বলতে পারবেন। ইনি ডি আই জি শামসুল আলম।”

আলম হাতজোড় করে নমস্কার করে বললেন, “আমি আপনাকে অনেকবার দেখেছি।”

কাকাবাবুও নমস্কার করে বললেন, “আগে এক গেলাস জল খাওয়াও। খুব তেষ্টা পেয়েছে।”

ঢক-ঢক করে পুরো গেলাস জল খেয়ে ফেলার পর কাকাবাবু জিজ্ঞেস করলেন, “আগে বলো, দেবলীনার কী খবর?”

মুগাঙ্কমৌলি বললেন, “তাকে তো মাঠের মধ্যে পাওয়া গেছে। গাড়িতে অজ্ঞান হয়ে পড়ে ছিল। ড্রাইভারেরও একই অবস্থা। ওরা দু’জনেই বলেছে, গাড়ির জানলা দিয়ে একজন ফুসফুস করে কী একটা গ্যাস স্প্রে করে দিল। সঙ্গে-সঙ্গে অজ্ঞান। তারপর কী হয়েছে কিছু জানে না।”

কাকাবাবু বললেন, “কী আশ্চর্য, ওরা দেবলীনাকে কিছু করল না। শুধু আমাকে অজ্ঞান অবস্থায় ধরে নিয়ে গেল।”

মুগাঙ্কমৌলি জিজ্ঞেস করলেন, “কোথায় ধরে নিয়ে গেল?”

কাকাবাবু বললেন, “তা তো জানি না। বুঝতে পারিনি।”

আলম বললেন, “হ্যাঁ এ-রাজ্যে অব্যবস্থাক্রমের কেস খুব বেড়ে গেছে। এই মুহূর্তে একত্রিশ জনকে পাওয়া যাচ্ছে না। এদের মধ্যে যেমন বয়স লোক আছে, তেমনই অল্পবয়সী ছেলে-মেয়েও আছে। এক-একজনের জন্য পাঁচ লাখ, দশ লাখ মুক্তিপণ চাওয়া হয়েছে।”

মৃগাক্ষমৌলি বললেন, “এসব একই দলের কাজ না আলাদা আলাদা দল, তাও ঠিক বোঝা যাচ্ছে না। কোনও চিন্তিতে লেখা শব্দচূড়, কোনওটাতে রক্তম, কোনওটাতে ভ্যাম্পায়ার। তবে চিঠির ধরনগুলো একই রকম।”

কাকাবাবু বললেন, “আমার মতন একজন খোঁড়া লোককে ধরে নিয়ে গিয়ে ওরা ভুল করেছিল। আমি ওদের বললাম, আমার মুক্তিপণের দশ লাখ, পাঁচ লাখ দূরে থাক, কেউ এক টাকাও দেবে না।”

আলম বললেন, “এই শুনেই আপনাকে ওরা ছেড়ে দিল?”

কাকাবাবু বললেন, “তা কি আর দেয়! কিছু অত্যাচারট্যাচার করবে ভেবেছিল।”

মৃগাক্ষমৌলি বললেন, “আপনাকে ওরা চিনতে পারেনি? আপনিই যে বিখ্যাত কাকাবাবু, রাজা রায়চৌধুরী।”

কাকাবাবু বললেন, “তা জানত বোধ হয়। তবে অনেকবার তো দেখলাম, আমাকে কেউ বেশিদিন আটকে রাখতে পারেন না।”

মৃগাক্ষমৌলি বললেন, “আপনাকে আটকাতে কার সাধ্য।”

মৃগাক্ষমৌলির সামনে টেবিলের ওপর একটা খাতার সাইজের চৌকো জিনিস রয়েছে।

সেটার দিকে তাকিয়ে কাকাবাবু বললেন, “আয়ি কী করে পালালাম, সেসব কথা বিস্তারিতভাবে পরে বলব, এখন বাড়ি গিয়ে ভাল করে ঘুমনো দরকার। দেবলীনার সঙ্গেও একবার দেখা করতে হবে। তোমার কাছে আগে এসেছি অন্য কারণে। এইটাই কি সেই জিনিস?”

মৃগাক্ষমৌলি বললেন, “সেই জিনিস মানে? আপনি এটার সম্পর্কে কিছু জানেন? আমরা এটার কথা ব্যাসস্তব গোপন রাখার চেষ্টা করেছি।”

কাকাবাবু বললেন, “এটা যার কাছে পাওয়া গেছে, সে ধরা পড়েছিল নিউ জলপাইগুড়ি স্টেশনে। তারপর সে খুন হয় জেলের মধ্যে। এ-খবর তো বেরিয়েছে দিল্লির এক কাগজে।”

আলম বললেন, “তাই নাকি? দেখিনি তো। কলকাতার কাগজে কিছু বেরায়নি। লোকটির কাছ থেকে কোনও কথাই বার করা যায়নি। কিন্তু তার মুখ চোখ দেখে মনে হয়েছিল, এই জিনিসটা তার কাছে খুবই দামি।”

কাকাবাবু জিজ্ঞেস করলেন, “লোকটি খুন হল কী করে?”

আলম বললেন, “খুন না আত্মহত্যা, সেটাও ঠিক বোঝা যাচ্ছে না।”

মৃগাক্ষমৌলি বললেন, “এটা একটা অর্গানাইজার। খুবই আধুনিক ধরনের। পার্সোনাল কম্পিউটারের সঙ্গে লিঙ্ক করা যায়। জলপাইগুড়ি থেকে এটা পুলিশের গাড়িতে আনবার সময় কোনও একটা দল এটা কেড়ে নেওয়ার চেষ্টা করেছিল। গাছের গুঁড়ি দিয়ে আটকে দিয়েছিল রাস্তা। তারপর বোমা ছুড়তে ছুড়তে এগোচ্ছিল। দেবাং সেই সময় আর-একটা পুলিশের গাড়ি এসে যায় উলটো দিক থেকে। আমাদের পুলিশের গুলিতে ওদের একজন মারাও যায়। সেইজন্যই এটাকে এত সাবধানে রাখা হয়েছে।”

আলম বললেন, “এর মেমরিতে অনেক তথ্য ঠাসা আছে। তার কিছু বার করতেও পেরেছি। কিন্তু কিছুই মানে বোঝা যাচ্ছে না। শুধু কিছু অক্ষর আর সংখ্যা।”

মৃগাক্ষমৌলি বললেন, “এটা বোঝা যাচ্ছে, কোনও সাংকেতিক ভাষায় কিছু তথ্য রয়েছে। এটাকে দিল্লিতে পাঠাতেও ভরসা পাচ্ছি না। যদি মাঝপথে খোয়া যায়! তাই দিল্লি থেকে দু'জন এক্সপার্ট আসছেন—”

কাকাবাবু বললেন, “দিল্লি থেকে এক্সপার্ট আনতে হবে? এখানে কেউ পারবে না?”

মৃগাক্ষমৌলি বললেন, “এখানে কয়েকজন তো অনেক চেষ্টা করে দেখল, কেউ—।” বলতে বলতে থেমে গেলেন মৃগাক্ষমৌলি। তারপর লজ্জা পেয়ে গিয়ে বললেন, “আপনিই তো রয়েছেন। আপনি এর আগে কত সাংকেতিক লিপি উদ্ধার করেছেন, এমনকী, ইঞ্জিনের পিরামিডের মধ্যে হিরোরোমিফিস্ট পর্যন্ত— আপনার কথা মনে পড়েনি।”

আলম বললেন, “উনি তো এখানে ছিলেন না।”

কাকাবাবু বললেন, “পারব কিনা জানি না, তবু একবার চেষ্টা করে দেখতে পারি। দেখব?”

মৃগাক্ষমৌলি সেটা কাকাবাবুর হাতে তুলে গিয়ে ব্যগ্রভাবে বললেন, “দেখুন না, দেখুন না—।”

কাকাবাবু জিনিসটা ঘুরিয়ে-ফিরিয়ে দেখতে-দেখতে আপনমনে বললেন, “২৫৬ কে বি মেমরি। প্রচুর জিনিস থাকতে পারে। কিন্তু এখানে তো হবে না। বাড়িতে গিয়ে ঠাণ্ডা মাথায় দেখা দরকার। এটা আমি বাড়িতে নিয়ে যেতে পারি?”

মৃগাক্ষমৌলি আড়ষ্টভাবে বললেন, “সেটা তো সম্ভব নয়, রাজাদা।”

কাকাবাবু বললেন, “সম্ভব নয়? কেন?”

মৃগাক্ষমৌলি বললেন, “বগ সিকিউরিটি। চিফ মিনিস্টারের অর্ডার ছাড়া এটা কোনওক্রমেই বাইরে নেওয়া যাবে না।”

আলম বললেন, “চিফ মিনিস্টার এখন দিল্লিতে।”

কাকাবাবু বললেন, “তোমরা কি আমাকে বিশ্বাস করতে পারো না?”

মৃগাক্ষমৌলি বললেন, “বিশ্বাসের প্রশ্ন নয়। রাজাদা, আপনাকে আমি অবিশ্বাস করতে পারি? কিন্তু আমাদের ওপর যা অর্ডার আছে।”

কাকাবাবু ঘড়ির দিকে তাকালেন। এর মধ্যেই প্রায় কুড়ি মিনিট কেটে গেছে। ওরা সময় দিয়েছে মাত্র আধঘণ্টা।

সেই আধঘণ্টা পার হয়ে গেলে ওরা কী করবে? রিমেট কন্ট্রোল চালু করে দেবে। তাতে কাকাবাবু শুধু নিজে মরবেন না, এই মৃগাক্ষমৌলি আর আলমও খতম হয়ে যেতে পারে।

অন্তত ওদের বাঁচবার জন্যও কাকাবাবুকে এখানে থেকে বেরিয়ে যেতে হবে আর দশ মিনিটের মধ্যে।

মৃগাক্ষমৌলি বললেন, “রাজাদা, আপনাকে দারুণ ক্লান্ত দেখাচ্ছে। মুখখানা কালো হয়ে গেছে। শরীর খারাপ হয়নি তো?”

কাকাবাবু বললেন, “না। সেরকম কিছু না। ভাল করে ঘুম হয়নি।”

মৃগাক্ষমৌলি বললেন, “আপনি বাড়িতে গিয়ে ভাল করে ঘুমিয়ে টুমিয়ে নিন। আমি বরং সন্দের পর আপনার সঙ্গে দেখা করতে যাব।”

কাকাবাবু বললেন, “আমরা আজকাল সব ব্যাপারেই দিল্লির ওপর নির্ভর করি। আমরা বাঙালিরা নিজেরা বৃষ্টি কিছু পারি না? চিফ মিনিস্টার যদি এখানে উপস্থিত থাকতেন, তিনি কি ওটা একদিনের জন্য আমাকে দিতে আপত্তি করতেন?”

মৃগাক্ষমৌলি তাকালেন আলমের দিকে।

আলম বললেন, “দিল্লির এক্সপার্ট দু'জন আসবেন কাল মর্নিং ফ্লাইটে। এখানে পৌঁছতে পৌঁছতে দশটা সাড়ে-দশটা বেজে যাবে। তার আগেই যদি কাকাবাবু এই কোডগুলো পড়ে দিতে পারেন, তা হলে কিছু আমাদের খুব ক্রেডিট হবে। আমাদের এখানেও কাকাবাবুর মতন এমন গুণী মানুষ রয়েছেন।”

কাকাবাবু বললেন, “আমি পারব কিনা জানি না। তবে, কাল সকাল দশটার মধ্যে আমি এটা ফেরত দিয়ে যাব, এই কথা দিতে পারি।”

মৃগাক্ষমৌলি বললেন, “এটা বাড়িতে নিয়ে যেতেই হবে? এখানে বসে চেষ্টা করতে পারেন না?”

কাকাবাবু অর্ধেকভাবে বললেন, “না, তা সম্ভব না।”
তারপর আর একবার ঘড়ির দিকে তাকিয়ে বললেন, “ঠিক আছে, আমি উঠছি। তোমাদের ব্যাপার তোমরা বুঝবে।”

মৃগাঙ্কমৌলি বললেন, “ঠিক আছে, আলমসাহেব এটা আপনার বাড়ি পৌঁছে দিচ্ছেন।”

কাকাবাবু বললেন, “দিচ্ছ তা হলে? আলমসাহেবকে পৌঁছে দিতে হবে না, আমার সঙ্গে একটা গাড়ি আছে।”

আলম বলল, “সে-গাড়ি ছেড়ে দিন। আপনি আমার গাড়িতে যাবেন।”

কাকাবাবু বললেন, “বলছি তো, তার কোনও দরকার নেই।”
আলম বলল, “কাকাবাবু, এরকম একটা সাম্প্রতিক জিনিস আপনি একলা নিয়ে যেতে চাইছেন? যদি রাস্তায় আপনার ওপর হামলা হয়?”

কাকাবাবু বললেন, “সে-কথা কি আমি ভাবিনি? তোমাদের থেকে আমার অভিজ্ঞতা অনেক বেশি। যদি কেউ সামনের রাস্তায় দাঁড়িয়ে নজর রাখে, তা হলে পুলিশের পোশাকে তোমাকে আমার সঙ্গে দেখলেই সন্দেহ করবে। আর আমি যদি জিনিসটা পকেটে নিয়ে একলা এমনিই বেরিয়ে পড়ি, কেউ কিছুই ভাববে না।”

মৃগাঙ্কমৌলি বললেন, “তা হলে আলমসাহেব আপনাকে একটু দূর থেকে ফলো করুক।”

কাকাবাবু বললেন, “সেটাও ঠিক হবে না। আমি চলে যাওয়ার পর আলম এখানে অন্তত পনেরো মিনিট অপেক্ষা করুক। তারপর সোজা চলে আসুক আমার বাড়িতে।”

মৃগাঙ্কমৌলি বললেন, “আমিও এক ঘণ্টার মধ্যে পৌঁছে যাব আপনার বাড়ি।”

কাকাবাবু ঘড়িতে দেখলেন, আর সময় আছে মাত্র চার মিনিট।
তিনি বললেন, “বাইরে হঠাৎ হঠাৎ বৃষ্টি আসছে। এটাতে যদি জল লেগে যায়— একটা পলিথিনের প্যাকেটে ভাল করে মুড়ে দাও তো।”

পলিথিনের প্যাকেটে মোড়ার পর কাকাবাবু ইলেকট্রনিক নোট বুকটা পকেটে নিলেন না। পকেটে রাখার পক্ষে সেটা একটু বড়। জামার বোতাম খুলে তিনি সেটাকে বুকের কাছে রেখে আবার বোতাম আটকে দিলেন।

ওরো দু’জনের দিকে তাকিয়ে বললেন, “কেউ বুঝতে পারবে যে আমার কাছে কিছু আছে? তোমরা তা হলে আমার বাড়িতে চলে এসো, সেখানে আমাকে পাহারা দেবে, আমি কাজ করব।”

আলম আর মৃগাঙ্কমৌলি কাকাবাবুকে এগিয়ে দিলেন লিফট পর্যন্ত।

কাকাবাবু রাইটার্স বিল্ডিংস থেকে বেরোতেই দেখলেন, টবির গলার চেন ধরে দাঁড়িয়ে আছে একজন লোক।

সে বলল, “আর ঠিক দেড় মিনিট বাকি ছিল। কাজ উদ্ধার হয়েছে?”

কাকাবাবু জামার বোতাম খুলে প্যাকেটটা দেখিয়ে বললেন, “হ্যাঁ।”

সে হাত বাড়িয়ে বলল, “দিন।”

কাকাবাবু বললেন, “না তো। একেবারে তোমাদের সায়ের হাতে তুলে দেওয়ার কথা।”

লোকটি বলল, “ঠিক আছে। এখানে গাড়ি রাখা যায় না। গাড়িটা আছে ওই যে লালদিকির পার্কিং লটে। ওখানে যেতে হবে।”

কাকাবাবু বললেন, “জানি।”

লাল আলো জ্বলবার পর কাকাবাবু রাস্তা পার হেলেন। পাশে পাশে টবি আর সেই লোকটি।

ভেতরে অনেক গাড়ি। অন্য লোকটি এগিয়ে এসে বলল, “আমাদের গাড়ির পেছনে আর একটা গাড়ি রেখেছে। আপনি এখানে দাঁড়ান, আমি গাড়িটা বার করে আনছি।”

যে লোকটি টবির গলার চেন ধরে আছে, সেও মুখ ফিরিয়ে গাড়িটা বার করা দেখছে।

কাকাবাবু একবার টবির মাথায মৃদু চাপড় মেরে আদর করলেন। তারপর আন্তে-আন্তে এগিয়ে গেলেন রেলিং-এর কাছে। দেখতে লাগলেন পুকুরটা।

তারপর তিনি হঠাৎ এক কাণ্ড করলেন।
ক্রাচ দুটো পাশে নামিয়ে রেখে তিনি প্রায় চোখের নিম্নে রেলিং ডিঙিয়ে চলে গেলেন ওপাশে। কাঁপ দিয়ে পড়লেন জলে।

টবি ঘাউ-ঘাউ করে ডেকে উঠল।

একজন লোক ছুটে এল এদিকে। তার এক হাতে রিমোট কন্ট্রোল, অন্য হাতে রিভলভার।

ভরা বর্ষার লালদিকিতে অনেক জল। কাকাবাবু ডুবতে-ডুবতে নেমে গেলেন অনেক নাচে।

শব্দচ্ছিন্নের অনুচর দু’জনই রেলিংয়ের কাছে এসে গেছে। কাকাবাবু জলের মধ্যে আছেন বলে সম্ভবত রিমোট কন্ট্রোলে কোনও কাজ হচ্ছে না। দিশেহারা হয়ে একজন গুলি চালাতে লাগল।

সেই গুলির শব্দে ভয় পেয়ে পালাতে লাগল অনেক লোক। আবার রাইটার্স বিল্ডিংসের সামনে থেকে পুলিশ ছুটে এল এদিকে।

কাকাবাবু শ্বাস নেওয়ার জন্য একবার সামান্য মাথা তুলেই আবার ডুব দিলেন। ডুব-সাঁতার দিয়ে এগিয়ে যেতে লাগলেন দিকির মাঝখানে।

॥ ১৩ ॥

কবুতরাডায় সপ্তাহে দু’দিন হাট হয়। তখন কত লোকজন, কত চ্যাচামেচি, কতরকম তরিতরকারি আর মাছের গন্ধ। অন্য দিনগুলোতে সব শুনশান। চালাঘরগুলো ফাঁকা পড়ে থাকে, ঘুরে বেড়ায় কয়েকটা কুকুর।

শুধু এক কোণে খোলা থাকে একটা মুসিখানা, আর একটা চায়ের দোকান। গ্রামের বড়-বড় ছেলেরা বিকেলের দিকে সেই চায়ের দোকানে বসে আড্ডা মারে।

বদরুর নৌকেটা এসে লাগল ঘাটে।
সবু ও নিখিল মাহাতো উঠে এলেন ওপরে।

একটু একটু সন্ধ্যা হয়ে এসেছে। চায়ের দোকানে রয়েছে ছ’-সাতজন ছেলে। তারা ক্রিকেট খেলা নিয়ে কথা বলছে। সচিন তেডুলকর আর সৌরভ গাঙ্গুলির মধ্যে কে বেশি ভাল ক্যাপ্টেন তা নিয়ে তর্ক বেঁধে গেছে প্রায়।

সেই তর্কের মাঝখানেই নিখিল মাহাতো একজনকে জিজ্ঞেস করলেন, “ভাই, বিশাই সামন্ত’র বাড়িটা কোথায় বলতে পারো?”

সেই লোকটি কয়েক মুহূর্ত তাকিয়ে থেকে বলল, “বিশাই সামন্ত? সে কে? চিনি না তো?”

সে পাশের লোকটিকে জিজ্ঞেস করল, “কী রে, তুই চিনিস?”
সে লোকটি পিক করে থুতু ফেলে বলল, “বাপের জন্মে নাম শুনিনি।”

আম-একজন নিজের থেকেই বলল, “এ-গ্রামে কোনও সামন্ত থাকে না।”

নিখিল মাহাতো বললেন, “এ-গ্রামে তার বাড়ি না হতে পারে, কিন্তু সে এখানে প্রায়ই আসে শুনেছি।”

প্রথম লোকটি বলল, “হারা আসে, সবাইকে আমরা চিনি। ও নামে কাউকে দেখিনি কখনও।”

নিখিল মাহাতো সন্তুর দিকে তাকালেন।

সন্তুর মনে হল, এই লোকগুলো সবাই বিশাই সামন্তকে চেনে। কোনও কারণে তাকে ভয় পায় বলেই কিছু বলছে না।

সন্তু বলল, “আসুন, আমরা এখানে একটু চা খেয়ে নিই।”
চায়ের দোকানদারটি বায়বার তাকাচ্ছে এঁদের মুখের দিকে। সে বলল, “আপনারা কে? কোথা থেকে আসছেন?”

নিখিল মাহাতো গম্ভীরভাবে বললেন, “তোমার দোকানে চা খেতে গেলে পরিচয় দিতে হয় নাকি?”

সে খতমত ঝেঁয়ে বলল, “আজ্ঞে তা নয়। এমনিই জিজ্ঞেস করছিলাম।”

নিখিল মাহাতো বললেন, “তুমি বিশাই সামন্তকে চেনো?”
 লোকটি বলল, “আজ্ঞে না। নাম শুনিনি।”
 এখানে কাপের বদলে গেলাসে চা দেয়। সমুদ্র আর নিখিল
 মাহাতো গেলাস দুটি নিয়ে বসলেন একটু দূরে।
 সমুদ্র বলল, “বিশাই সামন্তকে এরা অনেকেই চেনে, তা বোঝাই
 যাচ্ছে।”
 নিখিল মাহাতো বললেন, “আমারও তাই মনে হচ্ছে।”
 সমুদ্র বলল, “আপনি কে, তা এরা জানে না।”
 নিখিল মাহাতো বললেন, “খানার দারোগাদেরই লোকে চেনে।
 আমি তো দারোগা নই। এখানে বাংলাদেশ থেকে অনেক জিনিস
 চোরচালান হয়ে আসে। এই ছেলেগুলোর মধ্যে দু’একজন তাতে
 জড়িত থাকতে পারে। এরা যদি বিশাই সামন্ত সম্পর্কে কিছু বলতে
 না চায়, তা হলে একটাকে থানায় ধরে নিয়ে গিয়ে ভয় দেখাতে
 হবে।”
 সমুদ্র বলল, “একটু ভিড় কমলে এই চা-ওয়ালাকে ভাল করে
 জিজ্ঞেস করা দরকার।”
 নিখিল মাহাতো বললেন, “চা-টা মন্দ করেনি। আরও এক
 গেলাস করে খেলে হয়।”
 একটু পরেই একটা মোটর সাইকেলের শব্দ শোনা গেল।
 কাছে আসার পর দেখা গেল, চালাচ্ছে একজন। পেছনে বসে
 আছে আর-একজন। দু’জনেই প্যান্ট আর শার্ট পরা।
 চালকটি টেঁচিয়ে জিজ্ঞেস করল, “এখানে কে বিশাই সামন্তের
 শৌজ করছে?”
 নিখিল মাহাতো একবার কোমরে হাত দিলেন। বোঝা গেল,
 ওখানে রয়েছে তার রিভলভার।
 মোটর সাইকেলের পেছনের লোকটি এদিকে এসে জিজ্ঞেস
 করল, “আপনারা বিশাই সামন্তকে খুঁজছেন?”
 নিখিল মাহাতো উঠে দাঁড়িয়ে বললেন, “হ্যাঁ।”
 লোকটি বলল, “কেন খুঁজছেন?”
 নিখিল মাহাতো বললেন, “সেটা তাকেই বল।”
 লোকটি বলল, “সে তো অসম্ভব। তার জ্বর হয়েছে। এ-গ্রামে তার
 মামাবাড়ি, সেখানেই শুয়ে আছে।”
 নিখিল মাহাতো বললেন, “তার সঙ্গে একবার দেখা করা যায় না?
 খুব জরুরি দরকার।”
 লোকটি বলল, “তা যেতে পারে। আসুন আমার সঙ্গে।”
 এই লোকটি পথ দেখিয়ে নিয়ে চলল, মোটর সাইকেল চলে গেল
 অন্যদিকে।
 নদীর ধার দিয়ে কাঁচা রাস্তা। সন্ধ্যা হয়ে গেছে। আকাশে একটু-
 একটু জ্যোৎস্না ছাড়া আর কোনও আলো নেই। লোকটি মাঝে-মাঝে
 টর্চ জ্বালান।
 হাঁটতে হল বেশ কিছুক্ষণ।
 ক্রমশ গ্রামের বাড়ি-ঘর শেষ হয়ে গেল। একদিকে নদী, আর
 একদিকে শুষ্ক মাঠ। মাঝে-মাঝে রাস্তার পাশে বোপ-জঙ্গল।
 এক জায়গায় এসে লোকটি থমকে দাঁড়াল। দাঁড়িয়েই রইল।
 নিখিল মাহাতো জিজ্ঞেস করলেন, “কী হল?”
 লোকটি বলল, “সামনে দিয়ে একটা সাপ যাচ্ছে। ওটা চলে
 যাক।”
 নিখিল মাহাতো বললেন, “কোথায় সাপ? দেখতে পাচ্ছি না
 তো।”
 লোকটি বলল “আমরা ঠিক দেখতে পাই। ভারী বিষধর সাপ।
 শঙ্খচূড়।”
 নিখিল মাহাতো চমকে উঠে বললেন, “কী বললে? তুমি
 আমাদের কোথায় নিয়ে যাচ্ছ বলা তো? এদিকে তো কোনও বাড়ি
 নেই।”
 লোকটি বলল, “তোমাদের নিয়ে যাচ্ছি যমের বাড়ি।”
 নিখিল মাহাতো কোমর থেকে রিভলভারটা বার করতে করতে
 বললেন, “আমি কে জানো না? সবক’টাকে—”

ভিনি আর কিছু বলতে পারলেন না। শুধু অজ্ঞান বলে পড়ে গেলেন
 মাটিতে।
 পেছন থেকে একজন লোক তাঁর মাথায় একটা ডাঙা মেরেছে।
 বোপ থেকে বেরিয়ে এল আরও তিনজন লোক।
 তাদের একজন বলল, “এঃ পুলিশ বলে যেন মাথা কিনে নিতে
 চায়। গুরুমক কত পুলিশ দেখেছি।”
 আর-একজন বলল, “এই তো সেই শয়তানের বাচ্চাটা। বাঁধ
 এটাকে।”
 প্রথম যে লোকটি সমুদ্রকে ধরতে এল, তাকে এক ধাক্কায় উলটে
 ফেলে দিয়ে দৌড় লাগাল সমুদ্র।
 কিন্তু বেশিদূর যেতে পারল না। দপ করে জ্বলে উঠল একটা
 মশাল। সামনের দিকে সেই মশাল হাতে দাঁড়িয়ে আছে একজন
 লোক।
 সমুদ্র অন্যদিকে ফিরল।
 কিন্তু ওরা চারদিক থেকে তাকে ঘিরে ফেলেছে। ফাঁদে পড়া
 ইঁদুরের মতন এদিক-ওদিকে ছোটোছুটি করেও কোনও লাভ নেই।
 একজন লোক কাছে এসে পড়ে জ্বলন্ত মশাল দিয়ে তাকে মারতে
 যেতেই সে শুয়ে পড়ল মাটিতে। আগুনের সঙ্গে সে লড়াই করতে
 পারবে না।
 একজন তার পিঠের ওপর পা রেখে বলল, “এবার বাঁধ
 এটাকে।”
 আর-একজন নিচু হয়ে সমুদ্র হাত বাঁধতে বাঁধতে বলল, “এটার
 ওপর আমাদের বাবুর খুব রাগ। এটার জন্য ভাল টাকা পাওয়া
 যাবে।”
 শুধু হাত নয়, সমুদ্র সারা শরীরে দড়ি বাঁধা হল পেঁচিয়ে পেঁচিয়ে।
 তারপর তাকে দাঁড় করিয়ে টেনে নিয়ে যেতে লাগল। মাঝে-মাঝে
 সে আছাড় খেয়ে পড়ছে, ওরাই তার চুলের মুঠি ধরে দাঁড় করচ্ছে।
 নদীর ধারে একটা গাছতলায় হাজাক বাতি জ্বলছে। সেখানে
 দাঁড়িয়ে আছে দু’জন লোক। একজনের হাতে রাইফেল। তার পায়ের
 কাছে ফেলে দেওয়া হল সমুদ্রকে।
 রাইফেলধারী লোকটি বেশ লম্বা-চওড়া। গভীর গলায় সে বলল,
 “ধরেছিস বিস্কুটকে? বাঃ।”
 গলার আওয়াজ শুনে দারুণ চমকে উঠল সমুদ্র। এ তো গগন
 সাহা।
 সে তার সঙ্গীদের জিজ্ঞেস করল, “সেই পুলিশটার কী হল?”
 একজন বলল, “সে পড়ে আছে রাস্তায়।”
 গগন বলল, “ওখানেই থাক। ওকে জানে মারিস না। তার দরকার
 নেই। ও আর কিছু করতে পারবে না। গাধা আর কাকে বলে,
 একখানা মোটে অন্তর নিয়ে এসেছে ছেলেকে উদ্ধার করতে।”
 সমুদ্র একজন বেল বিশ্বাস করতে পারছে না। এই গগন সাহা
 ছেলে তাদের সঙ্গে থিয়েটারের রিহার্সাল দিচ্ছিল। এই লোকটা সেই
 থিয়েটার নষ্ট করে অনুরোধ ছেলেকে চুরি করেছে।
 গগন সমুদ্রকে জুতো দিয়ে একটা ঠোঁক মেরে বলল, “কী রে
 শয়তানের বাচ্চা, নকল টাকা দিয়ে আমাদের ঠকাবি ভেবেছিলি?
 আমরা ঘাসে মুখ দিয়ে চলি? ওই ছেলেকে ফেরত পেতে হলে এখন
 পাঁচের বদলে দশ লাখ দিতে হবে।”
 একজনকে এক তাড়া নাট দিয়ে সে বলল, “কাশেম, এটা তোরা
 ভাগ করে নে। এ-ছেলেটাকে তুলে দে আমার ভটভটিতে।”
 সমুদ্রকে দাঁড় করাবার পর গগন চিবিয়ে চিবিয়ে বলল, “কী রে,
 সেদিন তো খুব নদীতে সাতারের কেরদানি দেখিয়েছিলি। আজ
 তোকে এইরকমভাবে বেঁধে জলে ফেলে দিলে বাঁচতে পারবি? চল,
 দেখি।”
 একজন বলল, “একবারে তলিয়ে যাবে, হাঙরে-কুমিরে খেয়ে
 নেবে।”
 আর-একজন বলল, “কিংবা জোয়ারের টান এলে টেনে নিয়ে
 যাবে একেবারে সুমুদ্রেরে।”
 সমুদ্রকে ধরাধরি করে শুইয়ে দেওয়া হল ভটভটিতে। গগন হাল



ধরে বসল।

তার সঙ্গী জিজ্ঞেস করল, “আমি যাব না?”

গগন বলল, “না, আমি একাই পারব। তোরা কদিন গা-ঢাকা দিয়ে থাক। হাজাকাটা আমার সঙ্গে দে।”

ভটভটিটা চালু হওয়ার পর একজন টেচিয়ে বলল, “একেবারে মাঝগাঙে ফেলে দেবেন সার। কম পানিতে ফেললে কিনারায় এসে ঠেকে যেতে পারে।”

ভটভটিটা চলল মাঝনদীর দিকে।

এই অবস্থাতেও সন্তু ভাবল, “কাকাবাবু কোথায়? তিনি কেনও ব্বরও দিলেন না। তা হলে তিনিও কি বন্দি? কাকাবাবুকে কেউ বন্দি করে বেশিদিন রাখতে পারে?”

হাত-বাঁধা অবস্থায় সাঁতার কাটা সম্ভব নয়। আজই তার জীবনের শেষ? মা-বাবা, কাকাবাবুর সঙ্গে, জোজোর সঙ্গে, দেবলীনার সঙ্গেও আর দেখা হবে না।

অনেকখানি দূরে এসে মাঝনদীতে ভটভটিটা থেমে গেল।

তারপর আবার একটা চমক লাগল সন্তুর। গগন সাহা হঠাৎ ফুঁপিয়ে-ফুঁপিয়ে কৈদে উঠল। তারপর বেশ জোরে, ওঃ আঃ শব্দ করে। বেন তার বৃকের মধ্যে খুব কষ্ট হচ্ছে।

সেইরকম কাদতে-কাদতেই সে বলল, “আমি আর বাঁচতে চাই না সন্তু। আমি মহাপাপী। আজ এইখানে আমি মরব।”

সন্তু কিছু না বুঝতে পেরে বলল, “কী হয়েছে?”

গগন বলল, “দাঁড়াও, আগে তোমার বান্দন খুলে দিই।”

পকেট থেকে একটা ছোট ছুরি বার করে কচকচ করে কেটে ফেলল সব দড়ি।

তারপর বলল, “সন্তু, তুমি ভটভটি চালাতে পারবে? শক্ত কিছু নয়। এখানে এসে মোটর চালু করে হাল ধরে থাকবে। একটু এদিক-ওদিক হবে, কিন্তু ওলটাবে না। আমি তোমার কাছ থেকে শেষ বিদায় নিচ্ছি।”

সন্তু আবার জিজ্ঞেস করল, “কী হয়েছে আপনার?”

গগন বলল, “আমি মহাপাপী। তোমাদের রিহার্সাল শুধুর অনেক আগেই ওই পুলিশের ছেলেকে চুরি করার প্ল্যান করা হয়েছিল। আমার ছেলেও যে তোমাদের সঙ্গে থিয়েটার করতে যাবে, তা আমি যুগাক্ষরেও জানতাম না। তবে বিশ্বাস করো, মানুষ চুরি করে টাকা রোজগার করা আমার পেশা নয়। আগে কখনও এ-কাজ করিনি। ওই শঙ্খচূড় মহা শয়তান। সে আমাকে ভয় দেখিয়ে জোর করে এর মধ্যে জড়িয়েছে। আমার বউ বা ছেলে কিছুই জানে না।”

রাইফেলটা তুলে নিয়ে গলার কাছে ঠেকিয়ে সে বলল, “ওই যে দূরে দেখছ একটা মিটিমিটি আলো, ওটা একটা দীপ। ওখানে আমার একটা খামারবাড়ি আছে। সুকোমল ওইখানে আছে। আরও তিনজন মানুষকে ওখানে আটকে রাখা হয়েছে। তুমি একা যেও না, অনেক পুলিশ সঙ্গে নিয়ে যেও। আমি চললাম।”

সন্তু বলল, “দাঁড়ান, দাঁড়ান, এটা কী করছেন?”

গগন বলল, “শঙ্খচূড় আমাকে দিয়ে এই জন্মদা কাজ করিয়েছে। আমার বউ-ছেলে যদি কখনও টের পায়, তাদের কাছে আমি মুখ দেখাব কী করে? তাই আমি মরতে চাই। আর দেরি করে লাভ নেই।”

সন্তু বলল, “দাঁড়ান, আর-একটা কথা। শঙ্খচূড় জোর করে ভয় দেখিয়ে আপনাকে দিয়ে অন্যায় কাজ করিয়েছে। সেজন্য শঙ্খচূড়কে তো শাস্তি দিতে হবে। আপনি সেই শাস্তি দিতে সাহায্য করুন, তা হলেই আপনার দোষ কেটে যাবে।”

গগন বলল, “শঙ্খচূড়ের যে কী সাজাতিক শক্তি, তা তুমি ধারণাও করতে পারবে না। এই ছেলে চুরি, মানুষ চুরি এগুলো তার আসল কাজ নয়। অন্য লোকদের দিয়ে এই কাজ করিয়ে অনেক টাকা তুলছে। সেই টাকায় আবার অনেক লোক জোগাড় করেছে। একটা কোনও বিশেষ শক্তি আছে ওর পেছনে। সারা দেশে সাজাতিক সব কাণ্ড ঘটবে শিগগিরই। কত মানুষ যে মরবে, কত

কিছু যে ধ্বংস হবে, তার ঠিক নেই। তোমার কাকাবাবুকেও বোধ হয় এতক্ষণে মেরে ফেলেছে।”

সবু বলল, “অনেকেই চেষ্টা করেছে। কাকাবাবুকে এ পর্যন্ত কেউ মারতে পারেনি।”

গগন বলল, “আমি আর এই পাপের ভাগী হতে চাই না। বিদায় সবু!”

গগন ট্রিগার টেপার আগেই সবু স্প্রিং-এর মতন লাফিয়ে ঝাঁপিয়ে পড়ল তার ওপর। দু’জনে খণ্ডাধস্তি করতে করতে রাইফেলটা পড়ে গেল জলে।

গগন তবু হাত বাড়িয়ে সেটা ধরতে যেতেই সবু আবার একটা ধাক্কা দিল তাকে। রাইফেলটা জলে তলিয়ে গেল।

গগন নিরাশভাবে বলল, “এ কী, ফেলে দিলে?”

সবু মুখে হাসি ফুটিয়ে বলল, “এবার কী করে আত্মহত্যা করবেন? সঁতার জানেন নিশ্চয়ই। নদীতে ঝাঁপ দিলেও ডুববেন না।”

গগন বলল, “আমি আর সত্যিই বাঁচতে চাই না সবু! এত অপরাধ করছি—”

সবু বলল, “বলুন, আগে সুকোমলকে উদ্ধার করি। একটা-একটা করে ভাল কাজ শুরু করলেই খারাপ কাজগুলোর দোষ একটা-একটা করে কেটে যাবে।”

॥ ১৪ ॥

কাকাবাবু বসে আছেন একটা জেলখানার মধ্যে। সেখানে টেবিল ও চেয়ার রয়েছে অবশ্য। টেবিলের ওপর অনেক কাগজ ছড়ানো। তিনি একমনে লিখে যাচ্ছেন কীসর।

লোহার দরজা খোলার শব্দ হতে তিনি ফিরে তাকালেন।

মুগাক্ষমৌলি আর আলম এসেছেন দেখা করতে।

নমস্কার জানিয়ে মুগাক্ষমৌলি জিজ্ঞেস করলেন, “কোনও অসুবিধে হচ্ছে না তো রাজাধা?”

কাকাবাবু চেয়ারে হেলান দিয়ে বললেন, “না, অসুবিধে কিছু নেই। প্রথমে আমি রাজি হইনি। এখন দেখছি জেলের মধ্যে আমাকে রেখে ভালই করছে।”

আলম বললেন, “এখন আপনার নিজের বাড়িতে থাকা কোনওক্রমেই সেক্ষ নয়। আপনি একবার বেঁচে গেছেন, ওরা আপনাকে মেরে ফেলার আবার চেষ্টা করবেই। আপনার বাড়ির লোকেরও বিপদ হতে পারত।”

কাকাবাবু বললেন, “তা ঠিক। এখানে বেশ নিরিবিলিতে কাজ করা যাচ্ছে। খাবারদাবারও ভাল দিচ্ছে। জেলখানায় বুকি এত ভাল খাবার দেয়?”

মুগাক্ষমৌলি হেসে বললেন, “না, এ-খাবার শুধু আপনার জন্য।”

আলম বললেন, “আপনাকে তো আর ক্রিমিনাল হিসেবে আটকে রাখা হয়নি। আপনি আমাদের অতিথি। ওই সাক্ষাতিক লিপি কিছু উদ্ধার করতে পারলেন? দিল্লির এক্সপার্টরা তো এখনও কিছু বুঝতে পারছেন না।”

কাকাবাবু বললেন, “একটা সূত্র পেয়েছি। এর পর আর বেশি সময় লাগবে না।”

মুগাক্ষমৌলি বললেন, “রাজাদা, আপনার পিঠে যে জিনিসটা বাঁধা ছিল তা ল্যাবরেটরিতে পরীক্ষা করে দেখা হয়েছে। সাম্ভাব্যিক একটা বিস্ফোরক আর ডি এক্স নয়, ওই ধরনেরই এক্সপ্লোসিভ। একসঙ্গে দশ-বারোজন লোককে মেরে ফেলতে পারে।”

আলম বললেন, “বাপরে বাপ, আপনি রাইটার্স বিল্ডিংসে যখন আমাদের সামনে বসে ছিলেন, তখন আপনার পিঠে ওটা বাঁধা ছিল। আমাদের কিছু বলেননি।”

কাকাবাবু বললেন, “বলার উপায় ছিল না। ওটা খুলতে গেলে রিমোট কন্ট্রোলে ফাটিয়ে দিতে পারত। তাতে তোমারও বাঁচতে না। মাত্র আধঘণ্টা সময় দিয়েছিল আমাকে।”

মুগাক্ষমৌলি বললেন, “অতদূর থেকে কি রিমোট কন্ট্রোল কাজ করে?”

কাকাবাবু বললেন, “তা জানি না। ওরা তো সেইরকমই ভয় দেখিয়েছিল। বুকি নেওয়া যায় না। যদি সত্যি হয়? আজকাল বিজ্ঞান তো অনেক অসম্ভবকে সম্ভব করে দিচ্ছে।”

আলম বললেন, “তা হলে জলে ঝাঁপ দিলেন কী করে? সেখানেও তো বিস্ফোরণ হতে পারত।”

কাকাবাবু বললেন, “তা হলেও শুধু আমি মরতাম, আর কারও ক্ষতি হত না। ওরা আমাকে মৃত্যুভয় দেখিয়েছিল। কিছু নিজে বাঁচবার জন্য আমি কিছু একটা সাম্ভাব্যিক জিনিস ওদের হাতে তুলে দিতে পারি? তা ছাড়া, আমার সন্দেহ হয়েছিল, ওই জিনিসটা জলের মধ্যে কাজ করে না। শব্দচূড় নামের লোকটা জলকে ভয় পায়। সত্যিই তো, জলের মধ্যে ওটা ফটিল না। জলের মধ্যে গা ডুবিয়ে রেখে ওটা খুলে ফেললাম।”

মুগাক্ষমৌলি বললেন, “রাজাদা, আপনি অসাধ্যসাধন করেছেন বলা যায়। আপনি একবারও ভয় পাননি?”

কাকাবাবু বললেন, “ভয়? হ্যাঁ, মানে, মনে হয়েছিল, এবার বুকি আর বাঁচা যাবে না। আমি মৃত্যুর জন্য তৈরি হয়েছিলাম। মানব-বোমা তো সত্যি অনেক দেশে দেখা যাচ্ছে।”

আলম বললেন, “দিল্লি থেকে রিপোর্ট এসেছে, কোনও একটি বিদেশি শক্তি আমাদের সারা দেশে দারুণ সব ধ্বংসের কাজ চালাবে। একসঙ্গে একই দিনে কোনও এয়ারপোর্ট উড়িয়ে দেবে, ব্রিজ উড়িয়ে দেবে, বহু মানুষ মারবে। আগে থেকে জানতে না পারলে আমরা তো আটকাতো পারব না।”

কাকাবাবু বললেন, “এই সাম্ভাব্যিক লেখাগুলোয় সেইরকমই একটা পরিকল্পনার ইঙ্গিত পাওয়া যাচ্ছে।”

মুগাক্ষমৌলি বললেন, “আপনি কতটা পড়তে পেরেছেন?”

কাকাবাবু বললেন, “আমি অনেকরকম পরীক্ষা করে অতি কষ্টে একটা নিয়ম ধরে ফেলেছি। তোমাদের বুকিয়ে দিচ্ছি। যেমন ধরে, একটা লেখা ফুটে উঠেছে, ZHQONQS, এর কোনও মানেই হয় না। এখানে এর ইংরেজি পরের অক্ষর দিয়ে বদলে দিতে হবে। Z-এর পর কী? আবার A, তাই না? H এর পর I, Q-এর পর R, এইভাবে এটা হয়ে গেল AIRPORT. তারপর রয়েছে AZFCNFDZ, এটা হয়ে যাবে BAGDOGRA, তারিখগুলোও লেখা আছে সংখ্যা দিয়ে নয়। অক্ষরে। বাগডোগরা এয়ারপোর্টটা উড়িয়ে দেওয়ার পরিকল্পনা করা আছে ২৪ তারিখ, তার মানে আর চারদিন পরে। পাঁচজন লোকের নামও দেওয়া আছে।”

আলম বললেন, “এরকম তো অনেক লেখা আছে দেখছি।”

কাকাবাবু বললেন, “সবগুলির জন্য একই নিয়ম খটবে না। বার করতে সময় লাগবে। মুগাক্ষ, তোমরা এক কাজ করো। আজই প্রেস কনফারেন্স করে ঘোষণা করে দাও যে, আমরা সবই সাক্ষাতিক অক্ষর পড়ে ফেলেছি। জায়গার নাম, লোকগুলোর নাম জেনে গেছি। তাতে ওরা পরিকল্পনা বাতিল করবে নিশ্চয়ই।”

আলম বললেন, “তা ছাড়া এক্ষুনি তো বাগডোগরা এয়ারপোর্ট ঘিরে ফেলার ব্যবস্থা করতে হয়।”

কাকাবাবু বললেন, “ওই পাঁচটা লোক খুব সম্ভবত শিলিগুড়িতে লুকিয়ে আছে, তাদের ধরে ফেলার ব্যবস্থা করো।”

মুগাক্ষমৌলি বললেন, “এয়ারপোর্ট উড়িয়ে দিতে চায়? এদের এত ক্ষমতা? রাজাদা, ওই শব্দচূড় নামের লোকটা যদি মানব-বোমা পাঠায়? তাদের তো আটকানো যায় না?”

কাকাবাবু বললেন, “ঠিকই বলেছি, ওই শব্দচূড়ের ডেরাটা খুঁজে বার করতেই হবে।”

আলম বললেন, “আপনাকে কোথায় আটকে রেখেছিল, সেই জায়গাটা চিনতে পেরেছেন?”

কাকাবাবু বললেন, “না। আমাকে অজ্ঞান করে নিয়ে গিয়েছিল। বেরিয়ে আসার সময় চোখ বাঁধা ছিল। তবে গাড়ি করে রাইটার্স বিল্ডিংসের সামনে নিয়ে এসেছে, তাতে মোটামুটি সময় লেগেছে চার ঘণ্টা। আন্তে-আন্তে গাড়ি চালিয়েছে, যাতে আমার ঝাঁকুনি না লাগে। তা হলে ধরে নেওয়া যেতে পারে, কলকাতা থেকে সেই জায়গাটার

গাড়িতে দ্রুত অন্তত সাড়ে তিন ঘণ্টা।”

মৃগাক্ষমৌলি বললেন, “কিন্তু কোন দিকে, তা বোঝা যাবে কী করে? মৃশিদাবাদ-বহরমপুরের দিকে হতে পারে, দুর্গাপুরের দিকে কিংবা আসানসোল যেতেও ঘণ্টাচারেক লাগে। কোন দিকে খোঁজ করব?”

কাকাবাবু বললেন, “সবদিকেই। তবে আমার একটা সন্দেহ হচ্ছে, বর্ধমান-দুর্গাপুরের মাঝামাঝি কোথাও হতে পারে।”

মৃগাক্ষমৌলি বললেন, “কী করে আপনার এই সন্দেহ হল? আপনার চোখ বাঁধা ছিল বললেন—”

কাকাবাবু বললেন, “কী করে সন্দেহ হল, তা শুনলে হয়তো তোমরা হাসবে। অনেক ছোটখাটো জিনিস থেকেই বড় ব্যাপার জানা যায়। আমাদের যখন নিয়ে আসে, তখন সঙ্গের লোকেরা মাঝপথে গাড়ি থামিয়ে এক জায়গা থেকে মিষ্টি কিনেছিল—”

আলম ব্যগ্রভাবে জিজ্ঞেস করল, “ওরা জায়গাটার নাম বলেছিল?”

কাকাবাবু বললেন, “না, জায়গাটার নাম বলেনি। সেই মিষ্টি আমাকে একটা খেতে দিয়েছিল। সেটার স্বাদ আমার চেনা-চেনা মনে হল। সেটা ল্যাংচা। কোথাকার ল্যাংচা বিখ্যাত?”

মৃগাক্ষমৌলি বললেন, “শক্তিগড়ের।”

কাকাবাবু বললেন, “বর্ধমানের দিকে যারা গাড়িতে যাতায়াত করে, তারা অনেকেই শক্তিগড়ে গাড়ি থামিয়ে ল্যাংচা কেনে, তাই না?”

আলম বললেন, “আপনি চোখ-বাঁধা অবস্থায় একটা মিষ্টি খেয়েই বুঝে গেলেন, সেটা শক্তিগড়ের ল্যাংচা?”

কাকাবাবু বললেন, “আমি অনেককরকম বিখ্যাত মিষ্টি খেয়েই মোটামুটি বলে দিতে পারি কোথাকার তৈরি। হয়তো দু’-একটা ভুলও হতে পারে। যাই হোক, বর্ধমানের দিকেই প্রথম খোঁজাখুঁজি শুরু করতে হবে। শোনো, এখন খুব জরুরি হচ্ছে দুটো ব্যাপার। সমস্ত খবরের কাগজ আর টিভি চ্যানেলগুলোকে জানিয়ে দাও যে, আমরা ইলেকট্রনিক নেটওয়ার্ক থেকে সমস্ত গুপ্ত সাক্ষেতিক লিপি উদ্ধার করে ফেলেছি, বিদেশি চক্রান্ত ফাঁস হয়ে গেছে। তাতে ওরা থমকে যাবে। আর শঙ্খচূড় যাতে নতুন কিছু শুরু করতে না পারে, তার ডেরাটা খুঁজে বার করতেই হবে।”

মৃগাক্ষমৌলি বললেন, “আমি প্রেসে আর টিভি চ্যানেলগুলোয় এখনই খবর পাঠাবার ব্যবস্থা করছি।”

কাকাবাবু বললেন, “যে-গাড়িটা আমাকে নিয়ে এসেছিল, সেটাকে আটকানো যায়নি শেষ পর্যন্ত?”

আলম বললেন, “না, গেল না। দুটো লোক গুলি চালাতে লাগল, গাড়িটা দারুণ স্পিডে, একটা লোককে চাপা দিয়ে পালিয়েছে। তবে ওদের সঙ্গে বোধ হয় একটা কুকুর ছিল, সেটাকে গাড়িতে তোলার সময় পায়নি। সেটা সম্ভাব্যতক হিংস্র কুকুর, পাগলের মতন ছোট্টাছুটি করছিল ডালহৌসি স্কোয়ারে, লোকজন ভয়ে পালাচ্ছিল, শেষ পর্যন্ত দু’জন ডগ-ক্যাচারকে দিয়ে কুকুরটাকে ধরা হয়েছে।”

কাকাবাবু দারুণ উত্তেজিতভাবে উঠে দাঁড়িয়ে বললেন, “কুকুর? খুব বড় সাইজের কুকুর?”

আলম বললেন, “হ্যাঁ, ডোবারম্যান, দারুণ হিংস্র। ডাক শুনলে বকের রক্ত হিম হয়ে যায়।”

কাকাবাবু বললেন, “টবি, টবি। শঙ্খচূড়ের পোষা কুকুর। ওই কুকুরটাই তো ওর প্রভুর ডেরার আমাদের পৌঁছে দিতে পারবে।”

আলম বললেন, “কুকুর, কি একশো-দুশো মাইল দূরের বাড়িও খুঁজে বার করতে পারে? সেটা বোধ হয় অসম্ভব।”

কাকাবাবু বললেন, “আপাতত শক্তিগড় পর্যন্ত তো গাড়িতে যাওয়া যাক।”

আধঘণ্টার মধ্যে সব ব্যবস্থা হয়ে গেল।

মৃগাক্ষমৌলি রয়ে গেলেন প্রেস কনফারেন্স ডাকার ব্যবস্থা করার জন্য। টবি কুকুরকে নিয়ে কাকাবাবু আর আলম চাপলেন একটা

স্টেশন ওয়্যারনে। পেছন-পেছন আর-একগাডি পুলিশ।

টবি আর সবাইকেই কামড়তে যায়, কিন্তু কাকাবাবু তাকে একটু আদর করে দিলেই সে চুপ করে।

কাকাবাবু বললেন, “ও একমাত্র আমাকেই চেনে এখন। এমনিতেই কোনও কুকুর আমাকে কামড়ায় না, ওরা বোঝে আমি কুকুর ভালবাসি।”

আলম বললেন, “আমিও কুকুর পছন্দ করি, কিন্তু ছোট কুকুর। এত বড় কুকুর দেখলে আমার ভয় লাগে।”

কাকাবাবু বললেন, “মজার ব্যাপার এই, কুকুরটাকে পাঠানো হয়েছিল আমাকে পাহারা দেওয়ার জন্য, এখন সেই আমাদের পথ দেখিয়ে নিয়ে যাচ্ছে।”

শক্তিগড় পৌঁছতে পৌঁছতে বিকেল হয়ে গেল।

টবিকে নিয়ে কাকাবাবু গাড়ি থেকে নামলেন। টবি অমনি খুব জোরে ডাকতে ডাকতে চেন ছাড়িয়ে নেওয়ার চেষ্টা করতে লাগল।

কাকাবাবু আলমকে বললেন, “তা হলে শক্তিগড় পর্যন্ত ঠিকই এসেছি।”

তিনি টবির চেন ছেড়ে দিলেন। টবি ছুটেতে লাগল সামনের দিকে।

কাকাবাবু চট করে গাড়িতে উঠে পড়ে বললেন, “ওকে ফলো করো, দেখা যাক, ও কোথায় যায়।”

টবি সোজা ছুটল জিটি রোড ধরে।

কাকাবাবু বললেন, “দ্যাখো আলম, টবি থামছে না, ডাইনে-বামে বেঁকেছে না, তার মানে ও এদিককার রাস্তাঘাট চেনে।”

আলম বললেন, “অদ্ভুত ওদের স্বাণশক্তি।”

কাকাবাবু বললেন, “কিছু কিছু ব্যাপার মানুষও পারে না। কুকুর পারে। মানুষ বিশ্বাসঘাতক হয়, কুকুর হয় না। টবি ওর প্রভুকে খুঁজে বার করবেই।”

বর্ধমানের কাছে এসে টবি শহরের দিকে গেল না। ছুটল বাইপাস ধরে।

আলম জিজ্ঞেস করলেন, “একটা কুকুর কতক্ষণ ছুটেতে পারে?”

কাকাবাবু বললেন, “ঘণ্টা দু’-এক তো পারবেই।”

এক সময় টবি বড় রাস্তা ছেড়ে ঢুকে পড়ল একটা ছোট রাস্তায়। দুটো গাড়ি যাচ্ছে তার পেছনে পেছনে কিছুটা দূরত্ব রেখে।

একদিকের আকাশ লাল হয়ে গেছে, একটু পরেই সূর্যাস্ত হবে।

হঠাৎ খানিক দূরে দুম দুম শব্দ হতে লাগল। সেইসঙ্গে বহু লোকের চিৎকার। সামনে খানিকটা জঙ্গলের মতন। তার পেছনে লাল আভা।

আর একটু এগোতেই দেখা গেল আগুনের শিখা।

অনেকখানি জায়গা জুড়ে একটা বাড়ি, তার সবটা জুড়ে জ্বলছে আগুন দাঁড় দাঁড় করে।

দেখলেই বোঝা যায়, হঠাৎ আগুন লাগেনি। খুব সম্ভবত ইচ্ছে করে আগুন লাগানো হয়েছে, কেউ নেভারারও চেষ্টা করছে না।

কাকাবাবু বললেন, “এটা ই শঙ্খচূড়ের আস্তানা। সব পুড়িয়ে প্রমাণ নষ্ট করে দিচ্ছে।”

আলম হতাশভাবে বললেন, “যাঃ।”

আগুন দেখে টবি থমকে দাঁড়িয়ে গেছে আর ডাকছে তারস্বরে।

আলম বললেন, “আর কি শঙ্খচূড়কে ধরা যাবে?”

কাকাবাবু বললেন, “সে নানারকম ছদ্মবেশ ধরতে পারে।”

আগুন দেখতে কাছাকাছি গ্রাম থেকে লোক ছুটে আসছে এদিকের। তার মধ্যে একটা মোটর বাইকের শব্দ শুনে কাকাবাবু ফিরে তাকালেন।

সেই বাইক চালাচ্ছে গগন সাহা। তার পেছনে সন্ত।

সন্তই আগে বাইক থেকে প্রায় লাফিয়ে নেমে ছুটে এল কাকাবাবুর দিকে।

কাকাবাবু রীতিমত অবাক হয়ে জিজ্ঞেস করলেন, “তোরা এ সময়ে কী করে এখানে এলি?”

সন্ত বলল, “তোমাকে খুঁজতে।”

কাকাবাবু বললেন, “এই জায়গাটা চিনিল কী করে?”

সন্ত বলল, “এটাই তো শঙ্খচূড়ের ডেরা। গগনদা চিনিয়ে এনেছেন। কাকাবাবু, সুকোমলকে আমরা উদ্ধার করেছি। আরও তিনজনকে। গগনদা সাহায্য করেছেন।”

গগন কাছে এসে কাঁচামাচু মুখ করে বলল, “কাকাবাবু, আপনার কাছে আমার অপরাধের শেষ নেই।”

কাকাবাবু বললেন, “সেসব কথা পরে শুনবে। এদিকে যে পাখি উড়ে গেল মনে হচ্ছে। কোনও চিহ্নও রাখল না।”

হাওয়ায় সেই প্রচণ্ড আশ্রনের আঁচ খানিকটা দূর থেকেও টের পাওয়া যাচ্ছে।

আলম বললেন, “এদিক দিয়ে আমরা কোনও গাড়ি যেতে দেখিনি। পেছন দিকের রাস্তা দিয়ে যদি সে পালায়, তা হলে আমাদের এফুনি ধাওয়া করা উচিত।”

আলমের গাড়ির ড্রাইভার বলল, “সার, আমি এদিকটা চিনি। এর পরে আর পাকা রাস্তা নেই। গ্রামের কাঁটা রাস্তা।”

কাকাবাবু বললেন, “সে রাস্তা দিয়েও সে পালাবার চেষ্টা করতে পারে। কিংবা ছদ্মবেশে গ্রামের লোকদের মধ্যে মিশে থাকতেও পারে। সে ভাল বাংলা জানে। কিংবা লোকটা হয়তো আসলে বাঙালি, আমার সঙ্গে হচ্ছে করে বেকিয়ে বেকিয়ে বাংলা বলছিল। পেছনের রাস্তাটা যাওয়ার আগে টবিকে নিয়ে আর-একটা পরীক্ষা করা যাক।”

টবি জ্বলন্ত বাড়িটার দিকে এগোচ্ছে না, এক জায়গায় দাঁড়িয়ে চিংকার করে যাচ্ছে।

কাকাবাবু একটা ক্রাচ ফেলে দিয়ে শুধু একটা ক্রাচ নিয়ে খোঁড়াতে খোঁড়াতে গিয়ে টবির গলার চেনটা ধরলেন। তারপর তাকে টেনে নিয়ে চললেন সামনের দিকে।

আশুন দেখতে গ্রামের লোক একদিকে ভিড় করে আছে। জ্বলন্ত বাড়িটার একপাশে দাঁড়িয়ে রয়েছে আট-দশজন নারী-পুরুষ। তাদের

পোশাকও সাধারণ, তবু ভাবভঙ্গি দেখে মনে হয়, তারা ঠিক এখনকার গ্রামের লোক নয়।

কাকাবাবু সেই দলটার দিকেই এগোতে এগোতে আলমদের বললেন, “তোমরা আমার পেছনে-পেছনে এসো।”

অনেকটা কাছে গিয়ে কাকাবাবু টবির মাথায় চাপড় মেরে বললেন, “গো টবি, গো টু ইয়ের মাস্টার।”

তার চেনটা ছেড়ে দিতেই সে তীব্রবেগে ছুটে গেল, তারপর সেই দলটার মধ্যে একজন মহিলার পায়ের কাছে গিয়ে মাথা ঘষতে লাগল, লুটিয়ে পড়ে কুইকুই শব্দ করতে লাগল।

আলম কাকাবাবুর কাছে এসে বললেন, “একজন মহিলা! এ কি শঙ্খচূড়ের বউট নাকি?”

কাকাবাবু বললেন, “বউ হোক বা না হোক, শঙ্খচূড়ের ঘনিষ্ঠ কেউ নিচরই। নইলে সকলের মধ্যে শুধু এর কাছে গিয়েই টবি এরকম করত না। এ-মহিলাকে ধরে রাখতে হবে। এর কাছ থেকে অনেক কিছু জানা যাবে।”

আলম রিভলভার তাক করে সেই মহিলাকে বললেন, “ইউ আর আভার অ্যারেস্ট। আপনি এগিয়ে আসুন।”

মহিলাটি নাকি নাকি গলায় বলল, “আমি কিছু জানি না। আমি আশুন দেখতে এসেছি। এই কুকুরটা কেন এরকম করেছে, আমি বুঝতে পারছি না।”

আলম বললেন, “আপনি এগিয়ে আসুন, নইলে হাতকড়া পরাতে বাধ্য হবে। আপনাকে থানায় যেতে হবে।”

তখন সেই মহিলা মাথার ঘোমটা সরিয়ে ফেলে গভীর পুরুষের গলায় বলল, “খবরদার, কেউ আমার কাছে আসবে না। সবাই আমার পাশ থেকে সরে যাও।”

কাকাবাবুর দিকে তাকিয়ে সে বলল, “রায়চৌধুরী, আমাকে জীবন্ত ধরার সাধ্য কারও নেই। আমি কিছুতেই ধরা দেব না। ধরা দেওয়ার আগেই মরব। আমার গায়ে আর ডি এঞ্জ বাঁধা আছে।

৩৫ বছর ধরে জনগণের
যাচাইপরীক্ষায় সফলভাবে উন্নীর্ণ
একমাত্র বনৌষধিযুক্ত উকুন নাশক তেল

লাইসিল
বনৌষধিযুক্ত
উকুন নাশক তেল

বন
উন্নত

গ্যাম্পু
বিহীন

এখন
পাউচ প্যাকেও

EXPRESSO / BENGALI

প্রস্তুতকারক: সুজানিল কোমো ইণ্ডাস্ট্রিজ, পুণে-৩৭.
Visit us : www.lisalindia.com

আমাকে কেউ ছুঁলেই প্রচণ্ড বিস্ফোরণে আমি যেমন খতম হয়ে যাব, তেমনই যে আমাকে ছোঁবে সেও ছিন্নভিন্ন হয়ে যাবে।”

কাকাবাবু তবু এক পা এগোলেন তার দিকে।

শঙ্খচূড় বলল, “রায়চৌধুরী, তুমি একবার বেঁচে গেছ, এবার কিন্তু বাঁচবে না। যদি আমাকে ধরার চেষ্টা করো, তা হলে আমরা দু’জনেই একসঙ্গে মরব। এত জোর বিস্ফোরণ হবে যে, এই পুলিশ-টুলিস এরাও কেউ বাঁচবে না।”

কাকাবাবু বললেন, “আমি তোমার কথা বিশ্বাস করি না। যারা নির্মমভাবে অন্য মানুষ মারে, তারা নিজেরা মরতে ভয় পায়। তারা কাপুরুষ। তুমি নিজের গায়ে আর ডি এক্স বঁধার যুকি নেবে না।”

শঙ্খচূড় বিদ্রূপের হাসি দিয়ে বলল, “তা হলে এসেই না, আমাকে ধরার চেষ্টা করে দ্যাখো। আমি এখনও সাবধান করে দিচ্ছি, এখান থেকে সরে যাও, আমাকে গাড়িতে উঠতে দাও।”

হঠাৎ পেছন থেকে ছুটে এল গগন। সে কাকাবাবুকে থামিয়ে দিয়ে বলল, “কাকাবাবু, আপনারা পিছিয়ে যান, আমি ওকে ধরছি। যদি আমি মরি, তাতে ক্ষতি নেই। আপনারা সরে যান।”

আলমের কাছ থেকে রিভলভারটা চেয়ে নিয়ে এক পা এক পা করে সে এগোতে লাগল শঙ্খচূড়ের দিকে।

শঙ্খচূড় বলল, “তুই? তুই এসেছিস আমার সঙ্গে বিশ্বাসঘাতকতা করতে। তুই কিছুতেই প্রাণে বাঁচবি না।”

গগন বলল, “আর আমাকে কী প্রাণের ভয় দেখাচ্ছ! আমি মরতে রাজি আছি। কিন্তু তোমাকেও আর বাঁচতে দেব না।”

গগন একবারে কাছাকাছি পৌঁছতেই শঙ্খচূড়ের মুখ শুকিয়ে গেল। সে পেছন ফিরে দৌড় লাগাতেই গগন বাঘের মতন লাফিয়ে পড়ল তার খাড়ে।

কোনও বিস্ফোরণ হল না।

কাকাবাবু ঠিকই বলেছিলেন, এইসব নিষ্ঠুর খুনিরা নিজেরা মরতে ভয় পায়।

তবু গগনকে হিংস্রভাবে আক্রমণ করে কামড়াতে শুরু করেছিল, কাকাবাবু দ্রুত এসে তার চেন্টা ধরে টেনে সরিয়ে নিলেন।

গগন রিভলভারের বাঁট দিয়ে শঙ্খচূড়ের মাথায় এমন মারতে শুরু করেছে যে, তার মাথাটা টোচির হয়ে যেতে পারত, আলম এসে তাকে চেপে ধরে বললেন, “ও কী করছেন, ও কী করছেন? ওকে আমার জ্যান্ত ধরতে চাই।”

শঙ্খচূড় ততক্ষণে অজ্ঞান হয়ে গেছে।

॥ ১৫ ॥

গগনের মোটর বাইকটা তুলে দেওয়া হয়েছে পুলিশের জিপে।

আলমের গাড়িতে কাকাবাবুর সঙ্গে বসেছে সন্ত আর গগন।

কাকাবাবু সন্তকে জিজ্ঞেস করলেন, “হ্যাঁ রে, সুকোমল ভাল আছে? তাকে কোথায় পেলি?”

সন্ত এক পলক গগনের দিকে তাকিয়ে বলল, “একটা দ্বীপে। না, ওকে মারধর করেনি। এমনই ভাল আছে।”

কাকাবাবু গগনকে জিজ্ঞেস করলেন, “তুমি এর মধ্যে জড়িয়ে পড়লে কী করে? তোমার তো নিজস্ব ভালই ব্যবসা-টাবসা আছে।”

গগন বলল, “বিশ্বাস করুন, কাকাবাবু, টাকার লোভে যাইনি।

এদের সঙ্গে হাত মেলাতে হয়েছে প্রাণের ভরো। একটা বিরাট গ্যাং ছড়িয়ে আছে সারা দেশে। তাদের সব কাজ ভাগ-ভাগ করা। আমাকে বলেছিল, মানুষ ধরে-ধরে এনে মুক্তিপণের ব্যবস্থা সব ওরা নিজেরাই করবে, আমাকে শুধু লুকিয়ে রাখার জায়গাটা দিতে হবে। যদি রাজি না হই কিংবা পুলিশের কাছে মুখ খুলি, তা হলে আমাকে খুন করে ফেলবে। ওরা এমনই সাজঘাতিক যে, ওদের হাত ছাড়িয়ে বাঁচার উপায় নেই। তাই বাধ্য হয়ে রাজি হয়েছিলাম। এক সময় নিজের ওপর ধোঁয়া হল, মনে হল, এ আমি কী করছি, মুক্তিপণ আদায় করতে না পারলে এরা ছোট ছেলে কিংবা বয়স্ক লোক যে-ই হোক, তাকে মেরে ফেলে, আমি তাতে সাহায্য করছি। নিজের ওপর যেহা হতেই প্রাণের ভরসা কেটে গেল।”

কাকাবাবু বললেন, “শুধু মানুষ চুরি নয়, এদের পরিকল্পনা ছিল আরও সাজঘাতিক। এয়ারপোর্ট উড়িয়ে দেওয়া, রেল স্টেশন, ট্রেন ধ্বংস করা, অনেক কিছু। দেখো, বেশিরভাগ মানুষ শান্তিই চায়, শুধু কিছু-কিছু মানুষ টাকার জন্য, ক্ষমতার জন্য সারা পৃথিবী জুড়েই অশান্তির সৃষ্টি করে চলেছে। যাক গে, সেসব কথা পরে হবে। সন্ত, আমাদের লক্ষ্যের শক্তিশালী নাকটো কিন্তু বন্ধ করা চলবে না। আবার রিহার্শাল দ্বিগ্নে স্টেজ নাটকটাতেই হবে?”

সন্ত বলল, “হ্যাঁ, আর কয়েকদিন রিহার্শাল দিলেই সব ঠিক হয়ে যাবে।”

গগন বলল, “কাকাবাবু, আমাকে একটা পার্ট দেবেন?”

কাকাবাবু বললেন, “আর তো পার্ট থাকি নেই। তা ছাড়া এটা ছোটরাই করবে। তুমি প্রস্পন্টার হতে পারো। উইংসের পাশে দাঁড়িয়ে প্রস্পন্ট করবে, যদি কেউ পার্ট ভুলে যায়—”

গগন বলল, “আমি তাতেই রাজি।”

কাকাবাবু বললেন, “তোরা পার্ট মনে আছে সন্ত, তুই তো জাদুবাদ। আচ্ছা এই জায়গাটা বল তো, রামের সামনে সবাই মিলে খুব জরুরি আলোচনা হচ্ছে, এর মধ্যে মন্ত্রী জাদুবাদ ঘুমিয়ে পড়লেন। তখন ধাক্কাধাক্কি করে তাকে জাগিয়ে দেওয়ার পর তুই কী বলবি?”

সন্ত বলল, “হ্যাঁ রে, আমার কাঁটা ঘুম ভাঙিয়ে দিলি! ব্যাটা বেল্লিক, বেআক্কেল, ইডিয়টো ভূত।”

কাকাবাবু বললেন, “হ্যাঁ, ঠিক হয়েছে। আচ্ছা, সেই গানটা মনে আছে? সবাই মিলে গাইবে, রাবণ ব্যাটায় মারো—”

সন্তুর সঙ্গে-সঙ্গে কাকাবাবুও গান করলেন:

রাবণ ব্যাটায় মারো, সবাই রাবণ ব্যাটায় মারো
(তার) মাথায় ঢেলে ঘোল, (তারে) উলটো গাথায় তোল
(তার) কানের কাছে পিটতে থাকো চোদ হাজার ঢোল।
কাজ কি ব্যাটার বেঁচে, (তার) চুল দাড়ি দাঁও চেঁচে
নসি ঢোকাও নাকে ব্যাটা মরুক হেঁচে-হেঁচে।
(তার) গালে দাঁও চুনকালি, (তারে) চিমটি কাটো খালি
(তার) চোদ পুরুষ উড়িয়ে দাঁও পেড়ে গালাগালি
(তারে) নাকাল করো আরও, যে-যেরকম পারো
রাবণ ব্যাটায় মারো সবাই রাবণ ব্যাটায় মারো—

গগন বলল, “ওই শঙ্খচূড় ব্যাটাকেও এইভাবে মারা দরকার!

কাকাবাবু শুরু করলেন আর-একটা গান।

